


困學紀聞注卷六



餘姚翁元圻載青輯

春秋

元圻案李氏燾作謝疇春秋古經序曰司馬遷言春秋文成數萬張晏曰春秋才萬八千字誤也今細數之更缺一千四百二十八字春秋說題辭曰孔子作春秋一萬八千字是張晏所本

春秋之法韓文公謹嚴二字盡之學春秋之法呂成

公切近二字盡之

元圻案韓退之進學解周詒殷盤估屈豸牙春秋謹嚴左氏浮誇易奇而法詩正而葩程子曰禮一失則為夷狄再失則為禽獸聖人恐人之入於禽獸也故春秋之法中國而用夷禮則夷之韓愈言春秋謹嚴深得其旨呂成公左氏傳說十八論楚史皇之言半正半邪初問與子常說楚人惡子而好司馬數句便是

李林甫盧杞一等人子常欲奔史皇曰安求其事難而逃之將何所入子必死之到得子常不用他言出奔鄭便自死於軍後箇人一段便是張巡顏杲卿一等人於是知大段好箇底人尚自知那畏義這箇人平日不會克私意於愛憎勝負之間消磨未盡前面教子常奪司馬之功致於亡楚看他後面死於軍本是箇知恥畏義底人緣他愛憎勝負之間不會克私意論其罪考其實與李林甫盧杞罪一等可為學者深戒何死未有史皇之畏義於愛憎勝負安得不十分消磨學須是切近看這般事方會長進

困學紀聞注 卷六

詩亡然後春秋作詩春秋相表裏詩之所刺春秋之

所貶也小雅盡廢有宣王焉春秋可以無作也王

風不復雅君子絕望於平王矣然雅亡而風未亡

清議蓋凜凜焉擊鼓之詩以從孫子仲為怨則亂

賊之黨猶未盛也無衣之詩待天子之命然後安

則篡奪之惡猶有懼也更齊宋晉秦之伯未嘗無

詩禮義之維持人心如此魯有頌而周益衰變風

終于陳靈而詩遂亡夏南之亂諸侯不討而楚討

之中國為無人矣春秋所為作與何云精義先儒所未逮全云此亦是儒者之

言聖人未必即此意魯莊公息父辭與齊為婚尚何責於諸侯之不討夏南○元圻案衛風小序擊鼓怨州吁也衛州吁用兵暴亂使公孫文仲將而平陳與宋國人怨其勇而無禮也公是先生弟子記無衣之詩其愚足以得民其智足以使臣其力足以兼國然而不自安也待天子之命然後安

國學紀聞注 卷六

鄭康成詩譜序曰孔子錄懿王夷王時詩訖於陳靈公淫亂之事謂之變風
變雅正義曰陳靈公魯宣公十年為其臣夏徵舒所弑變風齊郡為先陳最
在後變雅則處其間故鄭舉其終始也 宣公十年陳夏徵舒弑其君平
十一年楚人殺陳夏徵舒孫氏復春秋發微曰言楚人與楚討也徵舒弑
君天子不能誅諸侯不能討而楚人能之故孔子與楚討也胡氏傳曰其稱
楚人殺夏徵舒諸夏之罪自見矣 王氏師韓韓門綴學一王迹熄而詩亡
趙氏以頌聲不作為亡米子以無雅為亡考范甯梁傳集解序曰就太師
而正雅頌因魯史而作春秋列黍離於國風齊王德於邦君所以明其不能
復雅政化不足以及被羣后也陸德明謂平王東遷政遂微弱詩不能復雅下
列稱風孔穎達謂王曾雖在政教纔行於畿內化之所及與諸侯相似也風
雅擊政廣狹王爵雖尊猶以政狹入風然則降王於國風而雅亡其說固不
自朱子始矣然雖無雅猶有風也且政衰何以遂亡陸德明謂平王成公謂雅亡
而風未亡清議猶凜凜焉變風終於陳方氏中復古今釋疑曰大一統之禮
之不詳余於近代儒者得數說焉桐城方氏中復古今釋疑曰大一統之禮
莫大乎巡狩述職之典今周衰矣天子不巡狩故曰述熄不巡狩則太史不
採風獻俗不采國風則詩亡矣春秋所以作也安溪李文貞公曰畿內之地
亦有風謠雖兩周盛時豈能無風王朝卿士賢人閔時念亂雖既東之後豈
盡無雅只可以正變分治亂不可以風朝卿士賢人閔時念亂雖既東之後豈
東遷後猶有魯頌况雅乎然西周不見所謂風東京亦無復雅者意畿內醇
美之詩悉附於二南以為正風而衰亂之音則別為王風以為變至雅之無
東則序詩者次之也今觀所謂平王之孫齊侯之子赫赫宗周褒姒滅之周
宗既滅今也日登國百里明是王畿有正風東遷有變雅之證元風詩是王

春王正月程氏傳曰周正月非春也假天時以立義

者命太史採陳而行賞罰之典於春秋所取之義尤切奈何專以無雅為詩
亡常熟嚴氏虞序讀詩質疑曰詩何以作為王迹作也文武成康之盛無論
矣幽厲失道板蕩無章然而流風遺澤故在也東遷而後齊晉主盟猶歎共
主方漢雖橫高貢包茅忠臣義士抒憤懣之詞思婦勞人陳危苦之語雖非
一軌於正然猶羣知有王迹未熄詩未亡也桓文既沒中國無霸於是郊野
大鼻狡放於荆荆子滂洩遺封下夷於九縣雖有志士仁人無所施言諱諒
無所用迹既熄詩既亡矣詩亡以刺譏諷諫存王迹於未運春秋以筆削褒詡
扶王迹於已墜春秋所以繼詩亡而作詩亡也蓋自楚莊入
陳殺微舒而夫子刪詩止此矣是之謂詩亡又顧氏曰知錄曰邶鄘衛王列
國之名其始於成康之世乎惟周王撫萬邦巡侯甸而太師陳詩以觀民風
其采於商之故都者則繫之邶鄘衛其采於周之疆土者則繫之王亦周風
師之木名其采於列國者則各繫之其國至驪山之禍先王之詩率已闕軼
而孔子所錄者皆平王以後之詩此變風所由名也詩雖變而太師之本名
周不敢變此十二國之所以猶存其舊也又曰二南存也詩也大小雅也皆西
周之詩也至幽王之時惟何彼穠矣為平王以後之詩其餘十二國風則
東周之詩也王者之迹熄而詩亡西周之詩亡也詩亡而列國之事迹不可
得而見於是晉之乘楚之檣杞魯之春秋出焉是之謂詩亡然後春秋作也
周頌西周之詩也魯頌東周之詩也成康之世魯豈無詩而今亦已亡矣故
亡也此論雖與諸說互異而足以互相證明

耳胡氏傳曰以夏時冠月垂法後世以周正紀事
示無其位不敢自專朱文公謂以書考之凡書月
皆不著時疑古史記事例如此至孔子作春秋然
後以天時加王月以明上奉天時下正王朔之義
而加春於建子之月則行夏時之義亦在其中

上朱子答
張南軒書

以程子假天時以立義考之則是夫子作

春秋時特加此四字以繫年見行夏時之意如胡
氏之說則周亦未嘗改月而夫子特以夏正建寅
之月爲歲首月下所書之事是周正建子月事自
是之後月與事常差兩月恐聖人制作不如是錯
亂無章也劉質夫說似亦以春字爲夫子所加但
困學紀聞注 卷六 三

魯史謂之春秋似元有此字

朱子答石林擇之書云三代正朔
以元祀十有二月考之則商人

但以建丑之月爲歲首而不改月號以孟子七八月十一月十二月之說考
之則周人以建子之月爲歲首而不改時以書一月戊午厥四月哉生明之
類考之則古史例不書時以程子假天時以立義考之云云 又朱子答胡
平一曰凡此之類反覆推說儘有可通亦儘有可難雖嘗遍問前輩亦未有
決然不可移之說竊謂與其求必通而陷
於鑿似不若闕之之爲愈見文集五十八 石林葉氏 全云葉夢得
著春秋三種考

左傳祭足取麥穀鄧來朝以爲經傳所記有例差

兩月者是經用周正而傳取國史有自用夏正者

失於更改也

劉原父曰穀鄧經書夏朝傳云春朝此傳所
據者以夏正記事也石林之說蓋本於此

陳氏後

傳

全云止
齋作

曰以夏時冠周月則魯史也夫子修春秋

每孟月書時以見魯史每正月書王以存周正蓋

尊周而罪魯也張氏 全云清江張
洽朱子弟子 集傳曰周官布治言

正月之吉此周正也而以夏正爲正歲詩七月言

月皆夏時而以周正爲一之日可見兼存之法

朱子

答吳晦叔書曰詩中月數又似不曾改如四月

維夏六月但暑之類故某向者疑其並行也 沙隨程氏曰周正

之春包子丑寅月呂成公講義於春字略焉蓋闕

疑之意

閩按春秋魯史記之名孔子前已然年有四時不可偏舉四字以爲書號故交錯互舉取春秋二字耳此豈春秋特筆哉元

圻案石林春秋攷已供 四庫全書從承輿大典輿輯得十之七八其統論

二云左氏記事大抵先經一時如隱書冬宋人取長葛左氏以爲秋桓書夏

穀伯綏來朝鄧季吾離來朝左氏以爲春僖五年春晉侯綏申生左氏記皆

四年十二月十年正月晉里克弒卓及荀息左氏記于九年十一月等紀皆

從舊史之文舊史之序時亦皆本於夏正蓋既以正歲爲歲始則時有不得

亂時不得亂則月亦不得易春秋所以易之者蓋編年以繫事而正朔王法

之所謹不得不本周正也 陳止齋春秋後傳隱元年春王正月傳曰魯謂

之春秋者其書法以四時冠月也以夏時冠周月非周之舊典也西周之三

言時皆夏時也言月皆周月也言時皆夏時於周官見之季春出火非周三

月季秋納火非周九月仲夏斬陰木非周五月仲冬斬陽木非周十一月之

類言月皆周月於書見之康誥三月召誥二月不言夏洛誥十二月不言春

多方五月畢命六月不言秋伊訓十二月不言冬之類未有以夏時冠周月

者也惟詩以夏正數月至幽風於周正月則變文謂之一日以夏時冠周

月則魯史也云云 張氏洽春秋集傳春王正月傳曰按胡氏以爲商周雖

困學紀聞注 卷六

四

改正朔而實未嘗改月故有夏時冠周月之說今按周人改月之證見於書傳坦然明甚但以當時兼存夏正故於經傳之閒互見迭出後人因此或迷而不覺至胡氏又惑於商書之說臆決而爲此言耳其實非也可以言之周官于布治言正月之吉此周正也而以夏正爲正歲所謂正歲十有二月令斬冰此其證之尤章明者又如七月流火九月授衣此夏正也而以周之正月爲一之日觀此二者可以見其兼存之驗矣其兼存之何也周人雖以天統改用建子而以夏數之得天故未嘗廢而於因事當用之時每存之也書錄解題春秋類春秋傳二卷伊川程子撰又春秋傳三十卷通例一卷通旨一卷徽猷閣待制建安胡安國康侯撰又春秋傳十二卷劉絢質夫撰二程門人其師亟稱之 劉質夫春秋傳程氏春秋傳張洽春秋集傳經義攷皆云已佚唯張洽集傳抄本共二十六卷內缺十八至二十二卷三至二十六卷 洽字元德清江人嘉定初進士歷官著作佐郎卒諡文憲

胡文定

胡安國

春秋傳曰元卽仁也仁人心也龜山

與

康侯第

謂其說似太支離恐改元初無此意

原注東萊集解亦不

取全云文定之說固腐甚然頗淵源於漢志○元圻案葉石林春秋傳曰易曰元者善之長也君子體仁足以長人未有始卽位而不求其爲仁者也故不曰一年而曰元年與胡傳意同 董子對策曰一者萬物之所從始也元者辭之所謂大也謂一爲元者視大始而欲正本也羅氏泌路史餘論曰

元者辭之所謂大也謂一爲元者視大始而欲正本也羅氏泌路史餘論曰

大哉乾元萬物資始此天之所爲用也至哉坤元萬物資生此地之所爲用也然則稱元者直欲其奉元以養物而成德亦所以示正本謹始而已矣蓋從董子漢書律歷志一元典歷始曰元傳曰元善之長也共養三德爲善又曰元體之長也合三體而爲之原故曰元

隱元年有正月後十年皆無正月陸淳春秋集傳曰元微旨卷二

年有正言隱當立而不行卽位之禮十年無正譏

隱合居其位而不正以貽禍元圻案書錄解題春秋集傳纂

元陸質伯淳撰初潤州丹陽王簿趙郡叅助叔佐明春秋傳洋州刺史河東趙匡伯循質從助及伯循傳其學質本名淳避憲宗諱改焉隱十一年穀梁傳曰隱十年無正隱不自正也元年有正所以正隱也陸氏之說本此某石林傳曰隱何以不書卽位將以治隱也隱受國於惠公則正私其志而欲以讓桓則不正其必日是桓之位而非吾之所得居也故書正月以見正不書卽位以治其不正不書非不卽位也以爲有其位而不能居是以沒之以正其志也其說亦本穀梁

春秋書侵者才五十八閩按胡傳以爲侵六十七而書伐者至於二百

一十三蘇氏謂三傳侵伐之例非正也有隙曰侵

困學紀聞注 卷六

五

有辭曰伐愚謂孟子曰春秋無義戰非皆有辭而

伐也元圻案莊二十九年左傳曰凡師有鐘鼓曰伐無曰侵輕曰襲莊十年公羊傳曰狝者曰伐醜者曰侵醜五年穀梁傳曰苞人民毆牛馬

曰侵斬樹木壞宮室曰伐東萊春秋集解取陸質纂例趙子曰凡師稱野致討曰伐無名行師曰侵之說王皙春秋左傳論侵伐取滅篇亦取之石林葉氏傳曰聲其罪而討曰伐伐備鐘鼓不聲其罪而直討曰侵侵衛聲有鐘鼓而不作罪大則伐小則侵賊賢害民則伐之負國不服則侵之大司馬之法也天子在上諸侯不得擅相討春秋之世征伐自諸侯出雖無過而不爲僭然其名則竊取之矣蓋兼取左氏趙氏之說似與孟子意合書錄解題春秋集傳十二卷蘇轍撰專本左氏不得已乃取二傳啖趙蓋以一時談經者不復信史或失事實故也

金石錄鼎銘有云王格大室卽立按古器物銘凡言

卽立或言立中庭案立中庭諸本皆作中庭今從閩本皆當讀爲位蓋古

字假借其說見鄭氏注儀禮秦泰山刻石猶如此

案此皆趙明誠古鼎銘跋尾文在金石錄卷十二

愚按周禮小宗伯掌建國之神位

此下疑脫鄭氏注三字

故書位作立鄭司農云立讀爲位古者立

位同字古文春秋經公即位爲公卽立蓋古字通

用正義曰古文春秋者漢藝文志云春秋古經十二卷是此古文詛楚

文歐陽公集古錄秦祀巫成文一變輸盟刺卽淪字朱文公作秦誓文今流俗謂之詛楚文

引以證公穀鄭人來輸平卽左氏淪平也原注胡文定謂以物

求平恐未必然。元圻案惠氏九經古義聘禮及廟門公揖入立於中庭棟

案立讀爲位史記周本紀云武王既入立于社南今周書克殷解文也案其

銘云王入卽位于社是又周鄭敦銘云毛伯內門立中庭周敦銘云蘇公

又右敦立中庭北鄉韋安嗣許叔重皆云列中庭之左右曰位明立字亦當

作位釋者仍訓爲本字非也。朱子語類鄭人來輸平淪變也蓋魯先與宋

好鄭人却未淪平謂變淪舊盟以從新好也公聚作輸平胡文定謂以物求

平也恐不然但言淪字之意有在其中如秦詛楚文云變輸盟刺若庸

回無道淫邪甚亂宜侈議從變淪盟刺韓元吉校本云淪石作淪。變淪盟

刺刺字不可解東坡詛楚文詩王注載詛楚文作變淪盟制當從之

史記孔子世家文辭有可與人共者至於爲春秋筆

困學紀聞注 卷六

六

則筆削則削子夏之徒不能贊一辭案程子春秋傳序曰辭不待贊也言不能

與於斯耳曹子建與楊德祖書見文選昔尼父之文辭與人

通流至於制春秋游夏之徒乃不能措一辭李善

注引史記曰子游子夏之徒不能贊一辭今本無

子游二字元圻案孝經鉤命決曰孔子在庶德無所施功無所就志在春秋行在孝經以春秋屬商孝經屬參文選曹攄思友在

詩注引論語崇爵議曰子夏其操仲尼微言以當素王俱不及子游惟春秋

說題辭曰孔子作春秋一萬八千字九月而書成以授游夏游夏之徒不能

改一字與文選引史記同

公羊疏按閔因敘云昔孔子制春秋之義使子夏等

十四人求周史記得百二十國寶書原注今經止有五十餘國通或夷宿潞之

屬僅有六十閔案墨莊七年傳云不修春秋日兩星不

及地尺而復君子修之日星實如兩何氏曰不修

春秋謂史記也古者謂史記爲春秋劉原父謂何

休以不修春秋百二十國寶書三禮春秋問案三禮二字疑不可曉

反覆窮思似是修爲二字質證公羊傳疏頗合因白笑曰邢邵言日思說書

更是一適全云三禮二字當是三註謂其稿累易而成○案公羊傳首疏

實作脩爲則問朱文公謂二書不傳不得聖人筆削之

意元圻案經義考問氏因春秋欲佚按問未詳何時人徐氏公羊傳疏引

辭咸有此文而徐氏獨據其敘中之言也考春秋緯感精符考異郵說題

據而言寶書者寶書保也以其可世也傳保以爲成也又問曰若然公羊之

義據百二十國寶書以作春秋今經止有五十餘國通或夷官曰然僅有

六十例言百二十國手答曰其初求也實得百二十國史而有極美可以訓

世有極惡可以戒俗者取之若不可爲法者皆棄而不錄是以止得六十國

也史通六家篇曰汲冢璣語記大丁時事爲夏殷春秋又有晉春秋記獻

公十七年事國語云晉羊舌肸習於春秋左傳昭二年事韓宣子春聘見魯

春秋斯則春秋之日章匪一家又按竹書紀年其所記事皆與魯春秋同孟

子曰晉之乘楚之檇杌而魯謂之春秋其實一也然則乘與紀年檇杌其皆

春秋之別名者乎故墨子曰吾見百國春秋蓋皆指此也朱子偶讀漫記

云劉原父嘗病何休以不修春秋百二十國寶書三禮春秋而子反病二書

之不傳不得深探聖人筆削之意也隨書經籍志春秋公羊解詁十一卷

國學紀聞注 卷六

七

漢談議大夫何休注書錄解題春秋公羊傳疏三十卷不著撰人名氏唐

志亦不載廣川藏書志云世傳徐彥撰不知何據然亦不能知其定出何代

意其在貞元長慶後也景德中侍講邢昺校定傳之經義考曰公羊傳有

不修春秋則魯之春秋也周燕齊宋皆有春秋載在墨子合以晉乘楚檇杌

鄭志百國春秋之名僅存其八而已

王介甫答韓求仁問春秋曰此經比他經尤難蓋三

傳不足信也尹和靜云介甫不解春秋以其難之

也廢春秋非其意朱文公書臨漳所刊四經後亦曰春秋義例

時亦窺其一二大者而終不能自信於心故未嘗

敢措一辭全云祁寬所輯和靖語錄海陵周茂振謂荆公如孫莘老之

可以釋然○元圻案臨川集答韓求仁書曰至於春秋三傳既不足信故於

諸經尤爲難知辱問皆不果答亦冀有以亮之周茂振跋孫莘老春秋經

賦聖經曰斷爛朝報也經義考一初八十一王氏安石之書已出之遂

希迺曰尹和靖言介甫未嘗廢春秋廢春秋以爲斷爛朝報皆後宋無忌揮

考託介甫之言也韓玉汝有子宗文上介甫書請六經之旨介甫皆答之獨

於春秋曰此經比他經尤難蓋三傳皆不足信也和靖去介甫未遠其言如此
楊龜山作孫莘老春秋經解序曰熙寧之初崇儒尊經訓迪多士以爲三傳異同無所考正於六經尤爲難知故春秋不列於學官非廢而不用也陸農師答翟子方書曰荆公不爲春秋蓋嘗聞之矣公曰三經所以造士春秋非造士之書也學者求經當日近者始學得詩然後學書學得書然後學禮三者備春秋其通矣故詩書執禮子所推言春秋罕言以此

鶴山李明復春秋集義序

曰春秋由懼而作書成而亂賊懼亂賊蓋陷溺之深者而猶懼焉則人性固不相遠也其

說本於呂成公講義

元圻案經義考呂氏祖謙春秋講義一卷存黃震曰成公講義亦少年之作但不至如博

議之太刻耳汪藻作張根春秋指前序曰彼亂臣賊子者豈曉然知道理之人哉一見春秋而知懼焉非懼聖人之書也懼天下是非之公也

書尹氏卒

案監公三年左傳作君氏此從公穀

此尹氏立王子朝之始也

昭公

比事齊崔氏出奔衛

宣公十年

此崔杼弑其君之始也

襄公

萌必謹其微何云迂遠無當元圻案公羊隱三年傳其稱尹氏何貶曷爲貶譏世卿非禮也注尹氏世立王子朝齊崔氏

國學紀聞注 卷六

世弼其君王氏此條元程端學春秋本義引之石林春秋傳曰尹氏卒貶世卿也春秋之世內諸侯之禍有如尹氏者其後卒以擅立君諸侯之大夫世爲有如齊崔氏者其後卒以弑君故尹卒以氏書崔杼出奔以氏書以爲是世卿者所爲故各因其事一見法焉

薛士龍春秋旨要序謂先王之制諸侯無史天子有

外史掌四方之志而職於周之太史隱之時始更

魯歷案魯歷書錄解題作周歷

而爲魯史諸侯之有史其周之衰乎

費誓秦誓列於周書甘棠韓奕編之南雅烏在諸

侯之有史也晉乘始於殤叔秦史作於文公

史記秦本紀文

公十三年初有史以紀專民多化者

王室之微諸侯之力政焉耳

文在浪語集卷三十

止齋後傳因之朱文公語錄以爲諸侯若無史外史

何所稽考而爲史古人生子則閭史書之

見禮記內則閭

尚有史况一國乎

原注愚謂酒誥曰矧太史友內史友則諸侯有史矣閭按成王封伯禽有史有典策春秋之

制也○元圻案陳氏傳良春王正月傳曰古者諸侯無私史有邦國之志則小史掌之而藏周室魯人所謂周人御書管人所謂年有之二子董之晉則是有董史者也是故費誓繫于周書漢汝江池至於譚大夫下國之詩皆編入于南雅自三史作而國自爲史矣自注本常州先生薛氏 楊氏簡春秋解自敘呂氏大圭春秋或問亦從薛常州說 隨書經籍志云古者天子諸侯必有國史以紀言行夏歷以上左史記言右史記事周則太史小史內史外史分掌其事而諸侯之國亦置史官 書經解題春秋經解十二卷指要二卷知常州永嘉薛季宣土龍撰其序專言諸侯無史季宣博學通儒不事科舉陳止齋師事之 黃氏仲炎春秋通說一荀悅亦云古者天子諸侯有事必告於廟廟有二史

春秋日食三十六有甲乙者三十四歷家推驗精者

不過二十六 原注有日朔者二十六以周歷考之 朔日失二十五曆歷校之又失十三 唐一行得二

十七 原注朔 差者半 本朝衛朴得三十五獨莊十八年三月

古今算不入食法 闕按春秋三十六日食有誤五爲三者莊公十 八年僖公十二年是有誤三爲二者文公元年 是有誤十爲七者宣公八年是有誤九爲六者昭公十七年是有以後月作 前月不應閏而閏先時者隱公三年桓公三年十七年莊公二十五年三十 年是有以前月作後月應閏而不閏後時者宣公十七年成公十七年襄公 十五年二十七年昭公十五年定公十五年定公十五年五月之交宜

因學紀聞注 卷六

九

在四月然乃考時月食非日食何誤至此蓋史失其官閏餘非次從古未有過於春秋之世則難信亦未有過春秋之書者也 衛朴以莊公十八年三月獨不入食法不知法推是歲五月壬子朔申時日食元史郭守敬曰蓋誤五爲三是也詳見余潛邱劄記○元圻案夢溪筆談十八淮南人衛朴精於歷術一行之流也春秋日食三十六諸歷通驗密者不過得二十六疑前史得二十七朴乃得三十五雅莊公十八年一蝕今古算皆不入蝕法疑前史誤耳自夏仲康五年癸巳歲至咸寧六年癸丑凡三千二百一年書傳所載日蝕凡四百七十五衆歷考驗雖各有得失而朴所得爲多

漢日食五十三後漢七十二唐九十三歷法一百七

十三日有餘一交會 案此隱公三 年正義文 然春秋隱元年至哀

二十七年凡三千一百五十四月唯三十七食是

雖交而不食也襄二十一年九月十月二十四年

七月八月頻食是頻交而食也 原注漢高帝三年十月十一 月亦頻食 閏按比月頻食

此理所絕無者歷家如姜爰一行皆言之鑿鑿不必西法爲然余嘗意襄公二十一年二十四年之前之後必有某公某年爲冬十月庚辰朔日有食之者又有爲八月癸巳朔日有食之者脫其簡於彼而錯其簡於此事固宥之理或一解泰雲九頗以爲然○元圻案隱公三年左傳注日月動物離行度

有大量不能小有盈縮故有雖交會而不食者或有頻交而食者正義曰
戰國及秦歷紀全差漢來漸候天時始造其術劉歆三統以為五月二十三
分月之二十而日一食空得食日而不得加時漢末會稽都尉劉洪作乾象
歷始推月行遲疾求日食加時後代舊之漸益詳密今為歷者推步日食莫
不符合但無頻月食法故漢興以來始將千歲為歷者皆一百七十三日有
餘而始一交會未有頻月食者今頻月而食乃是正經不可謂之錯誤也注
不能定故未之言又襄二十四年左傳正義劉炫曰漢末以來八百餘載考
其注記都無頻月日食之事計天道轉運古今一也但其字則變古為篆改
篆為隸書則繅以代簡紙以代牒傳寫致誤失其本真也

西疇崔氏 全云浩陵崔子方彥直

曰春秋桓桓四年七年無秋冬定十

四年無冬桓十七年 案十七當作十四 書夏五而闕其月 闕何本俱誤作七

莊二十二年書夏五月而闕其事僖二十八年書

王申而不繫之月桓十年書五月而不繫之夏昭

十二年書十二月而不繫之冬郭公仲孫忌與凡

日食而不繫朔與日者皆闕也 元圻案桓公四年杜注國史之記必書年以集此公之事

困學紀聞注 卷六

十

書首時以成此年之歲故春秋有空時而無事者今不書秋冬首月史闕文他皆放此 宋趙氏鵬飛春秋經筵桓桓四年七年無秋冬闕文也何休附會以為桓無王故貶去二時此妄說也十二公之中惟桓一公最多闕文五年春正月甲戌之下闕事併甲戌己丑書陳侯鮑卒十二年十一月一月之中春書丙戌十四年夏五月十日食闕日 書錄解題春秋經解十六卷本例例要一卷涪陵崔子方彥直撰經聖中罷春秋取士方三上書之復之不報遂不應進士舉黃山谷稱之曰六合有佳士曰崔彥直其人不可游諸公然則其賢而有守可知矣 經義考崔氏經解佚本例例要存 案今本題曰西疇居士春秋本例共二十卷書錄作一卷誤也王氏所引不見於本例蓋經解之文 西疇之說元程端學春秋本義引之

孟子題辭 案趙岐作 仲尼有云我欲託之空言不如載之行

事之深切著明也太史公自序聞之董生曰子曰

我欲載之空言不如見之行事之深切著明也 春秋

繁露俞序篇孔子曰吾因其行事而加乎王心焉以為見之空言不如行事博深切明 正義云此春秋緯文

愚謂緯書起哀平間董生時未有之蓋為緯書者

述此語耳 元圻案隋書經籍志孟子十四卷趙岐注 後漢書趙岐傳岐字邠卿京兆長陵人也初名嘉生於御史臺因字臺卿多

所述作者孟子章句三輔決錄傳於時程子曰詩書載道之文春秋聖人之用五經之有春秋猶法律之有斷例也律令惟言其法至斷例則始見法之用詩書如藥方春秋如用藥治病聖人之用全在此書故曰不知見之行事之深切而著明

公矢魚于棠

案隱公五年公殺經文俱作觀魚此從左傳

朱文公類

語

曰據傳曰則

君不射是以弓矢射之如漢武親射蛟江中之類

按淮南時則訓季冬命漁師始漁天子親往射魚

則左氏陳魚之說非矣

全云左氏之陳魚則竭澤淮南之射魚則取其大者畢竟不同至其云則君不射之射恐是不射其利耳○元圻案漢書武帝紀元封五年冬行南巡狩至於盛唐望祀虞舜于九嶷登瀟天柱山自尋陽浮江親射蛟江中獲之葉石林春秋攷五古者祭必親射牲故各因四時之田而取之臧僖伯始言春蒐夏苗秋獮冬狩皆于農隙以講武事末言鳥獸之肉不登于俎皮革齒牙骨夏苗秋獮冬狩皆于農隙以講武事末言鳥獸之肉不登于俎皮革齒牙狩而假射牲以為之名乎則觀正當為言蓋矢也豈隱公本以觀魚不通過一後世如秦始皇幸瑯琊候大魚出射之漢武帝射蛟江中皆當隱之為也宋竹垞曰俞成宋慶歷中著營雪議談謂以矢為觀非也引周禮失其魚鼈而食之直作射解

困學紀聞注 卷六

十一

春秋正月書王者九十二二月書王者二十有三

月書王者一十九

原注元年不以其事無事皆書王

何休謂二月三月

皆有王者以存二王之後

原注二月殷之正月三月夏之正月

先儒以為

妄

元圻案孫氏復春秋尊王發微隱公三年春王二月說曰羣公之年正月書王者九十二二月書王者二十三月書王者一十七春秋之法唯元年不以其事無事皆書王正月餘年事在正月則書正月事在二月則書

二月事在三月則書三月

王氏與孫氏之說互異以經書之月總數計之

四年書王之月共得一百三十二左氏終於哀公十六年十五十六兩年皆

書春王正月恰得一百三十四與王氏總數合蓋通志堂所乘尊王發微文

有脫誤可藉以校正

伊川程子經說事在二月則書二月事在三月則書三月無事則書時書首月

隱公三年公羊傳注二月三月皆有王者二月殷之正月三月夏之正月也王者存二代之後統其正朔所以尊先聖通三統左傳隱公元年正義曰服虔亦云孔子作春秋於春每月書王以統三王之正謂周室之臣民尊夏殷之舊主每月書王敬奉前代揆之人情未

紀侯大去其國

莊公四年陳齊之

全云字長方謂聖人蓋生名之

時主其為顛倒不亦甚乎

案記曰諸侯失地名大名也若漢變大是也愚按以大爲紀侯

之名本劉質夫何云國滅身竄故從卒例亦復近理質夫名絢程門弟子。元圻叢史記封禪書樂成侯上書言樂大

樂大膠東昔人故嘗與文成將軍同師漢書漢武帝紀今遺博士大等六人分循行天下師古曰諸大也。儒林傳有蘭陵褚大。經義考陳氏長方

春秋傳狄張昶曰長方字齊之其先長樂人唐吳中步里紹興間以進士終

江陰軍教授胡氏寧曰伊川先生以大者紀侯之名異其不能死社稷也

呂氏集解常山劉氏曰大者紀侯之名也生名之著失地也

魯哀公問仲尼曰春秋之記曰冬十二月實霜不殺

菽何爲記此仲尼對曰此言可以殺而不殺也夫

宜殺而不殺桃李冬實天失道草木猶犯干之而

况於人君乎此韓非書所載也此內儲說上篇文以魯論焉

用殺之言觀之恐非夫子之言也法家者流託聖

言以文其峭刻耳胡文定公春秋傳取之未詳其

困學紀聞注 卷六

十一

意何云夫所謂焉用殺者蓋以上失其道蚩蚩之民罹于刑辟或非其罪當以教化先之非縱捨姦惡宜殺而不殺也舜攝位而四凶伏其辜孔子攝

相七日而誅少正卯殺一人而生千萬人何嘗非准辟作威之道而迂儒以

法家稱引故疑之乎又云非之言自不足據。元圻案公羊經文信公三十三年十二月實霜不殺草左傳穀梁傳皆作十月定公元年十月實霜殺殺

三傳同今韓非子云冬十二月實霜不殺菽合三事而一之足證其說之無稽

沙隨春秋例目云有蟻莊八年或考隸古春秋作有蟻爾

雅食葉蟻音特原注爾雅葑蟻蟻即負盤臭蟲劉歆曰負蟻誤矣江休復雜志唐彥猷有青木山海經說葑處潤則酒行

木則枯疑春秋所書即此物若是負蟻不當云有謂之多也。元圻案呂

氏春秋任地篇又無螟域高誘注域或作蟻食心曰螟食葉曰域兖州謂域

爲勝音相近也邵學士晉涵爾雅釋蟲正義曰說文云蟻蟲食苗業者左傳

疏引李巡云食禾葉者言其假貸無厭故曰蟻也蟻通作蟻月令云仲夏行

冬令百蟻時起鄭註騰蝗之屬是域蟻蟻也劉敞春秋傳以爲非中國之

獸未詳所據又曰蟻及名負盤廣雅云負蟻蟻也孔穎達云本草曰葑厲蟲也然則葑是臭惡之蟲害人食物故左氏傳曰有葑不爲災亦不書也春秋經傳皆有葑則此蟲一名蟻一名蠶蟻而舍人李巡皆云葑蟻一名蟻非也此蟲一名負盤漢書及左傳註多作負蟻以此下有草蟲負蟻故相涉誤耳今案說文亦云葑臭蟲負蟻是葑亦有負蟻之名也。漢書五行志葑劉歆以爲負蟻也性不食穀食穀爲災今蟲之孽。山海經東山經曰大山有獸焉其狀如牛而白首一目而蛇尾其名曰葑行水則竭行草則死見則

郎顛謂魯僖遭旱修政自勅時雨自降然春秋於僖

公初書雨已而書雩已而書大旱公之德衰矣閻按

晉袁甫傳公羊有言魯僖甚悅致我旱此何休註也○元圻案後漢書郎顛傳顛字雅光北海安邱人也陽嘉二年顛詣闕拜章帝使對尚書顛對曰魯僖遭旱修政自勅下鐘鼓之懸休緒治之宜雖則不寧而時雨自降注春秋考異曰僖公三年春夏不雨於是僖公憂閔元服遵舍釋更籥之通罷軍薙之誅去苛刻竣文慘毒之教所鑄者合四十五事雨大澍也 僖三年六月兩穀梁傳曰雨云喜雨也喜雨者有志乎民者也 僖十一年秋八月六零十二年秋九月大雩二十一年夏大旱公羊傳曰何以書記災也穀梁傳曰雩得雨曰雩不得雨曰旱 黃氏仲炎曰富公弼告神宗曰願陛下不以今日得雨為喜更以累年災異為憂此可以言春秋矣

名不可不謹也春秋或名以勸善或名以懲惡衮鉞

一時薰蕕千載東漢豪傑恥不得豫黨錮慕其流

芳也我朝鑄工之微不肯附名黨碑懼其播惡也

困學紀聞注 卷六

名敎立而榮辱公其轉移風俗之機乎閻按鑄工為民

李姓非全親至西安中碑林辨之 集證邵氏聞見前錄常安民以鑄字為業崇寧二年蔡京又自書元祐黨黨為大碑頒于郡縣令刻石安民當鑄字辭曰民愚人固不知立碑之罪但如司馬相公者海內稱其正直今謂之姦邪民不忍刻也府官怒欲加之罪但如司馬相公者海內稱其正直今謂之姦石未恐得罪後世聞者愧之 王明潛揮塵錄九江碑工李仲寧刻字于黃太史題其居曰琢玉坊崇寧初詔郡國刊元祐黨碑姓名呼使仲寧字工下小人家甚貧囊止正開蘇內翰黃學士詞翰遂至飽煖今日以為姦不忍下于議之者曰賢哉士大夫之不及也○元圻案後漢書見南規傳規字威明安定朝那人也拜度遼將軍及黨事大起天下名賢多呈染規傳規字名將素警不高自居四州家縶恥不得豫乃先自上言臣前薦故大司農張奐是附黨也又臣昔論輸左校時太學生張鳳等上書訟臣是為黨人所附也臣宜坐之朝廷知而不問

公如京師成十三年非禮也晉楚可以言如京師不可以言

如於是朝覲之禮廢矣何云精義○元圻案成十三年杜注伐

師見諸侯之慢也因會伐而行矣 張氏洽集註曰春秋以諸侯事周之禮久闕而因行於後秦之役若沒而不書是盡廢其僅存之禮也若書以見其朝于京師則是舉百年之墜典亦非其實也故書如京師而不言朝以見其朝禮之不專 趙氏鵬飛經筵答曰凡諸侯相朝皆書如如公如晉如齊皆朝也

不曰朝而曰如尊天子也唯朝王則曰朝公朝於王所是也尊內則曰朝滕薛來朝是也

仲子之賄宰書其名成風之賄王不書天正三綱也

公羊氏乃有母以子貴之說謂之知春秋之義可

乎漢章帝不以尊號加於賈貴人晉明帝不以尊

號加於荀豫章君猶近古也元圻案隱元年經天王使宰桓來歸惠公仲子之賄程子曰春秋之時嫡妾僭亂聖人尤謹其名分仲子繫惠公而言故正其名不曰夫人曰惠公仲子謂惠公之仲子妾稱也可以夫人之禮順人之妾不天王臣雖微也然春秋之始天王之義未見故不以夫人名順以見其不天王臣雖微不名况於宰乎文五年經王使榮叔歸舍且贈程子曰天王成妾母為夫人亂倫之甚失天理矣不稱天義已明稱叔存禮也劉原甫曰一則名其宰而見貶一則去其天以示譏隱公元年公羊傳曰隱長又賢何以不宜立立適以長不以賢立子以貴不以長桓何以貴貴也賈未選入太子貴子以適貴母以子貴後漢書皇后紀賈貴人南陽人建武末選入太子宮中元二年生肅宗而顯宗以為貴人帝既為太后所養專以馬氏為外家故貴人不登極位賈氏親族無受寵榮者及太后崩適策書加貴人王赤綬安車一駟永巷宮人二百晉書后如傳豫章君荀氏元帝宮人也生明帝明帝即位封建安君至成帝咸康元年始別立廟於京都

困學紀聞注 卷六

齊侯衛侯胥命于蒲桓三荀子曰春秋善胥命程子胡

文定皆善之劉原父春秋傳以為自相命非正也止齋

亦以為相推長也於是齊僖稱小伯黎之臣子

亦以方伯責衛宣下云桓文之事其所由來者漸矣止齋自註本薛氏愚謂齊衛胥

命此伯者之始其末也齊魏會于徐州以相王事見

史記魏世家襄王元年霜凝冰堅其來漸矣全云春秋之末魏霸局者亦齊衛也

於是齊景思更霸而率衛靈以伐晉○元圻案王氏此條未朱子語獨問於張洽之說荀子大略篇不足於言者說過不足於信者誠言故春秋善

相命而詩非屢盟其心也桓公三年公羊傳胥命者何相命也何言乎胥命近正也此其為近正奈何古者不盟結言而退程子胡傳皆善其平

盟詛與公羊荀子同劉氏啟傳曰胥命者何相命也何言乎相命古者有方伯有州牧有卒正有連率命於天子止也諸侯有相命非正也齊太公之

後東州之侯也衛康叔之後北州之侯也又意林曰時齊衛公自以為小伯而狄人迫逐黎侯黎之臣子亦以方伯連率之職責衛宣公故此胥命者以

方伯之事自相命也張氏洽春秋集傳曰蒲之胥命止齋桓非命伯而專征之權與春秋謹書之志王命不行列國授霸從此階也下逮戰國諸侯欲

稱王則齊魏會于笠澤以相王秦昭王欲稱帝則使人致東帝于齊僭竊交私百準一揆故知胥命者春秋謹霸政擅命之始也。朱子語類曰相命而至於相王自相王而至於相帝勢必如此。國語及平王末而晉秦齊楚代與秦景襄於是乎取周土齊侯於是乎定天子齊莊僭於是乎稱小白楚蚡冒於是乎始啟濶。施邱詩序狄人追逐黎侯寓于衛衛是不能備方伯連率之職黎之臣予以責於衛也。

書郊九皆卜不吉。僖三十一年成十一年五月哀元年四月。牛

災宣三年則書之書大雩二十一皆在午未申之月。成十七年九月定十五年。

桓五年秋僖十一年秋八月十三年秋九月成三年秋七年秋襄五年秋八月八年秋十六年秋十七年秋十八年秋十九年秋八月二十二年秋九月辛大雩季辛又雩定元年九月七年秋是年九月十二年秋。建巳之

雩常事不書。元圻案胡傳楊子曰天子之制諸侯庸節節莫差於僭僭極矣聖人於春秋欲削而不存則無以志其失為後世戒悉書之乎則歲事之常有不勝書者是故因禮之變而書於策或以下或以時或以盟或以社或以牛於變之中又有變焉者悉書其事。桓五年秋大雩左傳書不時也凡祀啟墊而郊龍見而雩始後而嘗閉整而烝過則書杜注龍見連巳之時。程子曰大雩歲之常祀不能皆書也故因其非時則書之遇早災則非時而雩書之所以見其非禮且志早也。

困學紀聞注 卷六

三書蒐於昭公之時兵權在大夫。昭八年蒐於紅十一年大蒐于比蒲二十二年大蒐于昌。

再書蒐於定公之時兵權在陪臣。定十三年十四年大蒐于比蒲。元圻案

劉氏啟春秋傳曰曷為不言公公不得與於蒐爾公曷為不得與于蒐三家者專魯而分之政令出焉公民食焉爾。家鉉翁詳說蒐軍政也魯自宿意如死陽虎繼亂三家之勢少戢正魯君可以有為之日而定公庸且弱苟安目前而不能為魯國深長慮兵柄可收而不能收公室自是無復興之望矣。

定公六月即位而於春夏書元年。隱元年。正義謂漢魏以

來雖於秋冬改元史於春夏即以元年冠之因於

古也通鑑漢建安二十五年之初漢尚未亡即以

為魏黃初元年朱文公謂奪漢太速與魏大遽非

春秋存陳之意。何云是時昭公既薨不書元年則遂無君矣故定

魏之事惟光武建武之元以六月即位可從此例以更改失政天下亟望有君故也若延康黃初之予奪春秋之罪人也。全云溫公亦非奪漢與魏只

是要書法一例其實書法何嘗不可變通。元圻案朱子與呂成公書曰溫公舊例皆以後改者爲正此殊未安如漢建安二十五年之初漢尚未亡今便作魏黃初元年奪漢太速與魏大違夫春秋存陳之意恐不可以爲法昭公元年公羊傳陳已滅矣其言陳火何存陳也穀梁傳火不志此何以志闕陳而存之也。書錄解題編年類資治通鑑二百九十四卷目錄三十卷丞相溫公河內司馬光撰初光嘗約戰國至秦二世如左傳體爲志八卷以進神宗悅之遂命論次歷代君臣事迹述起周威烈迄乎五代就祕閣置局神宗御製序賜名資治通鑑

春秋三書序

文十四年昭十七年哀十三年

而昭十七年有星孛於大辰

申須曰彗所以除舊布新也史記天官書劉更生

封事云春秋彗星三見則彗孛一也晏子春秋齊

景公睹彗星使伯常騫禳之晏子曰孛又將出彗

星之出庸何懼乎則孛之爲變甚於彗矣

原注齊有彗星見於傳而經不書何云經不書益見彗小於孛矣集證漢文紀有長星出於東方文穎曰彗孛長三星其形象小異孛星光芒短其光四出蓬蓬孛孛也彗星光芒長參如掃帚長星光芒有一直指或竟天或十丈或一丈二丈無常也元圻案後漢書天文志上孛之爲言猶有所傷害有所妨礙所目

國學紀聞注卷六

除穢而布新也。注晏子春秋曰齊景公睹彗星使伯常騫禳之晏子曰不可此天教也日月之氣風雨不時彗星之出天爲民之亂見之又一日景公見彗星出而泣晏子問之公曰寡人聞之彗星出其所向之國君當之今彗星出而向吾國我是以悲晏子曰君之行義固應無德於國穿浞池則欲其深以廣也爲臺榭則欲其高且大也賦欲誇奪諫戮如仇讐自是觀之孛又將出彗星之出庸何懼乎果如晏子之言孛之與彗相匹否。史記齊世家亦載晏子之語孛作彗。今本晏子春秋內篇諫上景公睹彗星召伯常騫使禳去之晏子曰此天教也彗星之出天爲民之亂見之故詔之妖祥以戒不敬今君若設文而受諫諷聖賢人雖不去彗星將自亡今君嗜酒而并于樂政不節而寬於小人近讒好優惡文而疏聖賢人何暇在彗彗又將見矣又外篇紀彗見者二其文皆與後漢書所引晏子不同王氏此條據章懷注

星孛東方

哀十三年年冬

在於越入吳之後

哀十三年年夏

彗見西方

史記

六國表秦孝八元年在衛鞅入秦之前天之示人著矣

元圻案綱目周顯王八年彗星見西方衛公孫鞅入秦

齊桓之將興也恒星不見星隕如雨晉文之將興也

沙鹿崩自是諸侯無王矣晉三大夫之命爲侯也

九鼎震自是大夫無君矣人事之感天地爲之變

動故董子對曰天人相與之際甚可畏也元圻案呂氏集解莊

七年恒星不見云云襄陵許氏曰王運將終而霸統方起之祥也又僖十四年沙鹿崩許氏曰恒星不見星隕如雨齊桓之祥也沙鹿崩晉文之祥也齊桓將興而天文墮晉文將興而地理決王道之革也史記周本紀威烈王二十三年九鼎震命韓趙魏爲諸侯

晉自武獻以來以詐力彊其國故傳曰晉人虎狼也

文十三年晉人無信僖三十三年晉所以霸師武臣力也宣十三年春秋

書晉人納捷菑于邾弗克納晉士句帥師侵齊至

穀聞齊侯卒乃還此孟子所謂彼善於此者君子

與之義理之在人心不可泯也剝之上九一陽尚

存春秋之作見人心之猶可正也元圻案文十四年公羊傳曰非吾力不能納也

義實不爾克也引師而去之故君子大其弗克納也陸氏微旨中趙氏曰弗克納言失之於初而得之於末也淳關於師曰據三傳之說晉師皆有名

困學紀聞注 卷十六

氏則非微者矣書曰人何也曰廢置諸侯王者事人臣專之罪莫大焉夫子善其闡義能徙故爲之諱也襄十九左傳聞喪而還禮也公羊傳大其不代喪也

列國之變極於吳越通吳以疲楚者晉也成七年巫臣之爲也通

越以撓吳者楚也事詳國語春秋於是終焉唐以南詔攻

吐蕃而唐之亡以南詔本朝以女真滅契丹而中

原之亡以女真女真之將亡也吾國又不監宣和

而用夾攻之策不知春秋之義也全云端平之禍不在夾攻而在妄取三京或云

元人志在盡吞天下卽無入洛之師未必不觀釁而動且果爾則雖不夾攻而元於滅金之後亦不加兵於宋况女真之讐必無不報之理元圻案左

傳成七年巫臣請使於吳晉使許之吳子壽夢說之乃通吳於晉吳始伐楚伐巢伐徐子重奪命吳語楚申包胥使於越越王句踐問焉曰吳國爲不

道求殘我社稷示願以爲平原弗使血食吾欲與之徹天之衷請問戰奚以而可包胥曰夫戰知爲始仁次之勇次之越王曰諾乃召五大夫乃召五孫包胥

既合狐突通鑑唐紀德宗貞元四年吐蕃發兵將寇四川亦發雲南兵雲南內雖附唐外未敢叛吐蕃亦發兵屯於廬比章皇朝雲南計方猶豫乃爲

書遺雲南王敘其叛吐蕃歸化之誠使東蠻轉致吐蕃吐蕃始疑雲南遣兵
歸唐之志益堅吐蕃失雲南之助兵勢弱矣貞元十年異牟尋襲擊吐蕃
大破之取十六城遣使來獻捷請復南詔號宣宗大中十三年南詔酋龍稱
皇帝國號大理遣兵陷播州懿宗咸通元年南詔攻色州陷之四年陷交趾
五年寇巒州寇邕州十年陷嘉州十一年攻成都 岳珂程史九宣和將伐
燕用其降人馬植之謀由登萊航海以使其女貞約盡取遠地而分之子女
玉帛歸女真土地歸我 續通鑑徽宗宣和九年金主遣李善慶女真散觀
持國書來修好詔蔡京等論以夾攻遼之意七年遼亡欽宗靖康元年金師
陷京城又理宗紹定五年時與蒙古兵合圍汴京蒙古再遣王楛來京湖議
夾攻金史高之為聞朝臣皆以為可遂復誓之舉獨趙范不喜曰宣和海上
之盟厥初甚堅迨以取禍不可不鑒帝不從命高為宋仇敵者可以存可以
馮琦宋史紀事本末三京之復後曰遼為宋敵金為宋仇敵者可以存可以
亡者也仇者可以亡必不可以存者也八陵之辱二帝之慘懷而不報者百
餘年矣會有可乘雖死不顧必欲鑿宣和之海上而忘靖康之北狩凡為臣
子其誰堪之故滅金之役正也三京之復亦正也其復而不果者失在進之
太速守之不固非盡始謀者過也

邢有狄難已遷於夷儀三國之師城邢俾反其國都

故列三國稱師以著其功僖元年淮夷病杞方伯不能

困學紀聞注 卷六

斥逐蠻夷使杞人安其都邑乃城緣陵使遷故書

諸侯而不列序僖四年狄入衛踰年齊侯方城楚邱以

處文公故但書城楚邱而不著其城之者僖二年書愈

略者功愈降也沙隨程氏云元圻案春秋僖公元年春齊師

月邢遷于夷儀齊師宋師曹師城邢倍十四年春諸侯城緣陵傳諸侯城緣
陵而遷杞焉不書其人宋有闕也正義曰元年齊師宋師曹師城邢傳諸侯
器用而遷之師無私焉故具列三國之師詳其文以美之也今此總云諸侯
不具書其所城之人為其有闕也故總言諸侯以譏之 僖二年春王正月
城楚邱胡傅桓公帥諸侯城之而封衛也不數桓公不與諸侯專封也 呂
氏集解曰先儒以謂諸侯之義不得專封夫所謂專封者以此地界此人也
則謂之專封固不可也如同時諸侯有相滅亡天子不能令方伯不能救天
下諸侯力能救而復之則是蹈仁而踐義也而以為專封是嫂溺援之以
手而以為罪也析義最精 經義考程氏迥春秋傳宋志二十卷佚

齊桓之霸自盟于幽莊十年至會于淮僖七年凡十有一會而

孔子稱九合諸侯莊十年繼序按周秦漢魏以九合諸侯對一匡天下者
數十處大戴記并有再為義王句管子又有三

匡天子句證之周語又云一合諸侯者又證之左傳有云再合諸侯三合大夫者知與富辰所云糾合宗族展喜所云糾合諸侯不同也但管子國語云乘車之會三史記云乘車之會六穀梁傳云衣裳之會十有一均與論語參差而鄭康成韋昭范甯顏師古陸德明司馬貞亦各以意說

劉氏意林曰始于幽終于淮合者九崔氏曰道其不以

兵車而已莊十六年九國盟于幽二十七年五國

又盟于幽僖元年六國會于榑二年四國盟于賈

五年八國會于首止七年五國盟于甯母

八年王人與七國會于洮九年宰周公與七國會

于葵邱十三年七國會于鹹凡九合諸侯也杜邱

之盟僖十年陽穀之會僖二十一年淮之會蓋有兵車矣繼序按洮鹹是兵車

穀梁傳有明文陽穀是衣裳范甯注有明文西曠失考案崔西疇此說黃氏日抄九引之

胡氏通旨曰桓公霸四十二年會盟凡二十有一獨稱九合舉衣裳

困學紀聞注 卷六

之會爾穀梁傳衣裳之會十有一論語疏謂不取

北杏及陽穀爲九史記兵車之會三乘車之會六

其說不同宋文公謂九春秋傳作糾展喜犒師之

詞云爾方樸山云若以九爲糾則未可概曰不以兵車矣况九糾通用他亦無證繼序按莊子禹九雜天下之川九糾亦有通用者

故宋子註楚辭亦破九爲糾 集證曰論語釋文史記云兵車之會三乘車

之會六穀梁傳云衣裳之會十一范甯註云十三國會北杏及榑二十一年

會鄭十五年又會鄭十六年會幽二十七年又會幽僖元年會榑二十四年

三年會陽穀五年會首止七年會甯母凡十一會鄭不取北杏及陽穀爲九

也槐按今本穀梁注十二年下無又會柯有僖九年會葵邱邢昺疏所引皆

同胡氏通旨因之然鄭康成注論語亦有柯無葵邱則釋文所引范甯注當

有所本 李氏韶世紀序晉伯文紀云桓公會不邇三川盟不加王

人 案國語西周三川皆震注涇渭洹也 僖公五年經夏公及齊侯宋公陳侯衛侯鄭伯許男曹伯會于首止秋八月諸侯盟于首止註

間無異事崇禎諸侯者王世子不盟故也王之世子尊與王同齊桓行霸翼

戴天子尊崇王室故殊貴世子 宋高氏聞集註曰此復舉諸侯者尊王世

子不敢與之盟也會者辨上下之禮修和好之道而王世子與焉猶之尊王世

盟者以不相信也若王世子亦與焉則是以所不信者加之王世子與約束

諸侯無異故齊侯不取盟世子而與諸侯自盟諸侯自盟所以定世子也
傳公八年公會王人齊侯宋公衛侯許男曹伯陳世子款盟于兆公羊傳曰
王人者何微者也曷爲序

文公會畿內盟于虎矣傳公二十八年傳王子虎
盟諸侯於王庭二十九年經會王人晉人宋人齊人陳人蔡人秦人盟于翟
泉註翟泉今洛陽城內大倉西南池水也程子曰晉文進年會盟皆在王畿
之側而此盟復迫王城又與王人盟強

暹甚矣放諱公諸侯貶稱人惡之大也桓公寧不得鄭不納子
華事見傳七年左傳懼其獎臣抑君文公則爲元咺執衛侯

矣事見傳二十年經傳此夫子所以有正譎之辨元圻案經義考胡氏
卷未見吳表後序曰胡氏正傳三十卷傳外又有總貫條例證據史傳之文
二百餘章子寧集之名曰春秋通旨李琪春秋子霸列國世紀編自序或
少竊妄意致東周十四王之統合齊晉十有三伯之目舉諸侯數十大國
之系皆世爲之紀不失全經之文略備各代之實猶子紹爲之補續其未成
黃虞稷曰珥字孟開吳郡人仕國子司業著成於嘉定辛未

春秋繁露曰春秋甚幽而明無傳而著此竹林又曰易

無達吉何云疑作占集證按說苑先奉使篇引傳曰詩無通篇支
故易無通吉春秋無通義如說苑所引則仍當作達吉詩無

困學紀聞注卷六達詰春秋無達例閻按今繁露陸農師稱之又曰不由

其道而勝不如由其道而敗此俞序攻媿閻按攻媿謂

眞得夫子心法元圻案陸農師答崔子方書曰夫經一而是春秋之

是二而足也故曰春秋甚幽而明無傳而著其說方何如若聖人作經又待魯史而傳
不可以多方得譬如天文森布一衡一縮各有條理久視而益明易曰化而
裁之存乎變推而行之存乎通神而明之存乎其人豈獨易也哉故曰詩無
達詰易無達吉春秋無達例要在變而通之耳樓攻媿繁露後序曰仲舒
對策爲古今第一余竊謂唯仁人之對曰正其誼不謀其利明其道不計其
功又有言曰不由其道而勝不如由其道而敗此類非一是皆眞得吾夫子
之心法蓋深於春秋者也春秋繁露注見卷五十八頁

董仲舒春秋決獄其書今不傳太平御覽載二事其

一引春秋許止進藥其一引夫人歸于齊通典載

一事引春秋之義父爲子隱應劭謂仲舒作春秋

決獄二百三十三事原注隋唐志十卷案應劭語見後漢書本傳及晉書刑法志今僅見

三事而已

閩按藝文類聚亦載一事

御史中丞眾議薛况之罪孔季

彥斷梁人之獄

集證按北堂書鈔聽訟門引孔叢子梁人妻後妻後大逆論季彥曰昔文姜與弑魯桓春秋去其姜氏絕不為親禮也且手殺重于知情是子宜以非司寇而擅殺當之

合於經誼終軍之詰徐偃則論正而心刻矣呂步

舒使治淮南獄窮驗其事蓋仲舒弟子不知其師

書者也公孫宏以春秋之義繩臣下

見漢書刑法志

張湯請

博士弟子治尚書春秋補廷尉史

見本傳

是以春秋為司空城旦書也胡文定公曰春秋立法謹嚴而宅

心忠恕斯言足以正漢儒之失

原注鹽鐵論文學曰呂步舒弄口而見戮 閩按文學當作丞相史○元圻案太平御覽六百四十載董仲舒決獄曰甲乙與丙爭言

相鬪丙以佩刀刺乙甲即以杖擊丙誤傷乙甲當何論或曰毆父也當舉首論曰臣愚以父子至親也聞其鬪莫有不怵悵之心扶伏而救之非所以欲詬父也春秋之義許止父病進藥於其父而卒君子原心赦而不誅甲非律

困學紀聞注 卷六

三

所謂毆父不當坐 案甲乙與丙甲下疑脫父字 又曰甲夫乙將船舍海 盛風船沒溺流死亡不得葬四月甲母丙即嫁甲 欲皆何論或曰甲夫死未 葬法無許嫁以私為人妻當棄市議曰臣愚以為春秋之義言夫人歸于齊 言夫死無男有更嫁之道也婦人無專制擅盜之行聽從為順厥之者歸也 甲又尊者所嫁無淫之心非私為人妻也明於決事皆無罪名不當坐 通 典六十九養兄弟子為後後自生子議云東晉成帝咸和五年散騎侍郎賀 簡妻于氏上表云董仲舒時有疑獄曰甲當何論仲舒斷曰甲無子振活養 乙雖非所生誰與子之詩云螟蛉有子蜾蠃負之春秋之義父為子隱甲宜 匿乙詔不當坐又一事曰甲有子乙以乙丙乙後長大而丙所成育甲因酒 色謂乙曰汝是吾子乙怒杖甲二十甲以乙木是其子不勝其忿自告縣官 仲舒斷之曰甲能生乙不能長育以乙丙於義已絕矣雖杖甲不應坐 案 通典本二事厚齋因同為于氏所引故以為一事也否則傳刻時誤二為一 并誤四為三也 漢書薛宣傳長帝初博士申咸給事中與宣不供養行喪 服不宜列朝省宣子况數聞其詬詠客楊明欲令制咸身不使不居位會司 獄缺况恐咸為之遂令明遮所成宮門外斷鼻宣知咸給事中恐為司獄舉 丞眾等奏况疑咸受修言修宜之弟曰毀鼻宣知咸給事中恐為司獄舉 泰宣而公令明迫切宮闕要逆創戮近臣不與凡民忿怒爭鬪者同臣聞敬 近臣為近主也禮下公門式路馬君畜產且猶敬之春秋之義意惡功遂不 免論於上浸淺之源不可直也况首為惡明手傷功完俱惡皆大不敬明當以 與諫者同罪傳曰遇人不日義而見疾者與病人之罪均惡不直也感厚善

困學紀聞注 卷六

修而數稱宜惡不可為直况日故傷威計謀已定後問置司缺因前謀而起
 明非以恐威為司謀故造謀也本爭私變雖於掖門外傷威道中與凡民爭
 鬪無異今日况為首惡明手傷死大恐公私無差春秋之義原心定罪原
 况以父見訪發忿怒無它大惡陷死刑惡非法意明當以賊傷人定罪與
 謀者皆罰滅完為城旦上目問公卿議臣丞相尤大司空師丹目中丞議是
 自將軍以下至博士議郎皆是廷尉况竟獄罪一等徒敦煌又終軍傳元鼎
 中博士徐偃使行風俗偃矯制使膠東魯國鼓鑄鐵還泰事張湯劾偃矯
 制大害法至死偃曰為春秋之義大夫出疆有分以安社稷存萬民顧之可
 也有詔下軍問狀軍詰偃曰古者諸侯國異俗分百里不通時有聘會之事
 安危之勢呼吸成變故有不愛爵造命顧己之宜今天下為一萬里同風故
 春秋王者無外偃巡封域之中稱以出疆何也且鹽鐵都有餘賦正二國廢
 國家不足以為利害而以安社稷存萬民為辭何也又詰偃膠東南近琅邪
 北接北海魯國西枕泰山東有東海受其鹽鐵便度四郡口數田地率其項
 器食鹽不足以并給二郡邪將勢宜有餘而吏不能也何以言之偃矯制而
 鼓鑄者欲及春耕種贍民器也今魯國之鼓當先具其備至秋乃能舉火此
 言與實反者非偃已前三奏無詔不惟所不許而直矯作威福且從民望
 者小偃自子必死而為之邪將幸詎不加飲以稱其名也偃窮詘服漢書五
 行志使仲舒弟子呂步舒持斧鉞治淮南獄以春秋顛斷於外不請又董仲
 舒傳先是遼東高廟長陵高園殿災仲舒居家推說其意史案未上主父偃
 偃仲舒私見嫉之竊其書而奏焉上召視諸儒仲舒弟子呂步舒不知其師
 書曰為大愚於是下仲舒吏史記酷吏張湯傳湯決大獄欲傳古義乃請

博士弟子治尚書春秋補廷尉史 史記儒林傳竇太后好老子書召轅固
 生問老子書固曰此是家人言耳太后怒曰安得司空城曰書乎注徐廣曰
 司空主刑徒之官也嗣案漢書音義曰道家以儒法為急比之於律令
 月合正義引鄭志獄夏曰鈞臺殷曰姜里周曰圜土秦曰囹圄漢曰若盧魏
 曰司空 說文獄司空也 蕭山王紹蘭曰白孔六帖引決獄二事其一甲
 為武庫卒盜強弩遊一時與弩異處當何罪論曰兵所居此司馬闢入者冕
 重武備實精兵也弩虞機郭莊岫異處盜之不至盜武庫兵陳論曰大車無
 輓小車無軌何以行之甲盜武庫兵當棄市乎以上二論者或說曰此下件
 有所歸雖與弩異處不得茲不可謂弩矢射不中與無矢同不入與無鐵同
 見曰此逸鄰兵所賊直百錢者當坐棄市其一君獵得麋使大夫持以歸道
 夫其仁乎遇麋以仁况人乎乃釋之為子傅於義何如仲舒曰君子不麋
 不卵大夫不諫使持歸非也然而中感母恩雖廢君命縱之可也然則春秋
 藝獄案時猶有六事可放厚齋何以但云三事乎又曰朱竹垞經義考亦云
 藝文類聚有引決獄君獵得麋一事今攷類聚卷六十六是竹垞子孟孫獵
 得麋事非引決獄蓋朱閏俱誤記一帖為類聚耳○案經義考董子春秋決
 事十六篇漢志作公羊治獄七錄作春秋斷獄新舊唐書作春秋決獄崇文
 總目作春秋決事比

劉原父深於春秋然議郭后祔廟引春秋禘于太廟

用致夫人致者不宜致也且古者不二嫡當許其

號而不許其禮張洞非之曰按左氏哀姜之惡所

不忍道而二傳有非嫡之辭敵議非是然則稽經

議禮難矣哉元圻案僖八年禘于大廟用致夫人左傳以夫人為哀姜公羊以為齊之媵女先至魯公使立為夫人者穀梁

以為言夫人而不以姓氏非夫人也立妾之辭也 李仁甫長編一百九十九年春嘉祐四年八月知制誥歐陽修開禮官倡議欲納郭氏於廟臣竊惑之若春秋之義雖無大罪然亦既廢矣及其追復也不許其禮且二十餘年今一旦欲以嫡后之儀致之於廟恐其未安於春秋也禘於大廟用致夫人致者不宜致也不宜致者以其不薨於寢不附於始也古者二嫡則萬世之後宗廟之禮豈臣子所能擅輕重哉禮官張洞駁議曰郭氏正位中宮母儀天下無大過惡陛下閔其偶失謙恭復位號位號既復則諡冊附廟安得並停况引春秋禘于太廟用致夫人之例據左氏則哀姜之惡所不忍道考二傳之說復有非嫡之文以證本朝之事恐非其當若曰不薨於寢不附於始則郭后之沒不得其所責當歸於朝廷死者何罪而始儼宸極終不廟食耶 張洞師事劉子望孫明復見石守道上范文正公書周益公跋歐陽公與張洞書曰洞字仲通開封人晁无咎雞肋集有傳任潁州推官文忠實為守甚重之官至工部郎中

桓以許田賂鄭宣宣元以濟西田賂齊宣元身為不義而

困學紀聞注 卷六

以賂免取宋郟鼎桓二納莒僕寶玉文十八人欲橫流年左傳

天理滅矣末流之敝貨范鞅而昭公不入矣昭二十七年

竊寶弓而盜臣肆行矣定八受女樂而孔子遂去矣

三叛人以邑來襄二十一年邾庶其昭五年知利而不知義

矣孟子是以有不奪不饜之戒元圻案呂氏春秋集解襄陵許氏曰桓公既弑以許田賂

以桓宣之計若出一軌 桓二年胡氏傳曰弑逆之賊不能致討而受其賂器置于太廟以明示百官是教之習為夷狄禽獸之行也公子牙慶父仲遂意如之惡又何誅焉

公如京師者一成十三年朝王所者二案俱在僖二十八年時晉文以城濮之戰勝楚襄王勞文公于

踐土已而狩 于河陽也卿大夫如京師者五僖三十年文元年 宣九年襄二十四年其簡

如是而朝聘於大國史不絕書集說公如齊十二晉一十楚二大夫聘列國五十六尊

卑之分不明强弱之力是視記禮者以魯為有道

之國道焉在哉

元圻案禮記明堂位是故魯王禮也天下傳之久矣天下以爲有道之國王使來聘者八隱七年凡伯

十年周公宣四年渠伯糾五年仍叔之八年家父莊二十三年祭叔偕三十年南公宣十年王子又錫命者三歸葬者四歸賑者一

林玉露二春秋之時天王之使交馳於列國而列國之君如京師者絕少夫子謹而書之固以正列國之罪而端本澄源之意其致責於天王者尤深矣

唐之灌鎮猶春秋之諸侯也杜陵詩云諸侯春不貢使者日相望蓋與春秋同一筆隱三年公羊傳何休注云時天王崩魯隱在奔喪而不見於經按隱公果有奔喪之舉春秋必大書而特書之不知何休何據而云然

衛人立晉隱四年不稱公子者宣公淫亂此狄入衛之兆

也居中國去人倫變華而狄以滅其國東徙渡河

終不復還舊封詩以鶉之奔奔在定之方中之前

其戒深矣故於晉始立名之何云此論甚嚴恐亦未必允也不稱公子全云晉奚庶母於未立之前其不稱公子宜矣元圻案朱子詩

集傳衛本都河北朝歌之東淇水之北百泉之南其後不知何時并得御廡之地至懿公爲狄所滅戴公東徙渡河野處漕邑文公又徙居楚邱

閏二年狄入衛胡氏傳曰衛北州大國狄何以能入乎臣昔嘗謂河南劉奕曰史

困學紀聞注 卷六

氏記繁而志寡如班固載諸王淫亂事盡削之可也奕曰必若此言仲尼刪詩如燬有茨鶉之奔奔桑中諸篇何以錄於國風而不削乎臣不能答後以

問楊時曰此載衛爲狄所滅之因也故在定之方中之前因是致於歷代凡淫亂者未有不至於殺身敗家而亡其國者宋高氏閱春秋集注曰晉桓

公之弟先公之子于次當立春秋不與其立而去其公子以明先君之子孫苟不由天子之命皆不可立也蓋春秋列嫌明微以晉有可立之理故聖人

特於疑似之間而發明不當立之義亦足以備一解

書狄入衛閏二年書楚子入陳宣十一年不忍諸夏見滅于夷狄

故稱入焉書吳入郢定四年楚昭出奔猶有君也申包

胥求救猶有臣也故不言楚書於越入吳哀十三年國無

人焉如升虛邑故言吳何云其意蓋深痛乎伯顏之入臨安也然于春秋之旨亦密元圻案書吳入

州來其懲子重于反之讒慝貪愾以致禍乎書楚人入郢其懲莒之城惡而不爲備乎

禮樂自天子出而獻六羽焉非天子不制度而稅畝

焉故皆書曰初葉夢得傳曰初謹始也史記表於秦書初立西時

初租禾初爲賦取法乎春秋

元圻案隱公五年初獻六羽公羊傳曰歲初僭諸公也天子八

僭諸公六諸侯四天子三公稱公王者之後稱公其餘大國稱侯小國稱伯子男劉氏啟權衡曰魯隱公以前蓋未嘗舞六佾于羣公之廟今立仲子廟又當下羣公疑於所舞故問衆仲也衆仲不知諸侯名位不同禮亦異數因天子八佾遂兼稱諸侯六佾致魯僭諸公之禮也此春秋所以書其初也

宣公十五年稅敵杜注公田之法十取其一今又履其餘欲復十收其一史記十二諸侯年表秦襄公八年初立西時祠白帝六國表秦簡公七年初禾租秦孝公十四年初爲賦

陳同甫春秋屬辭公會戎于潛公及戎盟于唐

隱二年桓二年

曰聖人不與戎狄共中國故中國不與戎狄共禮

文齊侯使其弟年來聘桓七年鄭伯使其弟語來盟桓三年

曰諸侯以國事爲家事聖人以國事爲王事桓四年鄭子曰諸侯以國事爲家事聖人以國事爲王事桓四年

世子忽復歸于鄭桓五年許叔入于許桓五年曰不能大復

國于諸侯則力不足以君國不能公復國于諸侯

困學紀聞注 卷六

則義不足以有國公如齊納幣莊二十二年大夫宗婦覲

用幣莊二十四年曰父子之大義不以夫婦而遂廢梁杜預注公不

使卿而親納幣母喪未再期而圖昏非禮也夫婦之常禮不以強弱而有加鄭

伯逃歸不盟僖五年鄭伯乞盟僖六年曰去就不裁於大義

則舉動無異於匹夫僖五年左傳正義釋例曰國君而逃師棄盟違其典儀棄其章服羣臣不知其謀社稷不

保其安此與匹夫逃竄無異故例在上曰逃宋公會于孟戰于泓僖二十二年曰與

狄共中國者必不能與夷狄爭中國公羊傳二十一年

子期以乘車之會公子曰夷諫曰楚夷國也強而無義請君以兵車之會往宋公曰不可吾與之約以乘車之會自我爲之自我墮之不可將以乘車之會往楚人果伏兵車執宋公以伐宋胡傳夫盟主者所以合天下之諸侯

攘夷狄尊王室者也宋公欲繼齊桓之烈而與楚盟會豈攘夷狄尊王室之義乎

盟于翟泉僖二十九年晉人秦人圍鄭僖三十年曰銳於合諸

侯者必有時而惰工於假大義者必有時而拙晉文

翟泉之會尋踐土之盟且謀伐鄭也鄭上年會溫朝王今一狄圍衛衛不預盟即加之兵晉秦同役而不同心卒不能得志於鄭也
遷于帝邱傳三十一年 衛人侵狄衛人及狄盟傳三十一年 日避

夷狄之兵以見小國之無策要夷狄之好以見中國之無霸胡傳衛為狄所滅東徙渡河齊桓公攘夷狄封之而衛國忘亡今又為狄所圍避狄難也而中國衰微夷狄強盛衛侯不能自強於政治晉文無却夷安諸夏之功莫不見矣

遂城虎牢襄二十一年 成鄭虎牢襄二十一年 日公其險於天下所以大霸者制敵之策陸氏春秋集傳微旨卷下淳聞於師日諸

侯之大夫取他國之邑相與而城之非正也城虎牢以安中國息征伐故聖人許之而不繫之於鄭也 歸其險於一國所以成霸者服叛之功蘇氏轍集解曰諸侯既成虎牢非鄭地矣而繫之鄭諸侯將服鄭而歸之故致其意也

城杞襄二十九年 城成周昭二十三年 日大夫之於諸侯不自嫌城杞之役合十國之一國之大夫 則列國之於王室何以辨穀梁傳天子微相率而城之 胡傳不曰城京師而曰城成周與列國等矣 其發明經旨簡而當元圻案葉水師而曰城成周與列國等矣

困學紀聞注 卷六

後日同甫集有春秋屬辭三卷放今世經義破題乃昔人連珠急就之比而寄意尤深遠

晉語司馬侯曰羊舌肸習於春秋楚語申叔時曰教之春秋皆在孔子前所謂乘檣杭也魯之春秋韓

起所見昭二年左傳 公羊傳所云不脩春秋也方僕山云左傳之備矣。元圻案杜預春秋序正義按外傳申叔時司馬侯乃是晉楚之人其言皆云春秋不言乘與檣杭然則春秋是其大名晉楚私立別號

康節邵子學於李挺之全云李之才穆脩弟子 先視以陸淳陸淳伯淳 春秋欲以表儀五經既可語五經大旨則授易終

焉此學自春秋而始也橫渠張子謂非理明義精殆未可學說見性理拾遺 朱子謂春秋乃學者最後事此學

至春秋而終也元圻案柳宗元陸文通袁表吳郡陸先生質與其師友天水啖助洎趙匡能知聖人之旨故春秋之言及

是而光明著春秋集注十篇辨疑七篇微旨二篇 真西山讀書記春秋要指張子曰春秋之書在古無有乃仲尼所自作惟孟子為能知之非理明義

精殆未可學先儒未及此而治之故其說多整 朱子答魏元履書曰春秋前輩以為此學者最後一段事蓋非理明義精則此是較得失考同異心緒轉雜與讀史傳披故實無以異

孫明復 全云泰山先生孫復 春秋總論曰周禮九命作伯得專征

諸侯孟子所謂五霸者伯也李泰伯常語司馬公

迂書皆用此說通鑑謂王 案王閔本誤作五今從何本 霸無異道先

儒非之愚按五伯見左傳成二年杜氏注云夏伯

昆吾商伯大彭豳韋周伯齊桓晉文 國語史伯曰昆吾為夏伯矣大彭豳韋為

以霸為伯可也而非孟子則過矣 温公疑孟曰堯舜湯武之於仁義也皆性

得而身行之也五霸則強焉而已假者文具而實不從之謂也文也 邵子

於五霸取秦穆晉文齊桓楚莊 毛詩疏此三代之五伯也

集證按應劭風俗通五霸莫昆吾商大彭豳韋周齊桓晉文趙岐注孟子五霸謂齊桓晉文秦穆宋襄楚莊師古漢書注異姓諸侯王表五伯則從杜預

困學紀聞注 卷六

應劭之說同姓諸侯王表則又云齊桓宋襄晉文秦穆吳夫差白虎通並存

二說其後一說謂齊桓晉文秦穆楚莊吳闔閭顧寧人謂言三代之五伯當

如杜氏之說言春秋之五伯當如趙氏之說列趙王句踐而去宋襄元圻

案李氏觀軒江集卷三十二常語下或問自漢以來孰王孰霸曰天子也安

得霸哉自王以上天子號也帝亦稱皇王亦稱帝霸諸侯號也霸之為言伯

也所以長者必立三公三公分天下而治之曰二伯一公處乎內皆王官也周

衰二伯之職廢齊桓晉文糾合諸侯以尊天子天子因命之為侯伯舊舊職

也伯之語轉而為霸霸之名自是興自孟荀氏而下皆曰由王道而王由伯

道而霸道豈有二哉得之有淺深成功有小大耳 讀史管見卷二漢宣帝

甘露元年帝曰漢家有制度本以霸王道雜之司馬氏曰王霸無異道三

代之隆禮樂征伐自天子出則謂之王天子微弱諸侯有能尊王室者則謂

之霸皆本仁祖義任賢使能顧名位有尊卑德澤有深淺耳非若黑白甘苦

之相反也王乃斷霸雜正猶美玉之與磁磁不可同年而語也仲尼之徒無道

桓文之事今乃斷然者論謂王霸同功蓋春秋之旨哉 朱子綱目取胡氏

之說 邵子觀物外篇下秦穆公有功於周能遷善改過為霸者之最晉文

侯世世勤王遷平王於洛次之齊桓公九合諸侯不以兵車又次之楚莊強

大又次之宋襄公雖霸而力微會諸侯而為楚所執不足論也 四庫全書

總目春秋類宋孫復春秋尊王發微十二卷考中興書目別有復春秋總論

三卷今佚

錫桓公命 莊元 葬成風 文五 王不書天 案陸淳纂例啖助曰不稱天

王龍纂弒以瀆三綱也與葬

成風引為夫人使妾並嫡無以異故其文一施之黃氏曰桓四年七

抄八孫氏曰不書天者駭之愚謂孫說是也豈有貶天子禮桓四年七

年去秋冬二時天子不能誅故為貶又桓七年注云去二時者桓公無王而行

以火攻人君故貶左傳杜注以為史闕此天法也不書即位名

天子之宰貶諸侯討大夫此王法也孟子謂天子

之事邵子謂盡性之書胡文定謂傳心之要典也

元折案邵子觀物外篇云春秋皆因事而褒貶豈容人特立私意哉人但知聖人之筆削為天下之至公不知聖人之所以為公也如周牛償則知魯之僭邾因初獻六羽則知書魯八佾因新作雉門則知舊無雉門雉孔聖人有

明大理正人倫莫深切於春秋三忠臣書及何云三忠臣

與君共存亡也。秦桓二年宋孔父莊十二年宋仇牧偪而為義者

勸焉三叛人書名注見而不義者懼焉書克段隱元年許

困學紀聞注 卷六

止昭二年而孝弟行矣書仲子成風而綱常立矣前見書

郟鼎桓二年衛寶莊六年齊人來歸衛俘黃氏日抄曰齊人主兵伐衛故

厥寶玉為說合而義利辨矣書遇于清隱四年左傳公與宋公

亂夏公及宋公遇于清溝之遇不能討州吁弑君之罪而會于稷桓

宋公會齊侯陳侯鄭伯于稷陳氏傅良後傳曰會未有言其所為者其日成

宋亂弑君之禍接迹於天下於是焉始也向也合五國之君大夫以定州吁

宣之於仲遂定之於意如以私勞忘大誼不若叔孫

昭子遠矣晉文公以定襄王而請隧王弗許曰班

先王之生物以賞私德又曰余敢以私勞變前之

大章事在僖公二十真文忠文章正宗以此篇為首其

有感于寶慶之臣乎閻按寶慶理宗初即位乙酉改元之臣謂史彌遠懍懍焉春

秋之法也

元圻案左傳文十八年文公二妃嬴生宣公敬嬴變而私事襄仲宣公長而屬諸襄仲冬十月仲殺惡及視而立宣公

杜注惡太子視其母弟

定公元年夏叔孫成子逆公之喪于乾侯公子宋先入成辰公即位

宋即定公昭公

之夏季孫意如立之昭公四年叔孫卒牛立昭子而相之五年昭子即位朝其家眾曰豎牛禍叔孫氏使亂大從殺嫡立庶必速殺之豎牛懼奔齊孟仲子殺諸塞關之外

史彌遠字同叔

浩之子嘉定元年拜右丞相兼樞密使寧宗太子詢薨復立宗室貴和為皇

子寧宗崩廢貴和

擁立理宗皆彌遠主之朝建初不預聞也寶慶六年改封魯國公拜太傅加爵會稽郡王獨相理宗九年擅權用事嵩任熾王

書錄

解題總集類文章正宗二十卷參知政事真德秀希元撰自序云以明義理切世用為主其體本乎古而言近乎經者然後取焉否則辭雖工亦不錄其

目凡四日辭命曰議論曰敘事曰詩賦

晉陽以叛書聖筆嚴矣

公羊氏乃謂逐君側之惡穀

梁亦云以地正國漢之亂賊晉之疆臣唐之悍將

假此名以稱亂甚於詩禮發冢者也

元圻案定十三年經

叛又曰晉趙鞅歸于晉公羊傳曰此叛也其言歸何以地正國也其以地正

國奈何晉趙鞅取晉陽之甲以逐荀寅與士吉射荀寅與士吉射者屬為者

也君側之惡人也此逐君側之惡人易為以叛言之無君命也穀梁傳曰此

叛也其以歸言之何也貴其以地反也貴其以地反則是大利也非大利也

困學紀聞注

卷六

三五

許悔過也許悔過則何以言叛也以地正國則何以言叛其入

無君命也胡氏傳曰趙鞅之入拒范中行也而直書曰叛何也人臣專土

與君為市則是寡弑之階堅冰之戒豈無以有己之義乎後世大臣有困於

畿聞遷廷居外不致釋兵卒以憂死者亦未明人臣之義故爾故直書入於

晉陽以叛入者不順之辭叛者不赦之罪

平王之遷戎為之也

註見

卷三襄王之出狄為之也

秋之筆戎為先狄次之其末也

傳二十

四年春

天下之變極矣

昭四

春秋以道名分

大者曰成宋亂

桓公二年

以宋督弗討而貨賂是取

也曰宋災故

襄公三十年

以蔡般弗討而細故是邨也

日用致夫人以嫡妾無辨而宗廟之禮亂也

曰大

夫盟

夫盟

襄公十六年

以君弱臣彊而福威之柄移也吁其

夫盟

襄公十六年

以君弱臣彊而福威之柄移也吁其

夫盟

襄公十六年

以君弱臣彊而福威之柄移也吁其

夫盟

襄公十六年

以君弱臣彊而福威之柄移也吁其

夫盟

襄公十六年

以君弱臣彊而福威之柄移也吁其

夫盟

襄公十六年

以君弱臣彊而福威之柄移也吁其

夫盟

襄公十六年

以君弱臣彊而福威之柄移也吁其

嚴乎元圻案劉徹春秋傳會者講禮正刑一德紀天下也蔡侯弑其君而不謀宋災而謀之微矣 僖八年秋七月禘于太廟用致夫人公羊傳曰用者何用者不宜用也致者何致者不宜致也禘用致夫人非禮也夫人何以不稱姜氏貶曷為貶譏以姜為妻也其言以姜為妻奈何蓋胥子齊滕女之先至者也

沈既濟書中宗曰帝在房陵孫之翰范淳夫用其例

春秋公在乾侯之比也沙隨程氏謂三子不以敬

王之例書居而引諸侯之在他國者其考春秋而

未熟者歟何云沙隨之引例可謂精審其曰帝在東宮者於文義尤有疑又作史必從實錄嗣聖紀元僅一月耳今自甲申以至甲辰皆冠以嗣聖凡二十年是又採孫氏西齋錄

之辯論而以無為有孔子修春秋當不若是也 朱文公詩以為范

太史受說伊川然既濟之議乃其始也闕按初吳兢撰國史為則天本紀次高宗下既濟奏議以為則天皇后進以疆有逼非德讓史臣追書當稱

為太后不宜曰上中宗雖降居藩邸而體元繼代本吾君也宜稱皇帝不宜

曰盧陵王睿宗在景龍前天命未集假臨大寶於誼無名宜曰相王未容曰

帝且則天改周正朔立七廟天命革矣今以周唐厝列為帝紀考於禮經是

困學紀聞注 卷六 三十

謂亂名中宗嗣位在太后前而敘年製紀反居其下方之躋倍公是謂不智

昔漢高后稱制獨有王諸呂為實漢約無遷鼎革命事時孝惠已歿子非劉

氏不紀呂后尚誰與哉議者猶謂不可况中宗以始年即位季年復祚雖會

名中奪而天命未改足以首事表年何所拘闕而列為二紀魯昭公之出春

秋歲書其居曰公在乾侯君在雖失位不敢廢也請省天后紀合中宗紀每

歲者必書孝和在所以統之曰皇帝在房陵太后行其事改其制紀稱中宗

而事述太后名不失正禮不違常矣夫正名所以尊王書法所以觀後嗣

且太后遭制自去帝號及孝和上益開元冊命而后之名不易今附麗配廟

皆以后禮而獨承統于帝是有司不特正失先自若后姓氏名諱才藝智略

崩葬日月宜入皇后傳題其篇曰則天順聖武皇后云議不行今唐書則帝

後文傳兩載則天殆亦參用其說焉 元圻案閻氏所引即唐書沈既濟本傳文傳稱既濟蘇州吳人不載其名 孫氏甫唐史論斷上論曰武后僭竊位號唐史臣脩實錄撰國史者皆為立紀繫后事于帝王之年列僞國子有唐之史名體大亂史法大失矣後史臣沈既濟奏議曰中宗以始年登大位唐年復大業雖尊名中奪而天命未改足以首事云云此俱是妄作今起正唐史之失也故從其議書武后事於中宗紀中武后改元俱是妄作今起正聖繼以景龍武后所改但存其名備證他事而不以表年焉所以崇帝統而黜僭號也 范氏祖禹唐鑑七昔季氏出其君魯無君者八年春秋每歲必書公之所在及其居乾侯也正月必書曰公在乾侯不與季氏之專國也自司馬遷作呂后本紀後之為史者因之改唐史亦列武后於本紀其於紀事之體則實矣春秋之法則未周也故臣復繫嗣聖之年黜武氏之號以為母后禍亂之戒竊取春秋之義雖獲罪於君子而不辭也 中宗即位稱聖

元年二年武后遷帝於房州唐鑑自三年至十四年正月皆書帝在房州十五年復立帝爲太子十六年至二十一年皆書帝在東宮故義門云有疑項氏家說程迥可久曰春秋書王在畿內曰居於狄泉曰王畿曰出居于鄆諸侯在境內曰公居于鄆出境曰公在乾侯唐鑑用春秋書法中宗則宜曰帝居房陵不宜曰在葉石林春秋攷十五昭公在鄆曰居于鄆在乾侯曰在乾侯居之與在別內外也居者據而有之之辭則在者止焉於是之辭雖小我猶居之則在上而尊矣乾侯寓於他人之境唐史論斷三卷天章閣待制陽翟孫甫之翰撰甫以唐書繁重遺略多失體法乃脩爲唐史用編年體自康定元年逮嘉祐元年成七十五卷爲論九十二首甫歿朝廷取其書畱禁中今惟諸論在焉又唐鑑十二卷翰林學士成都范祖禹淳父撰祖禹脩通鑑分主唐史元祐初上此書攷其治亂興廢之由爲三百六篇

大雩大閱大蒐肆大胥凡以大言者天子之禮也書

魯之僭月令曰大雩帝天子雩上帝諸侯雩山川

經書大雩二十有一非禮也賈逵云言大別山川

之雩原註諸侯雩上帝於是季氏旅泰山矣○元圻棄孫氏尊王發微桓

赦過宥罪此天子之事也 莊四年胡傳凡大閱大雩大蒐稱書災肆赦易曰

困學紀聞注 卷六 三十一

開冬六月耕耨之時其能無効於農乎聖人書之以著其非時說者以大閱爲僭天子之禮愚謂大之爲僭惟大雩爲然大閱閱兵之名與治兵何異莊公治兵以爲常而桓公大閱以爲僭何邪又曰肆赦也嘗過也赦大過也或者以爲僭天子故書大若然則當書曰肆青矣安得曰肆大胥邪伊川程子曰大雩而肆之其失可知凡赦何嘗及得善人諸葛在蜀十年不赦審此爾無僭天子之說然則趙氏之說爲可從

涖梁之盟大夫無君申之會諸侯皆狄春秋之大變

也有雞澤之盟而後有涖梁之盟有宋之盟而後

有申之會君臣夷夏之分謹其微而已程易田云此條與左傳異而大

夫無君之義則公穀言之甚詳公羊傳曰諸侯皆在言大夫盟偏刺天下之大夫視君若贅旒然殺梁傳曰諸侯在而不曰諸侯之大夫大夫不臣也漢書五行志論災異亦詳及之曰至於襄公晉侯爲涖梁之會天下大夫皆奪君政又曰襄公十六年五月甲子地震劉向侯以爲先是雞澤之會諸侯盟大夫又盟是歲三月諸侯爲涖梁之會而大夫獨相與盟五月地震矣其言天戒與時政相應如此故穀梁傳曰諸侯盟又大夫相與私盟是大夫張也宋之盟在襄公二十七年申之會在昭公四年左傳於楚有喪無恥惟胡氏傳曰天下之大變也于涖梁無君臣之分于宋而無夷夏之辨又曰申之會不殊淮夷者以在會諸侯皆爲夷狄之行王法所當斥持論極有關係王氏說蓋本此又按何休注公羊傳曰楚子主會行義故君子不殊其類所以順楚

而病中國故廬陵李氏曰胡氏不殊淮夷說本何休但休以為能行義為齊誅虜封與胡氏異孫田謂何氏貶中寓襄云順楚病中國語意深微論古不為無所見而胡氏所見者大夫○元圻案孫氏尊王發微襄公三年雞澤之會叔孫豹及諸侯之大夫盟言諸侯始失政也至於泲梁之會則又甚矣泲梁之會政在大夫也言諸侯之大夫者大夫無諸侯故也又曰中國自宋之會政在大夫諸侯不見者十年昭四年書楚子蔡侯陳侯鄭伯許男徐子滕子頓子胡子沈子小邾子宋世子佐淮夷會于申者威文既死中國不振制在夷狄故也

諸侯之主盟自齊桓始也北杏郵之會魯不至及幽

之盟而始會焉則魯不亟於從霸也夷狄之主盟

自楚靈始也申之會魯不至及蕞啟疆之召而後

如楚焉事見昭七年左傳則魯不亟於從狄也故曰魯一變

至於道全云此亦未審情事之言齊襄殺魯桓而魯莊尚從之安在齊桓之霸而反不從乎特以乾時長句乘邱之怨未平故勿遽耳

以楚師伐齊取穀魯信從楚在從晉之先安在其不急於從狄申之會特長晉不至耳○元圻案陳氏止齋春秋後傳莊十年齊師宋師次于郟桓公所

困學紀聞注 卷六

甚汲汲者魯也苟不得魯不可以合諸侯宿師于郟將以誦魯爾而北杏之會不至郵會不至則猶未得志於魯也不苟於從齊是人心猶有晉也魯一變至於道孔子所以有志於魯也左傳成四年欲求成於楚而叛晉若非季文子非我族類之言則魯之從楚久矣

幽王之尹氏不能世吉甫之賢而秉國不平西周所

以夷於列國也景王之尹氏又世太師之惡而私

立王子朝東周所以降於戰國也元圻案隱公二年夏四月辛卯尹氏卒胡傳曰尹氏天子大夫世執朝權為周亂階家父所刺秉國之均不平謂何者是也因其告夷與立子朝以朝奔楚皆以氏書者志世卿非禮為後鑑也

魯秉禮之國也大夫不止僭諸侯而旅泰山以雍徹

僭天子矣陪臣不止僭大夫而竊寶弓祀先公見定

八年 僭諸侯矣

左氏元圻案鄭晬老曰春秋左氏傳二十九萬六千八百四十五字此合經文計之

三傳皆有得於經而有失焉左氏善於禮何云左氏言禮多誤公

羊善於讖穀梁善於經鄭康成之言也此六藝論之文左氏

艷而富其失也巫穀梁清而婉其失也短公羊辨

而裁其失也俗范武子之言也此范甯穀梁傳集解自序文左氏之

義有三長二傳之義有五短劉知幾之言也此史通申左篇

左氏拘於赴告公羊牽於讖緯穀梁窘於日月

劉原父之言也原父語檢公是集及春秋傳權衡意味皆不載當攻左氏失之淺公

羊失之險穀梁失之迂崔伯直之言也案崔伯直春秋經解十六卷本

公羊之失雜而拘穀梁不縱不拘而失之隨晁以

道之言也此晁景迂三傳說事莫備於左氏例莫明於公羊

義莫精於穀梁或失之誣何云誣亦當為巫或失之亂或失

困學紀聞注 卷六 三五

困學紀聞注 卷六

之鑿胡文定之言也胡文定又曰左氏敘事見本末公羊穀梁辭辨而義精學經以傳為案則當闕左氏玩辭

以義為主則當習公穀左氏傳事不傳義是以詳於史而事未必

實公羊穀梁傳義不傳事是以詳於經而義未必

當葉少蘊之言也此葉夢得春秋傳自序文左氏史學事詳而理差

公穀經學理精而事誤朱文公之言也朱子曰左氏是史學公穀是經

學史學者記得事却詳於道理上便差經學者於義理上有功然記事多誤

又曰左氏曾見國史考事頗精只是不知大義公穀考事甚疏然義理却精

二人乃是經生往往不會見國史 呂氏大圭曰左氏熟於事公穀深於理蓋左氏曾見國史而公穀乃經生也學者取其長

舍其短庶乎得聖人之心矣啖趙以後憑私臆決

甚而閣東三傳韓文公贈玉川子詩曰春秋三傳東高閣獨抱遺經究終始是猶入室而

而不由戶也方棨山云啖趙以後云宋景文之言 全云公穀理亦未盡精

呂成公左氏謂左氏有三病周鄭交質不明君臣之義

一也以人事傳會災祥二也記管晏之事則善說

聖人之事則陋三也王介甫疑左氏為六國時人

者十一事原注介甫左氏解一卷其序謂為春秋學餘二十年嘗開書目以為依託○元圻案呂成公春秋左氏傳續說綱領左氏

只有三般病除却此三病便十分好所謂謂三病者左氏生於春秋時為習俗所移不嚴病除却此三病便十分好所謂謂三病者左氏生於春秋時為習俗

附會災祥夫禮儀動作古人固是於此見人吉凶亦豈專係於此此二病也記管晏之事則盡精神纒說聖人便無氣象此三病也書錄解題春秋類

左氏解專辨左氏為韓魏趙殺智伯事去孔子六十七年決非邱明葉石林春秋及三春秋終於哀十四年而孔子卒傳惠二十七年後孔子卒十三

年辭及韓魏知伯趙襄子之事而名魯仲公楚惠王夫以春秋為經而續之知孔子者固不致為是矣以年攷之楚惠王卒去孔子四十七年魯悼公卒

去孔子四十八年趙襄子卒去孔子五十三年察其辭僅以哀公孫于越盡其一世之事為經終泛及後事趙襄子為最遠而非止于襄子不知左氏後

襄子復幾何時豈有與孔子同時非弟子而如是其久者乎以左氏為邱明自可馬遷失之也唐趙氏雖任之而不能必其說今攷其書雜見於秦孝公

以後事甚多予以子觀之殆戰國周秦之間人無疑也鄭漁仲六經輿論四啖助曰論語所引邱明乃史佚遲任之類左氏集諸國史以釋春秋後人謂

左氏為邱明非也趙匡曰公穀皆左氏之後人不知師資幾世左邱明乃孔子以前賢人而左氏不知出於何代今以左氏傳質之則知其非邱明也左

困學紀聞注卷六

氏終紀韓魏知伯之事又舉趙襄子之謚若以為邱明自獲麟至襄子卒已八十年矣使邱明與孔子同時不應孔子既沒七十有八年之後邱明猶能著書此左氏為六國人明驗一也左氏戰于麻隧秦師敗績獲不更女父又云秦庶長鮑庶長武師師及晉師戰于櫟秦至孝公時立賞級之爵乃有不更庶長之號明驗二也左氏云虞不厭矣秦至惠王十二年初祿明驗三也左氏師承鄒衍之說而稱帝王子孫案齊威王時鄒衍推五德終始之說明驗四也左氏分星皆準堪輿家孫臏分晉之後而堪輿十二次始於趙明驗五也左氏云左師展將以公乘馬而歸案三代時有車戰無騎兵惟蘇秦合從六國始有車子乘騎萬匹之語明驗六也在氏序呂相絕秦聲事最詳如楚師燿猶拾藩等語則左氏為楚人明驗七也據此八節可知左氏非邱明是為六國時人無可疑者或問伊川曰左氏是邱明否曰傳無邱明字故不可考真知言欺王介甫左氏解今不傳荆公集亦無此序其所疑十一事不可得聞矣故兼取石林漁仲之說以見其大概

漢武帝好公羊宣帝善穀梁皆立學官左氏嘗立而

復廢賈逵以為明劉氏之為堯後始得立不以學

之是非而以時之好惡末哉漢儒之言經也閻投賈逵雖明

劉氏為堯後止合遠選高才生二十八人教以左氏與簡紙經傳各一通未嘗立學官立學官乃光武因陳元之言然旋立旋廢全云得立學官在曹魏

正始中○元圻案漢書儒林傳武帝時琅邱江公與董仲舒並仲舒通五經能持論江公兩於口上使與仲舒語不如仲舒而丞相公孫宏大與公羊學比輒其義辛用董生於是上因尊公羊家詔太子受由是公羊大興大夫子既通公羊復私問穀梁而善之宣帝卽位聞衛太子好穀梁以問章賢夏侯勝及史高皆魯人也言穀梁本魯學公羊氏乃齊學宜與穀梁時藝千秋爲郎召與公羊家並說上善穀梁說擢千秋爲諫議大夫 左傳文十三年正義傳說處秦爲劉氏尋討上下其文不類深疑此句或非本旨蓋以爲漢初初興捐棄古學左氏不顯於世先儒無以自申劉氏從秦從魏其源本出劉累插託此辭以媚於世明帝時賈逵上疏云五經皆無證圖讖明劉氏之爲堯後者而左氏獨有明文竊謂前世藉此以求道通故後引之以爲證耳 隋書經籍志一左氏漢初出張蒼之家本無傳者文帝時賈誼爲訓詁授趙人賈公劉歆考立於學諸儒莫應建武中韓敞請立而未行陳元又上書訟之乃以李封爲左氏博士封卒遂罷其後賈逵服虔並爲訓解至魏遂行於世

八世之後莫之與京

莊二十二年

其田氏篡齊之後之言乎

公侯子孫必復其始

閔元年

其二卿分晉之後之言乎

其處者爲劉氏

文十三年

其漢儒欲立左氏者所附益乎

皆非左氏之舊也

何云以處者爲劉氏爲後儒所附益者孔氏正義已劇論之若使爲劉歆輩所附益則班固去

困學紀聞注

卷六

三五

歆不遺背者之高帝紀乎

新都之篡以沙麓崩爲祥釋氏之熾以恒

星不見爲證蓋有作俑者矣

元圻案呂成公左傳說二左氏所載故仲墨萬之言蓋左氏之

生適當戰國之初田穉始與故誇誣其祖以神下民當時民無有知者左氏惑於流俗之見故亦從而書之 宋董道廣川書跋魏都碑劉焯嘗謂左氏稱在夏爲陶唐氏其處者爲劉氏非魯史本支乃漢儒欲其傳特爲此語以漢出堯後 漢書元后傳孝元皇后王莽之始也莽自謂黃帝之後黃帝八

世生虞舜曰媯爲姓至周武王封舜後媯滿於陳十三世生完完字敬仲奔齊姓田氏十一世田和有齊國三世稱王至王建爲秦所滅項羽封建孫安

爲濟北王至漢興安失國齊人謂之王家因以爲氏安孫遂生賀字翁孺徙魏元城委粟里元城建公曰昔春秋沙麓崩晉史卜之曰陰爲陽雄土火相

乘敢有沙麓崩後六百四十五年宜有聖女與其齊田乎今王翁孺徙正值其地日月當之元城郭東有五鹿之虛卽沙處地也後八十年當有貴女興

天下云 文選王元頭陀寺碑曰周魯二莊親昭夜景之鑿注顧微吳縣記曰佛法未詳其始而典籍亦無聞焉晉莊七年夜明佛生之日也左氏傳曰

莊公七年辛卯夜恒星不見夜明也瑞應經曰到四月八日夜明星出時佛從右脅墮地卽行七步

正義云和帝元興十一年鄭興父子奏上左氏始得

立學遂行於世至章帝時賈逵上春秋大義四十

立學遂行於世至章帝時賈逵上春秋大義四十

條案此杜預春秋序正義文下云以詠公羊穀梁又與左氏作長義愚嘗攷和帝元興止一

年安得有十一年一誤也鄭興子衆終於章帝建

初八年不及和帝時二誤也後漢書鄭衆傳章帝建初六年代鄧彪爲大司農八年卒官

章帝之子爲和帝後先失序三誤也釋文序錄亦

云元興十一年皆非也元圻案正義曰劉歆欲建立左氏春秋諸儒博士或不肯置歆歆因移書於太

常博士王莽傳歆以地皇四年自殺安得於和帝時與鄭興父子奏上左氏耶鄭興傳興善左氏傳天風中從劉歆講正大義爲得其實新莽六年改元

鳳十二年改元地皇後漢書興傳亦不書奏上左氏事

優而柔之使自求之大戴禮孔子之言也案杜預春秋序正義云大戴禮

子張問入官學之篇有此文也東方曼倩左氏傳序皆用之元圻案漢書東方朔傳朔

字曼倩平原厭次人也著論設客難已用位卑且自慰諭論中用大戴禮語顏氏不注所出

老泉論云婦人有謚自周景王穆后始案穆后見昭十五年傳愚

困學紀聞注卷六三十一

按魯惠公聲子已有謚左傳首章正義曰謚法不生其國曰聲在春秋之初

間按文姜亦不從夫謚金仁山謂特謚爲文也計必有委慧之質是確之才者方心醇云哀姜成風敬嬴皆不從夫謚文姜沒於莊公時以子益母恐

未必如所云也○元圻案四庫全書總目史部政書類論法四卷宋蘇洵撰自周公論法以後歷代言謚者有劉蕢來與沈約賀琛王彥威蘇軾扈蒙

之書然皆雜糅附益不爲典要至鄭樵通志論定六家謚法乃取春秋廣扈蒙諸家之本刪訂考證以成是書後鄭樵志論略大都因此書而增補之

謚論又曰匹夫有諡自東漢之隱者始宦官有諡自東漢之孫程始蠻夷有諡自東漢之莎車始路史論謚法曰夫婦人之典周三后共著者也而穆

王之盛姬亦有哀淑人之諡見於穆天子傳匹夫之典夷齊其著者也而齊之黔婁已諡曰康見於高士傳其來久矣

衆仲對羽數服杜之說不同服虔云天子八八至士

二八則當每偁八人杜預云天子六十四人至士

四人案隱五年正義曰何休說如此服虔以用六爲六八四十八大夫四爲四八三十二士二爲二八十六杜以爲無勢宜方行列既減即每

行人數亦宜減故同何說則人數如其偁數宋太常傅隆以杜預爲

非謂八音克諧然後成樂故必以八人爲列何云韋昭國語

注云八人爲降殺以兩滅其二列耳預以爲一列又滅

二人至士止餘四人豈復成樂傳隆語見宋書樂志一劉原父春秋

一謂士無舞特牲少牢皆士禮無用樂舞之儀閣按

今本宋書樂志故必以八人爲列人誤作八列誤作例王氏所見本尚古○元圻案范甯穀梁傳注俗之言列八人爲列 通典樂五引蔡邕月令章句

曰天子八佾諸侯六大夫四士二佾舞列也每佾八人又樂七宋文帝元嘉十四年太常博士傅崇議夫舞者所以節八音也八音克諧然後成樂故樂

必以八人爲列自天子至士降殺以兩兩者滅其二列耳杜以謂一列又減二人至士止餘四人豈復成樂按服注左傳云天子八佾以謂八列大夫

四八士二八其議甚允春秋鄭伯納晉悼公女樂二八晉以一八賜魏絳此樂以八人爲列之證也若如議者唯天子有八則鄭應納晉二六晉應賜絳

一六也 呂氏春秋先識覽察微篇曰禘于襄公之廟也舞者二人高誘注禮天子八佾諸侯六佾六佾者四十八人 宋子論語八佾注雖兼載服社

之說而意主服氏

石碣曰陳桓公方有寵於王公羊傳公子翬恐若其言

是謂桓曰吾爲子口隱矣俱見隱四年荀子是謂周周公曰成王之

困學紀聞注 卷六 三

爲叔父穆天子傳亦云穆滿皆生而稱諡紀事之

失也閻按顧壺人歷引生而稱諡及魯語鮑國謂子叔聲伯日子何辭若成叔傲齊殖子皆成家其亡乎則成非諡蓋亦邑名 集證曰知錄二十三

漢書張敖傳呂后數言張王以魯元故不宜有此劉攽曰史家記事或有如此追言諡者史記貫高與張敖言謂帝爲高祖公羊傳公子翬與桓公言吾

爲子口隱矣皆此類傳記中如國語國策史記荀子呂氏春秋淮南子說苑諸書多是生時稱諡皆後人道爲之辭也自東京以下卽無此語文益謹而

裕益卑矣○元圻案穆天子傳六卷注見卷四二十五頁

富辰言周公封建親戚凡二十六國傳二十成縛言武

王兄弟之國十有五人姬姓之國四十人原注史記云文武成康所

封數百而周姓五十五與此同○案成縛語見昭二十八荀子備敘謂周

公立七十一國姬姓獨居五十三人漢諸侯表謂周

封國八百同姓五十有餘後漢章和章帝十一年元年

詔謂周之爵封千有八百姬姓居半詔載阜陵 顯王延傳當以

成鯁之言爲正皇甫謐亦云武王伐紂之年夏四

月乙卯祀於周廟將率之士皆封諸侯國四百人

兄弟之國十五人同姓之國四十人閩按富長首舉國名皆文王之子武王之弟明十六人何以言成鯁十五人當爲正○元圻案王氏謂以成鯁之旨爲

正蓋指封建親戚不止二十六國耳故廣引荀子史記漢表以證閩氏似誤規

宋人請猛獲於衛衛人欲勿與石祁子曰天下之惡

一也莊十一年名臣之言可訓萬世蓋祁子之學識見於

不沐浴佩玉之時事見檀弓衛多君子淵源有自來矣

原繁曰臣無二心天之制也莊十四年此天下名言萬世爲

臣之大法西山讀書記取之博議貶繁恐未爲篤

論全云此有感於禹王之輩○元圻案博議曰原繁自莊公之世用事於

原繁對厲公之辭曰苟主社稷國內之民其誰不爲臣信如是說則苟據君

位者皆無所擇復亦君也僭亦君也盜亦君也雖亦君也爲臣者皆操此心

困學紀聞注卷六則人君將安所恃乎甚矣繁之姦也據此繁之爲人原有可議節取其言可

也書錄解題左氏博議二十卷呂祖謙撰方授徒時所作自敘曰春秋經

旨概不敢僭議而枝辭贅喻則舉子所資課試也西山讀書記君臣篇於

左傳取荀息狐突解揚箴尹之言而未及原繁當更攷

鄭伯謂燭之武曰若鄭亡子亦有不利焉僖七年觀魏受

禪碑載三國魏文帝紀注唐六臣傳五代史利菑而樂亡者有矣元圻

案六臣張文蔚蘇循楊涉張策薛昭矩趙光逢也歐陽修五代史曰嘗至

繁城讀碑受禪碑見文蔚等所爲如此未嘗不爲之流涕也夫以國于己而

自夸耀及遂相之此非小人孰能爲也宋帝景德祐二年八月以王洙翁

爲福建招討使十一月王積翁叛降元先是積翁兼南劍州行都遣人納款

于元至是元軍侵福安積翁爲內應遂與王剛中同降留夢炎宋之狀元宰

相喪心仕虜文天祥留燕王積翁詩釋爲道士留夢炎不可曰天祥出復號

召江南置吾等何地天祥遂遇害張天如曰宋之逆賊前莫惡于劉整後

莫醜于夢炎非苛論也王氏此二條皆有感而發

君之於民亦曰忠季良曰上思利民忠也桓六年子之於

親亦曰慈內則云慈以旨甘聖賢言忠不顯於事

君爲人謀必忠於朋友必忠告事親必忠養

則以內

善教人以利及民無適非忠也

元圻案董子繁露亦曰教以愛民以忠真西山劉

氏傳忠錄後序曰聖賢之言忠不顧於事君爲人謀必忠也於朋友必忠告也事親必忠養也至於以善教人以利愛民無適而非忠也

素問立端於始表正於中推餘於終而天度畢矣注

謂立首氣於初節之日示斗建於月半之辰退餘

閏於相望之後此可以發明左氏正時文元之義何云

何云 同回歷有閏日而無閏月似本之此○元圻案素問六節藏象論曰日行一度月行十三度而有奇焉故大小月三百六十五日而成歲積氣餘而盈閏矣立端於始表正於中推餘於終而天度畢矣注端首也始初也表彰示也正斗建也中月半也推退位也言立首氣於初節之日示斗建於月半之辰退餘閏於相望之後是以閏之初則氣不及月閏之後則月不及氣故常月之制建初立中間月之紀無初無中縱歷有之皆他月節氣也故歷無云某候某閏月節閏月中也素問注見後卷九第十四頁

通鑑外紀目錄云杜預長歷

案王隱晉書曰杜預著春秋長歷至老乃成聲虞賞之經義考云己

困學紀聞注 卷六

三九

佚今 四庫書從永 樂大典亥集成書

既違五歲再閏又非歸餘於終但據

春秋經傳考日辰朔晦前後甲子不合則置一閏

非歷也春秋分記

余云程公說作

云長歷於隱元年正月朔

則辛巳二年則乙亥諸歷之正皆建子而預之正

獨建丑焉日有不在其月則改易閏餘彊以求合

故閏月相距近則十餘月遠或七十餘月劉義叟

起漢元以來爲長歷通鑑目錄用之

閏按春秋長歷論止有言當順天以求合

非爲合以驗天二語是 集證大衍歷議列國之歷不可以一術齊矣而長歷日子不在其月則改易閏餘欲以求合故閏月相距近則十餘月遠或七十餘月此杜預所甚繆也夫合朔先天則經書日蝕以糾之中氣後天則傳書節至以明之其在晦二日則原乎定朔以得之列國之歷或殊則稽於六家之術以知之此四者皆治歷之大端而預所未曉也○元圻案文五年正義曰春秋之世歷法錯失杜惟勸經傳上下日月以爲長歷若日月同者則數年不置閏若日月不同須置閏乃同者則未滿二十二月頻置閏所以異於常歷經例云據經傳微旨考日辰晦朔以相發明爲經傳長歷未必得天

盡春秋當時之歷也據杜此言正是爲合以驗天非順天以求合也通鑑外紀注見卷五四十一頁四庫全書別列類提要曰恕是書據周威烈王以前事跡爲外紀又著日錄年經事緯上列開朔天象下列外紀之卷數悉與司馬光通鑑目錄例同書錄解題二春秋分記九十卷卅州教授詹山程公說伯剛撰以春秋經傳做司馬遷書爲年表世譜歷天文五行地理禮樂征伐官制諸書自周魯而下及小國夷狄皆彙次之時有所論發明成一家考云未見今四庫書著錄劉義慶字壯輿恕之子陳振孫曰司馬公通鑑目錄做史記年表年經國緯用劉義慶史長歷氣朔而撮新書精要散於其中

王貳于號桓五

王叛王孫蘇宣十

六年

日貳曰叛於君臣之義

失矣不可以訓通鑑

周紀三

報書燕叛齊而大事記

非之

方樸山曰公羊傳昭公將弑季氏亦類此然孟子明書燕人叛云溫公於陳霸先之攻王孫亦失書法○案大事記解題曰通鑑書燕人叛齊燕之於齊非叛也遂因齊成春秋書曰齊人滅于

全

遂不謂之叛也孟子非作史其曰燕人叛特因用齊人之語耳

書蜀漢

寇魏

通鑑魏紀四明帝太和五年二月亮悉大眾十萬由斜谷入寇而綱祁山及明帝青龍二年二月亮悉大眾十萬由斜谷入寇

而綱

目非之書晉寇梁

通鑑後梁紀太祖開平元年十二月晉兵寇洛州

而讀史管見

困學紀聞注

卷六

四十

非之况天子之於臣乎

全云左氏之失極多其無君臣之辨亦不止此如王使王孫蘇訟于晉及晉人

討萑宏之類○元圻案通鑑綱目十五漢後主建興八年發明曰諸葛孔明左右昭烈爲漢討賊聲大義於天下功雖不就名則正矣通鑑於孔明伐魏之舉反以入寇書之則是以討賊之名爲賊耳綱目於魏兵入境書之爲寇然後名正言順而正僞之辨始明固非好爲立異也正前人之未正歸之是亦所以更相發明云爾讀史管見二十七後梁紀司馬氏自以正閭之際非所敢知然蜀魏分據則書諸葛亮入寇是以魏爲正矣梁晉交爭而書晉兵寇洛州是以梁爲正矣孟子曰今天下地醜德齊莫能相尚先主武侯縱不爲興復漢室其人品高賢固自冠絕三國乃以曹氏壓之若何東雖出蕃夷然忠功義烈蓋唐末一流而又不顯然斥爲梁寇地雖數倍德則不倫是以成敗論事而不要義理之實豈所以訓哉然則如何以兩下相殺書梁晉之事以北伐魏賊紀蜀兵之出然後當於人心矣洪景盧容齋三筆王貳于號杜氏謂不復專任鄭伯也王叛王孫蘇杜氏曰晉拜成劉康公徵戎將伐之叔服曰背盟而欺大國不義晉范吉射趙鞅交兵劉氏范氏世爲昏姻萑宏事劉文公故周與范氏趙鞅以爲討夫以天子之使出聘侯國而言拜成謂周於晉爲欺大國諸侯之卿跋扈於天子而言討皆於名分爲不正其他如晉邢侯殺叔魚叔魚益榮杜氏又謂榮名益己以弟陳尸爲兄榮尤爲失也書錄解題四大事記十二卷解題十二卷通釋一卷呂祖謙撰自敬王二十九年以下采左氏傳歷代史皇極經世通鑑經古錄輯而廣

之及漢征和三年而止解題者略具本末或附以己意多所發明通釋者經典綱要孔孟格言以及歷代名儒大義論又讀史管見三千卷禮部侍郎胡寅明仲撰以通鑑事實而義少故爲此書議論宏偉嚴正間有感於時事其於臨壘以來接於紹興權奸之禍尤寓意焉

晉假道于虞曰冀爲不道入自顛幹伐鄭三門杜氏

以冀亭爲冀國宋僖二年杜注冀國名平陽皮氏縣東北有冀亭嘗考之東漢西

羌傳渭首有冀戎史記云秦武公伐而縣之漢天

水郡之冀縣也秦本紀武公十年伐邽戎冀戎初縣之集解地理志

入顛幹者蓋冀戎原注前此號公敗犬戎于渭汭蓋亦渭首之戎

晉自有冀邑原注冀缺爲卿復與之冀 閩按杜注冀卽晉之冀亭

元圻案後漢書郡國志河東郡大陽有虞城有下陽城有顛幹坂皮氏有冀

亭水經河水又經大陽縣南注地理志曰北虢也孔安國傳傅說隱於虞

號之間卽此地傅巖東北十餘里卽顛幹坂左傳所謂入自顛幹者也穆天

子傅南登于薄山窳輪之際乃宿于虞是也又砥柱山亦謂之三門矣山在

號城東北大陽城東也 路史國名紀三冀并於晉郟芮封之漢之陶縣今

困學紀聞注 卷六

史國名紀四冥鄆也陝之平陸東北二十里有鄆城冀伐之者

子犯曰民未知禮未生其共傳二十七年生之一字與樂記

易直子諒之心油然而生矣孟子樂則生矣之生同

溫公省試民受天地之中以生論以生爲活其說

以爲民受天地之中則能活也朱文公謂此說好

元圻案溫公論今傳家集不載

楚箴曰民生在勤宣十生如生於憂患之生蓋心生生

不窮勤則生矣生則鳥可已也怠焉則放放則死

矣故公文伯之母曰民勞則思思則善心生全

思則善心生此生字稍別

古者以德爲才十六才子是也見文十八年如狄之酈舒見

十五 晉之智伯

晉語荀瑶有五賢而甚不仁瑤即智伯也

齊之益成括

見孟

以才稱

者古所謂不才子也

元圻案范滂父唐鑑曰周公制禮作樂孔子以為才然則古之所謂才子者兼德行而言也

後世之所謂才子者辨給以禦人詭詐以用兵僻邪險趨利就事是以天下多亂職斯人之用於世也

謝疊山曰唐虞以上無才德之分如皋陶九德皆才也舜舉元愷之才皆德也

禹鯀之子也史克於鯀曰世濟其凶而於禹曰世濟

其美論其世則鯀非美也於此見立言之難

方樸山云正義

已言之○元圻案文十八年正義曰史克方欲盛談美惡說事必當增甚故其言美惡有太過之辭禹則鯀之子也說禹則云世濟其美陳無則云世濟其凶明其餘亦有太過非其實也

貴而能貧

案鄭伯張語見襄二十二年

張文節

全云知白○案知白字用晦滄州清池人在相位以盛滿為戒益文節

司馬公有焉能賤而有恥

晉郤缺語見文十三年

劉道原陳無已

有焉

閻按富而能臣見定十三年註能執臣禮○元圻案司馬溫公訓儉曰張文節為相自奉養如為河陽學書計時所親或規之曰公今受

困學紀聞注 卷六

四三

俸不少而自奉若此外人頗有公孫布被之譏公嘆曰人之常情由儉入奢易由奢入儉難吾今日之俸豈能常有身豈能常存一旦異於今日家人習奢已久不能頓儉必致失所豈若吾居位去位身在身亡常如一日乎 蘇子瞻司馬溫公行狀曰公不事生產買第洛中僅庇風雨有田三頃喪其夫人質田以葬惡衣菲食以終其身 可馬溫公劉道原十國紀年序曰道原家貧至無以給官廿一毫不妄取於人其自洛陽南歸也時已十月無寒具光以衣襪一二事及舊貂襜褕之固辭陽與之行及穎州悉封而返之於光而不受於佗人可知矣父煥字燮之歐陽永叔作廬山高以美之 王禰東都事略陳師道字無已徐州彭城人元祐中蘇軾傅堯愈孫覺薦於朝為徐州教授除秘書省正字家素貧自罷歸彭城或累日不炊妻子嗔不恤也

楚有夏州

案宣十一年杜注示詞夏氏所獲也

以夏變夷衛有戎州

七年 以夷

變夏

閻按楚復封陳鄉取一人焉以歸謂之夏州夏氏也 何云夏州蓋志夏微舒之伐也而豈用夏之謂乎戎州或其地故有戎焉未可因其名而笑謂荆蠻固云我姬也何戎之為 全云深寧特有感言之耳秦有夏聲不必謂其變西戎之俗

管子大正篇

案唐書藝文志內政部法家類尹知章注管子三十卷 大正原作大匡避宋太祖諱作正

管仲曰君

會其君臣父子則可以加政矣公曰會之道奈何

曰諸侯母專立妾以為妻母專殺大臣母國勞母

專予祿士庶人毋專棄妻毋曲隄毋貯粟毋禁林
行此卒歲則始可以罰矣君乃布之於諸侯諸侯
許諸受而行之孟子所謂五禁略見於此呂成公
曰如內政之類桓公於五命之戒亦未免有所犯
故左氏隱而不書使後世不知桓公躬言之而躬
自蹈之也說苑反質篇晉文公合諸侯而盟曰無以美
妾疑妻無以聲樂妨政無以姦情害公無以貨利
示下亦五禁之意傳記不載

趙衰以壺飧從徑餒而弗食故使處原

傳二十五年

韓非子

外儲說左下

曰晉文公出亡箕鄭挈壺餐而從逃而失道

困學紀聞注 卷六

四三

之患而必全壺餐是將不以原叛乃舉以為原令
此卽趙衰事也

杜預解傳云諸侯諒闇國事皆用吉禮

文元年

議太子服

云高宗無服喪之文唯稱不言而已

案事見晉書禮志中

飾經

舞禮不可以訓

全云凡諸侯諒闇或天子有大慶則用吉禮謂國事用吉禮矣預之見黜於從祀未爲過也○元圻案隱

元年正義曰晉書杜預傳云太始十年元皇后崩依漢魏舊制既葬帝及羣臣皆除服疑皇太子亦應除否預以為古者天子諸侯三年之喪始服齊斬既葬除喪服諒闇以居心喪終制不與士庶同禮預又作議曰周景王有后世子之喪既葬除喪而宴樂晉叔向諫之曰三年之喪雖貴遂服禮也王雖不遂宴樂以早此亦天子喪事見於古也稱高宗不言喪服三年而云亮陰三年此釋服心喪之文也議景王不議其除喪而議其宴樂早則既葬應除而違諒闇之節也案今晉書杜預傳無此文禮志有之文亦小異

伯宗伐潞日後之人或者將敬奉德義以事神人而

申固其命若之何待之

宣十五年

樂毅伐齊曰待彼悔前

之非改過恤下而撫其民則難慮也羊祜伐吳曰
若更立令主雖有百萬之衆長江未可窺也此皆
兵家權謀惟恐人之遷善豈所謂以善養人者哉

集證按通鑑晉王濬上疏曰孫皓荒淫內逆宜速征伐若皓死更立賢主則
強敵也與羊祜語同○元圻案通鑑周紀四肅王三十一年燕王以樂毅爲
上將軍伐齊樂毅曰齊王伐功矜能謀不逮下廢黜賢良信任詭譎政令戾
虐百姓怨怒今軍皆破亡若因而乘之其民必叛君不遂乘之待彼悔前之
非云云又晉紀二武帝咸寧四年帝遣張華就羊祜問伐吳策祜曰孫
皓暴虐已甚於今可不戰而克若皓不戰而沒吳人更立合于云云 吳子
春秋景公欲伐魯晏子曰不可魯好義而民戴之伯禽之治存焉不若修德
而待其君之亂也其君離上怨其下然後伐之則義厚而利多亦與伯禽等
同意 泰誓曰時者不可失似亦有此意此先儒所以致疑于古文也周世
宗謂南唐使臣鍾謨曰歸語汝主可及吾時完城郭繕甲兵據守要害爲子
孫計庶幾盛德之言矣

西陸朝覲其說有三服氏謂春分奎晨見東方杜氏

謂三月奎朝見鄭氏謂四月昴朝見爾雅西陸昴

困學紀聞注 卷六

也釋天劉炫云鄭爲近之詩三星在天其說有二毛

氏以爲參十月始見鄭氏以爲心三月見東方朱

文公詩傳從鄭說元圻案昭四年正義曰傳言西陸朝覲於傳之文

之中奎始朝見東方以是時出冰月令仲春天子乃獻羔啟冰也是服虔又
以此言始之卽是仲春啟冰故爲此說案下句再言其藏其出覆此藏出之
文言其出之也朝之祿位賓食喪祭於是乎用之卽是班冰之事非初服也
安得以此出之爲啟冰也如鄭元答其弟子孫皓問云西陸朝覲謂四月立夏
之時周禮夏璣冰是也與杜說異禮亦通也劉炫云春分奎星見杜注夏
三月仍云奎始朝見非其義也杜鄭及服三說鄭爲近之 唐風綱繆篇毛
傳三星參也在天始見東方也三星在天可以嫁娶矣箋云三星心也心有
尊卑夫婦父子之象又爲二月之合宿故嫁娶者以爲候焉昏而火星不見
嫁娶之時也今乃見其在天則三月之末四月之中見於東方矣故云不得
其時正義曰漢書天文志云參白虎宿三星毛以秋冬爲婚時故云三星在
天可以嫁娶王肅云謂十月也孝經按神契云心三星中猶明是心亦三星
也天文志云心爲明堂也大星天王前後星子屬 毛詩李黃集解李廷仲
曰鄭以仲春昏而火星不見嫁娶之時也今已見在天非其時爾故詩人舉
其昏鄭說爲得矣以其所見之月候嫁娶早晚爲有理此言是也若以三星
爲心星見失嫁娶之時則下文今夕何夕見此良人文意相屬也夫仲春之

月心星未見至三月四月則見而在東方左氏曰火出於夏為三月周官季春出火言三月之時已失其時矣况於在隅在戶乎在隅則四月之末五月之中在戶則五月之末六月之中月令仲夏之月昏心中是也

季氏有嘉樹韓宣子譽之服虔云譽游也宣子游其

樹下夏諺曰一游一譽為諸侯度原注孟子注引苑宣子

譽通作豫王元長曲水詩序優游暇豫李善注引孫子兵法曰人死而上能用之雖優游暇譽令猶行也○元折案服說見昭二年正義 趙岐注見孟子嘗官章杜注譽其好也正義曰若是游其樹下宣子本自無言武子何以輒對故杜以為譽其美好也

宋伯姬先儒謂婦人之伯夷案程氏遺書二十二下問獨宋共姬書首尾最詳何故曰賢伯姬故詳錄

之昔胡先生嘗說伯姬是婦人中伯夷為其不下堂而死也左氏謂女

而不婦集三非也陸淳又以為非可繼可傳之道胡

文定譏之謂以此卜其貪生惜死不知命矣愚謂

淳黨叔文而不羞由其不知命也元折案劉氏敵春秋權衡六如其姬之守禮死

因學紀聞注 卷六

義不求生以害生亦可免矣反謂之不婦乎易曰恒其德貞婦人吉其德恒之矣所謂婦也 陸淳春秋集傳微旨下淳闕于師曰聖人之教為可傳也為可繼也伯姬之行曠代而無一人非可傳可繼之道經文既無褒異當從左氏之說 胡傳易曰恒其德貞婦人吉而或以為共姬女而不婦非也女德不貞婦道不明能全其節持死不同見於春秋者宋伯姬聖人冠以夫伯姬書於春秋曰葬宋其姬以著其賢聲顯天下之婦道也 劉向列女傳曰伯姬者魯宣公之女成公之妹也既嫁於恭公七年恭公卒伯姬寡至平公時伯姬嘗遇夜失火左右曰夫人少避火伯姬曰婦人之義保傳不俱夜不下堂保母至矣傅母未至也左右曰夫人少避火伯姬曰婦人之義保母不至夜不可下堂越義求生不如守義而死遂連於火而死所記較三傳為詳 陳振孫曰陸質本名淳以避憲宗諱改焉梁陸澄七世孫仕道顯黨王叔文侍憲宗東宮會卒不及貶

衛侯賜北宮喜諡曰貞子賜析朱鉏諡曰成子昭二是

人臣生而諡也何云杜氏注云皆未死而賜諡及墓田傳終而言之近得不全宋槩本作皆死而賜諡及墓田傳終言之

少未字而義尤協意尤明似勝王氏所據之本 又云蓋出於湯自云吾武甚矣魏明帝有司奏帝制作

與治為魏烈祖是人君生而諡也闕按孫盛謂此當年而逆制祖宗未終而豫自

尊顯是也 何妃瞻告余頃得宋槩本不全左傳恰有昭二十年衛賜北宮喜事杜註云皆死而賜諡及墓田傳終言之較近刻少未字而字意尤明義

尤協似勝王氏所據之本王氏本與吾輩今日同余擊節曰若果未死賜諡是豫凶事非禮也杜當以爲譏不應云終言之一字之增何啻霄壤宋軀本眞贗也 方樸山云死而賜諡常事耳何以書且文承戊辰殺胥姜之下宛似一時之事義門云猶疑未可依據○元圻案若賜諡與殺宣姜爲一時事則注不應曰傳終言之 三國魏明帝紀景初元年有司奏武皇帝撥亂反正爲魏太祖樂用武始之舞文皇帝應天受命爲魏高祖樂用威熙之舞帝制作與治爲魏烈祖樂用章武之舞三祖之廟萬世不毀注孫盛曰夫諡以表行廟以存容皆於既沒然後著焉未有當年而逆制祖宗未終而豫自尊顯昔華樂以厚歛致譏周人以豫凶違禮魏之羣司於是乎失終

蔡墨曰國有參龍氏有御龍氏

昭二十九年

後漢有侍御史

擾龍宗豈其苗裔歟

集證三國志董卓傳注英雄記曰卓欲震

威侍御史擾龍宗詣卓卓事不解劍立搃

殺之通志氏族略四引風俗通云陶唐氏之後有劉累學擾龍事夏孔甲賜

氏曰御龍氏擾龍氏劉累之後漢有侍御史擾龍羣

甯殖愧諸侯之策

襄十年

賈充憂謚傳其惡不可掩也是

以知可欲之謂善

元圻案晉書賈充傳模字思範深爲充所信愛充年衰疾劇恒憂已謚傳模曰是非久自見不可掩也模是賈充從子

因學紀聞注

卷六

四六

左氏曰先二子鳴

襄二十一年

莊子曰子以堅白鳴

見德充符

昌黎

送東野序言鳴字本於此

人生求富而子文逃之富人之所欲而晏子弗受

襄二

庶幾乎無欲矣

元圻案楚語成王每出子文之祿必逃王止而後復人謂子文曰人生求富而子逃之何也對曰夫從政者以庇民也民多曠者而我取富焉是勤民以自封也死無日矣我逃死非逃富也

僑不以防怨爲害而怨自弭

案蓋指襄三十一年不毀

故僑

與鄭俱昌斯以分過爲忠而過益彰故斯與秦俱

亡

元圻案史記蕭相國世家上曰吾聞李斯相秦皇帝有善歸主有惡自與今相國多受賈豎金而爲民請吾苑以自贖於民故繫治之王衛尉

曰秦以不聞其過亡天下李斯之分過又何足法哉

韓非曰宋君失刑而子罕用之故宋君見劫

案語見二柄篇

李斯曰司城子罕相宋身行刑罰以威行之期年遂

劫其君語見史記 愚按襄九年宋樂喜爲司城以爲

政卽子罕也左氏載其言行襄十五年十七年傳 檀弓亦

稱之檀弓載子罕哭 賢大夫也宋世家無子罕劫君之

事非斯乃與田常並言不亦誣乎左傳襄六年子罕逐子

此而誣其戰國策謂忠臣令誹在己譽在上宋君奪

民時以爲臺而民非之子罕釋相爲司空民非子

罕而善其君此卽左氏分謫之事見襄七年 司城宋之

司空也左傳桓六年宋以武公廢司 宋無兩子罕則非斯之

言妄矣史記鄒陽曰宋信子罕之計而囚墨翟見

傳漢書作子冉文穎注以子冉爲子罕皆所未詳

閻按韓非子外儲說右下兩載司城子罕謂宋君曰慶賞賜與民之所喜也

困學紀聞注 卷六

而奪政與田常事宛似自屬誣罔然王氏竟未讀此○元圻案呂氏春秋異

寶篇宋之野人耕而得玉獻之司城子罕子罕不受野人請曰此野人之寶

也願相國爲之賜而受之也子罕曰子以玉爲寶我以不受爲寶故宋國之

長者曰子罕非無寶也所寶者異也 又召類篇曰孔子曰夫脩之於廟堂

之上無所相侵邊境四益相平元公景公宋之謂乎宋在三大萬乘之間子罕

記索隱曰左氏司城子罕姓樂名喜乃宋之賢臣也 韓非子言子罕必與

田氏俱說疑篇曰齊田恒宋子罕魯季孫意如晉偕如衛子南鄭太宰欣楚

白公周單荼燕子之此九人者之爲其臣也皆朋黨比周以事其君隱正道

而行私曲又曰田成子取齊司城子罕取宋外儲說右兩載司城子罕亦

兩及田常李斯蓋踵其說耳韓詩外傳說苑稱子罕專政去君與韓非子略

同 近仁和梁氏玉繩曰戰國時宋亦有昭公其時亦有子罕逐君擅政如

臧文仲廢六關文二年 家語顏回 云置六關注謂文仲置關

以稅行者故爲不仁何云置之爲廢猶治之爲亂香之爲臭古人

用字多如此○元圻案宣八年公羊傳去其

氣志有交勝之理治亂有可易之道故君相不可以

有聲者廢其無聲者註廢置也置者不去也

言命多福自我求哲命自我貽故聖賢可以言天

天者理而已以葺宏為違天定元是入臣不當扶顛

持危也以楚克有陳為天道昭九是夷狄可以猾夏

亂華也原注趙氏震撻曰左氏之害義未有甚於記女寬之論葺宏也

自昔聖賢未嘗以天廢人殷既錯天命王子則曰自靖自獻周

天命不又大夫則曰福勉從事治亂安危天也危持顛扶人之天也以

忠臣孝子為違天則亂臣賊子為順天矣而可哉○元圻案全氏經史問答

曰左氏善言前知故於葺宏之死求其先兆而不得則以此當之其說在外

傳為尤詳然可謂誣妄之至假如其言則是人臣當國事將去必袖手旁觀

方有合於然哲保身之旨而不知其不可而為之者皆有天殃宇宙更無可支

柱之理成敗論人之倖一至於此唐柳子厚呂化光牛思黯已其之矣○柳

子厚弔葺宏文曰豈成城以秀功矣哀清廟之將殘嫉彪子之肆誕兮彌皇

覽以為讓呂温右東周城銘序曰葺宏成城成周晉女叔寬曰天之所棄不可

支也葺宏違天必受其咎左氏明微以為世規俾持顛之臣匡其謬氣非所

也勵尊王垂大順也牛僧孺訟忠云葺宏之城成周也晉女叔寬謂宏違天

不免也國語衛彪復又云長叔支天有咎也支天壞違天也人道補天反常

也誘人城周誑人也左邱明皆然其言若是則帝王不務為政而務稱天命

下不務竭忠而務別興衰矣必謂天壞不支自古無中興之君乎衰運不補

自古無持危之臣乎○宋史藝文志趙震探春秋類論四十卷朱竹垞經義

困學紀聞注 卷六

考云伏授王氏困學紀聞載趙氏類論一條云云即原注所引是也其趙氏

劉文公合諸侯于召陵及臯鼫將長蔡於衛衛侯使

祝佗私於葺宏乃長衛侯於盟定四考之春秋是年

三月會于召陵蔡侯已在衛侯之上矣五月盟于

臯鼫不序諸侯經無長衛之文傳未足信也閻按盟

與會不

同盟較會之次為重傳固云乃長衛侯於盟非會也會在召陵蔡在衛上盟

在臯鼫衛則在蔡上異地復異事王氏于此折會未精○全云宋號二盟皆

是楚先于晉而經仍以晉先楚蓋亦晉長于會而楚長於盟故宋公兼享晉

楚之大夫仍是趙孟為客可證也左氏以為先有信則妄矣○方樸山云閻

按得之○元圻案唐二十八年經正義曰會之班次以國大小為序及其盟

也王官臨之異姓為後故載書之次與叔其母弟也猶先葺宏說衛祝佗

言於葺宏曰踐上之盟衛成公不在與叔其母弟也猶先葺宏說衛祝佗

乃長衛侯于盟如彼傳文則踐上召陵二盟衛皆先蔡而經書諸侯之序二

會皆蔡在衛先者釋例曰周之宗盟異姓為後故踐上載書齊宋雖大降於

會蔡在衛上時國次之至盟乃正其高下者敬恭明神本其始也是言盟會

異次之衛也閻氏之說本此

韓詩外傳第八卷受命者必以其祖命之孔子爲魯司寇

命之日宋公之子弗甫何孫魯孔某命爾爲司寇

原注古重世族故命必以祖○元圻案常武之詩曰王命卿士南仲太祖太師皇父亦此意

文選補亡詩蕩蕩夷庚案李善注引王隱晉書曰東晉字廣微嘗覽古詩惜其不備故作詩以補之李

善注夷常也引毛傳辯亡論旋皇輿於夷庚李善注孫盛曰陸機著辨亡論

辯吳之所以亡也論注引繁欽辨惑吳人以船楫爲輿

馬以巨海爲夷庚庚者藏車之所注又引臧榮緒晉書曰司徒王謐議曰夷庚未

入皇輿旋節愚按左傳成十八年披其地以塞夷庚正義

謂平道也二字出於此選注誤集證按李周翰補亡詩注夷庚平也蕩蕩平道萬物從

同之而生也呂延濟辯亡論注皇輿帝車也夷平庚道也五臣注與左傳正義

齊伐晉入孟門襄二十三年孟門山在慈州文城縣林成已

困學紀聞注卷六單九

春秋論謂孟門卽孟津誤矣晉裴秀客京相璠撰

春秋土地名其說多見於水經注閩按胡朏明曰唐文城縣卽今山西平陽府吉

州此孟門則近朝歌杜注以爲晉隘道非也文城河中之石槽山也余禹貢

錐指冀州壺口下辨甚詳集證史記齊太公世上太行入孟門索隱曰

孟門山在朝歌東北隋志春秋土地名三卷晉裴秀客京相璠等撰唐志

同水經第十六穀水條注京相璠與裴司空季彥修晉輿地圖作春秋土地

匠慶謂季文子曰子爲正卿而小君之喪不成不終

君也君長誰受其咎襄四年呂文靖全云呂申公夷簡於李辰妃

之喪其意本於此元圻案李辰妃仁宗生母也王鞏聞見近錄曰李太后薨未發喪將以如禮葬之執對曰呂文

靖留身曰昨夕聞有宮嬪薨章獻皇后卽引仁宗起過屏後獨坐簾下曰相

公欲聞謀人家子母耶文靖曰陛下爲劉氏血食計則早正典禮后默不語

遂過於皇儀殿以后禮葬之及章獻上仙間言不久者文靖力也又曰仁宗

初撤簾聽政一日遽出請奉仙寺發李后棺視之其顏如生上勦而後改卜

由是羣疑悉亡

衛公叔發

見襄十九年

注謂公叔文子論語孔注作公孫拔

集注云公孫枝蓋傳寫之誤

闕按鄭氏注植弓亦云名拔或作發集證按後漢吳良傳注

亦引作公孫枝○元圻案錢氏養新錄曰予嘗見倪士毅四書輯說載朱文公論語注曰公叔文子衛大夫公孫枝也又引吳氏桂曰披皮入反俗本作枝誤乃知今所行集註本非考亭之舊厚齋所見亦是謬本

史記仲尼弟子顏高字子驕

見仲尼弟子列傳

定八年傳公侵

齊門於陽州士皆坐列曰顏高之弓六鈞皆取而

傳觀之陽州人出顏高奪人弱弓籍邱子鉏擊之

與一人俱斃豈卽斯人與家語弟字作顏刻孔子世

家云過匡顏刻爲僕古者文武同方冉有用矛樊

遲爲右哀子有若與微虎之宵攻哀年則顏高以挽強

名無足怪也集證顏氏家訓誠兵篇顏氏之先本乎鄒魯仲尼門徒升堂者七十有二顏氏居八人馮春秋之世顏高顏息

困學紀聞注

卷六

五十

顏羽之徒皆一闕夫爾據此顏黃門不以春秋之顏高爲仲尼弟子之顏高也○元圻案全氏經史問答六厚齋考古最嚴獨此條稍未審孔門之顏高少孔子五十歲見於家語然則生於定公之八年陽州之役蓋別是一顏高也史記家語之年多不可信惟是不問其生之年但以其死定公八年斃陽州而何以十四年尙能御孔子以過匡

攻媿跋語用飛矢在上行人在下迂齋引熙寧八年

舊弼韓富文三公之對愚攷春秋釋例曰使以行

言言以接事信令之要於是乎在舉不以怒則刑

不濫刑不濫則兩國之情得通兵有不交而解者

皆行人之勳也是以雖飛矢在上走驛在下原注見正義○

攻媿之言本此原注嘉熙庚子愚試曹開王圖而發策亦用此

爲嘉熙四年庚子故猶試國子監也○元圻案樓氏論攻媿集書魏丞相奉使事實曰隆興二年金以兵壓境右丞相壽春樓氏論攻媿集書魏丞相奉召對授使節敵勢方張事變叵測所謂飛矢在上行人在下而公握節抗議動中事機策動詞直要約遂定迄今三十年邊境晏然厥功茂矣續通鑑

長編二百六十二熙寧八年四月蕭禧之再來上賜韓琦富弼文彥博曾公亮手詔開以待遇之要禦備之方弼言臣歷觀春秋洎讖國時諸侯兩兵已合飛矢在上走使在下其間辨說解釋遂各交綏而退却復盟好者比比皆是蕭禧契丹使臣來請地界者

釋例終篇云稱凡者五十其別四十有九蓋以母弟

二凡其義不異故也隋志有春秋五十凡義疏二

卷

元圻案書錄解題春秋釋例十五卷杜預撰預既為集解別集諸例及地名譜第歷數相與為部凡四十部唐劉蕡為之序春秋釋例久佚

四庫全書從永樂大典錄出案提要曰是書以經之條貫必出於傳傳之義例統歸於凡上倚稱凡者五十其別四十有九皆周公之垂法史書之舊章仲尼因而修之以成一經之通義諸稱不書先書故書不言不稱書曰之類皆所以起新緒發大義謂之變例亦有舊史所不書適合仲尼之意者仲尼即以爲義非互相比較則褒貶不明故別集諸例及地名譜第歷數相與為部先列經傳數條以包通其餘而傳所述之凡繫焉更以己意申之名曰釋例此條所引亦見杜預春秋序正義宣十七年左傳凡太子之弟公在曰公子不在曰弟凡稱弟皆母弟也正義曰此例再言凡者前凡母稱母弟之交適子及妾子之等後凡明書稱弟者皆母弟之義馬氏經史九十九春秋雜記總論曰春秋書法有典策之舊禮全經之通例傳所稱發凡五十是也有一事之變例特起之新義傳所謂書不書稱不稱言不言先書追書故書書曰之類二百八十有五是也經有例而傳無凡者多矣又不

困學紀聞注

卷六

五十一

止五十也又曰聖人之作春秋也有依凡之例有違凡之例有舊史之例有參酌衆國之例有二三百餘年之例有一時一事特起之例有人所共見之例有大義違疑聖心獨斷之例云云分晰最爲精審文多不能全載

魏絳曰靡自有禹氏收二國之燼以滅泥而立少康

於王室如此考其本末乃事相非羿也豈有夏之

忠臣而肯事羿者哉張宣公曰若靡可謂忠之盛

者矣

閻按靡於后羿被殺後始奔有禹氏故曰曾事羿註非無因全云夷羿雖篡帝相仍居商邱泥築算又二十年始滅靡前此仍事相至

此始奔有禹凡竹書所言皆不足信而此條較左氏爲嚴以其情事當如此也若相在而靡已享爵尚得爲忠乎閻說非也然閻亦專據左氏而說耳

方棧山曰常山顏紫卿初亦迎祿山衣紫袍後乃倡義亦何嫌也○元圻案帝上世紀曰初夏之貴臣曰靡事羿羿死逃於有禹氏收謝時二國餘燼殺

寒浞立少康與杜注同張南軒答李叔文書曰邵康節皇極經世以寒浞滅相係于王貴少康克復舊物乃在癸未凡四十四年方少康在襁褓而夏

之臣靡固有滅寒浞而立之心經營許久乃遂其志若靡者可謂忠之盛者矣

師曠驟歌北風又歌南風琴服氏注北風無射夾鍾

以北南風姑洗南呂以南律是候氣之管氣則風

也元圻案服注云云見周禮二十三正義無射夾鍾作夾鍾無射襄十八年杜注歌者吹律以詠八風南風音微故曰不競也師曠唯歌南北風

者聽晉楚之強弱正義曰律呂雖有十二其風有八八風者乾風不周坎風

廣莫良風調靈風明庶風清呂雖有十二其風有八八風者乾風不周坎風

先有音曲摠吹律呂以詠八方音曲今師曠以律呂歌南風首曲南風音微

不與律聲相應故云不競服虔以為卯酉以北律呂為北風以南為南風與

杜八風義違蓋即指周禮疏所引之說也周禮疏但口注云不著名氏厚齋

因左傳正義而知為服氏注服氏注疾讒之鼎明堂位所云崇鼎是

也一云讒地名禹鑄九鼎於甘讒之地故曰讒鼎

正義謂二說無據愚考韓子說林曰齊伐魯索讒

鼎魯以其賈往齊人曰賈也魯人曰真也齊曰使

樂正子春來吾將聽子見說林新序呂氏春秋皆曰

困學紀聞注卷六五三

岑鼎蕭序節士篇呂覽季秋紀審已篇紀岑鼎二字音相近然

則讒鼎魯鼎也明堂位魯有崇鼎服注不為無據

繼序按廣韻冬侵二部古音相通故崇讒岑可轉為其收崇入東部收讒入

咸者誤也謂之鄭志以明兄弟之倫謂之宋志以正君臣之分

元圻案歷元年左傳書曰鄭伯克段于鄆段不弟故不言弟如二君故曰克

稱鄭伯譏失教也謂之鄭志不計出奔難之也襄元年左傳春己亥罔宋

彭城非宋地追書也於是為宋未言石故稱宋且不登叛人也謂之宋志杜

注城十八年楚取彭城以封魚石故曰非宋地夫子治春秋追書繫之宋登

成也不與其專邑疾君故使彭城還繫宋宋人取長葛歷六經以為冬傳以為秋劉原父謂左氏

雜取諸侯史策有用夏正者有用周正者元圻案原父說見春秋權

衡朱子跋李少牌陸說石林葉氏考左傳所記祭足取麥穀鄧來朝三事

以為經傳所記有句差兩月者是經用周正而傳取國史直自周夏正者失

於更改也日知錄四隱公三年夏四月鄭祭足帥師取溫之麥秋又取成

周之禾若以為周正則麥禾皆未熟四年秋諸侯之師敗鄭徒兵取其禾而

還亦在九月之上是夏正六月未亦未熟注云取者盡芟踐之終是可疑按傳中雜取三正多有錯誤左氏踴發其例於隱之元年曰春王周正月而閏有失於改定者支多事繁同著書之君子所不能免也

公羊疏左氏先著竹帛故漢時謂之古學公羊漢世

乃與故謂之今學

何云以其中經古文故謂之古學公羊家已行於世以今文教授故謂之今學楊氏疏謬矣

是以五經異義云

全云許叔重作

古者春秋左氏說今者春

秋公羊說鄭衆作長義十九條十七事論公羊之

短左氏之長賈逵作長義四十條云公羊理短左

氏理長

以上俱見何休公羊傳序文正義

魏鍾繇謂左氏為太官公羊

為賣餅家

元圻案後漢書儒林傳許慎曰五經傳說臧否不同於是撰為五經異義又鄭與傅子衆字仲師年十二從父受左氏春秋作春秋難記條例受詔作春秋刪十九篇又賈逵傳字景伯尤明左氏傳國語為之解詁五十一篇上疏獻之肅宗立特好古文尚書左氏傳詔逵入講帝善逵說使出左氏傳大義長於二傳逵於是具條餘之曰臣謹擲出左氏三十事尤者斯皆君臣之正義父子之紀綱其餘同公羊者什有七

困學紀聞注 卷六

五三

八至如祭仲純季任子百叔衛之屬左氏義深於君父公羊多任於權輿其相殊絕固已甚遠 三國志魏裴潛傳注魏畧嚴幹特善春秋公羊司隸鍾繇不奸公羊而好左氏謂左氏為太官而謂公羊為賣餅家故數與幹辯折長短 隋書經籍志一春秋左氏長經二十卷漢侍中賈逵章句○集證按太官北堂書抄引魏略作太官厨

權載之

全云文公德輿字

問左氏云夏五之闕

桓十四年

艮八之占

襄九年

名對也

元圻案唐書權德輿傳字載之未冠以文章稱諸儒間德宗問其材召為太常博士自太常卿拜試明經尚書同中書門下平章事諡曰文 四庫全書目錄權文公集十卷 試明經策問曰夏五之闕雖繫月而何嫌艮八之占於兼山為何義 襄九年傳註曰連山歸藏二易皆以七八為占故言遇艮之八正義曰遇八謂艮之第二爻不變者是也

史趙曰自幕至于瞽瞍無違命舜重之以明德寅德

於遂

昭八年

魯語幕能帥顛頊者也有虞氏報焉韋昭

注云幕舜之後虞思也為夏諸侯鄭語虞幕能聽

協風以成樂物生者也注亦以為舜後虞思按左

氏則幕在瞽瞍之先非虞思也

聞按金仁山前編亦辨舜出於虞慕祖顛項不祖黃帝之

說頗悉○元折案金仁山前編曰考之於書曰熈于虞是虞項有國之稱也參之國語史伯之言曰成天地之大功者其子孫未嘗不章虞夏商周是也虞慕能聽協風以成樂物生者也夏禹能平水土以品處庶類者也商契能和合五教以保於百姓者也周棄能播殖穀蔬以衣食民人者也其後皆為王公侯伯夫以虞慕並稷契而言則慕為有功始封之君虞為有國之號而舜所自出以夫以虞慕也攷之左氏史趙之言曰黃帝之子瞽瞍無違倫舜重之以明德夫自慕至于瞽瞍則非自黃帝其言曰顛顛顛顛顛顛康勾皇橋牛以至瞽瞍也 楊升菴集羅泌云嘗見漢劉耽所書呂梁碑序虞舜之世曰舜祖幕生窮蟬窮蟬生敬康敬康生喬牛喬牛生瞽瞍質之史記蓋同

穆有塗山之會

昭四年

注在壽春東北說文山

禽會稽山部

一曰九江當禽也民以辛壬癸甲嫁娶按漢地理

志九江郡當塗應劭注禹所娶塗山侯國有禹虛

蘇鶚演義謂宣州當塗誤也東晉以淮南當塗流

民寓居于湖僑立當塗縣以治之唐屬宣州

集證唐志宣州

困學紀聞注

卷六

五高

宣城郡當塗武德二年以縣

漢之當塗乃今濠州鍾離也

圻

置南豫州八年州廢來屬

萊吳仁傑兩漢刊誤補遺十勝撫傳徐風築城于當塗山中注今宣州當塗

縣山蘇鶚演義云塗山有四一會稽二滄州三濠州四會山國禹娶之今宣

州當塗也仁傑按書正義引左傳解云塗山在壽春縣則禹娶會山非宜之

當塗縣隸太平州按國經無所謂塗山者則四塗山之說亦不審范蔚宗

自于郡國志當塗注云徐鳳反于此章懷太子不悟何也蘇文忠濠州七絕

有塗山詩云惟蘇已入黃龍廟烏鵲猶朝禹會村自注云下有禹廟山前有

禹會村又云仁傑按有兩當塗縣一在九江一在宣州九江之當塗以塗山

得名故城在唐屬濠州是也宣之當塗則晉成帝時以當塗流人過江在于

湖者僑立為當塗縣大業十年屬宣州是也宣之當塗晉成帝始置東郡回

未之有

季平子卒陽虎將以璜璠歛仲梁懷弗與

定五年

呂氏春

秋云孔子徑庭而趨歷級而上曰以寶玉收譬之

猶暴骸中原也

案呂覽孟冬紀安死篇魯季孫有喪孔子徑而之入門而左從容也主人以璜璠收孔子徑庭而趨云云

高誘注喪季平子意如之喪也

說文

玉部璠字注

云孔子曰美哉璜璠遠而望

之奘若也近而視之瑟若也一則理勝二則孚勝

初學記類五引逸論語曰璠瑒魯之寶玉也原註下與說文同

其卽季孫之事歟

范武子之德本於家事治襄二十七年宣子不能守家法乃

縱女祁之惡信子鞅之讒鋼逐欒盈幾危晉國襄二十二年

十一 忝厥祖矣再傳而吉射亡定公十年宜哉元圻案孝經曰家事理故治可

移於官

子周公之孫也多饗大利猶思不義哀十五年子贛之責公

孫成也劉歆亦少愧哉全云此為趙孟博輩殺袁錡以降元而

下恐誤今改入本條 厚齋挽袁進士發詩云天柱不可折柱折勢莫撐九鼎不可覆鼎覆人莫扛袁公烈丈夫獨立東南方欲以一己力代國相頓顛適遭宋祥移恥為不義朕奮然抱志起誓欲掃攬槍拔劍突前麾手回日月光賊勢愈猖獗山摧失忠良嗚呼絕倫志不得驕才長妻孥恐從溺枯骨誰為襄忠烈動天地游魂為國殤山水倍堪悲抱恨徹穹蒼着蒼幸一息庶幾紀星霜西風白楊路哀彼號崇岡解劍挂墓柏泣下沾衣裳惜哉時不利抽

困學紀聞注 卷六

高述悲傷此詩載甬上耆舊詩第二卷

猶秉周禮閔元年齊猶有禮僖三十年觀猶之一字則禮廢久

矣

呂向注雪賦文選謝惠連雪賦曰盈尺則呈瑞於豐年表丈則表沔於陰德曰隱公之時大雪

平地一尺是歲大熟為豐年桓公之時平地廣一

丈以為陽傷陰盛之證按左氏於隱公云平地尺

為大雪不言是歲大熟桓公事無所據其說妄矣

桓八年冬十月雨雪建酉之月而雪未聞其廣一

丈也元圻案書錄解總集類六臣文選六十卷唐工部侍郎呂延祚開元六年表上號五臣集註五臣者常山尉呂延濟都水使者劉承祖男

良處士張銑呂向李周翰也以李善注惟引事不說意義故復為此注後人併與李善原注合為一書名六臣注

柳子晉問魏絳之言近實則公室乃貧按左傳成六

年此乃韓獻子之言

開按東坡石鐘山記魏獻子之歌鐘也獻當作輩何云詩文中散用事有自誤者有因

古人之誤而亦誤者如晉問作魏絳乃出水經注非不記左傳故以示博此又一例也方樸山云朱子註論語夏瑚商璠亦因舊註非不知與明堂位

辰也繼序按包鄭註論語買服杜註左傳皆云夏曰瑚○元圻棠水經六澮水下注曰春秋成公六年晉景公謀去故絳欲居郇瑕韓獻子曰土薄水

淺不如新田有汾澮以流其惡遂居新田四庫全書校本案原本及近刻六年訛作元年晉景公說作悼公韓獻子訛作魏獻子今據左傳改正若如

義門所云豈韓之訛作魏唐時本已然與晁無咎嘗取晉問以續楚辭曰枚乘七發蓋以微諷吳王濞母反晉問亦七蓋效七發以諷時君薄事役而

降道實云

劉勰辨騷班固以為羿澆二姚與左氏不合洪慶善

曰離騷用羿澆等事正與左氏合孟堅所云謂劉

安說耳

元圻棠楚辭卷一離騷經王逸序注班固離騷經章句序云昔在李武博覽古文淮南王安敘離騷傳以國風好色而不淫小

雅怨誅而不亂若離騷者可謂兼之蟬蛻濁穢之中浮游塵埃之外嶄然泥而不滓推此志馳與日月爭光可也斯論似過其真又說五子以失家巷謂

五子胥也及至齊澆少康二姚有妹佚女皆以所識有所增損然猶未得其正也故博采經書傳記本文以為之解文心雕龍辨騷篇曰昔漢武愛騷

困學紀聞注 卷六

五十六

而淮南作傳以為國風好色而不淫小雅怨誅而不亂若離騷者可謂兼之班固以為露才揚己忿懣沈江羿澆二姚與左氏不合崑崙元圃非經義所

載書錄解題楚辭類楚辭十七卷漢護都水使者光祿大夫劉向集後漢校書郎南郡王逸叔師注知饒州曲阿洪興祖慶善補注逸之注雖未能盡

善而自淮南王安以下為訓傳者今不復存其目僅見於隋唐志獨逸注幸而尚傳與祖從而補之於是訓詁名物詳矣此條所引洪慶善語見楚辭

卷一辨騷注

列子載隨會知政羣盜奔秦趙襄子勝翟有憂色皆

格言也而謂隨會時有趙文子又謂孔子聞襄子

之言其先後差鬪凡諸子紀事若此者眾

方樸山云此則不必辨

說苑蓋說載祁奚救叔向以藥盈為樂達閻按藥盈

史記作藥避惠帝諱也樂達二字乃樂暹傳寫之訛非說苑本然

范宣子為何云蓋得之傳聞不見史冊故耳范宣子為

范桓子皆誤元圻棠列子說符篇晉國晉盜有祁奚者能視盜之貌察其眉睫之間而得其情晉侯使視盜千百無遺一焉

晉侯喜告趙文子文子曰吾君特伺察而得盜盜不盡矣且祁奚不得其死焉俄而羣盜謀曰吾所窮者祁奚也遂共盜而殺之晉侯聞之大駭立召文

子而告之曰果如子言却雍死矣然取盜何方文子曰周諺有言察見淵魚者不祥智料隱匿者有殃且君欲無盜莫若舉賢而任之而教明於上化行於下民有恥心則何盜之爲於是用隨會知政而羣盜奔秦又趙襄子使鄒奔穆子攻翟勝之取左人中人使遠人來謂之襄子曰夫江河之大也不過三日飄風暴雨不終朝日中不須臾今趙氏之德行無所施於積一朝而兩城下亡其及我哉孔子聞之曰趙氏其昌乎夫愛所以爲昌也喜者所以爲亡也勝非其難者而賢主以此持勝故其福及後世齊楚吳越皆常勝矣然卒取亡焉不達乎持勝也唯有道之主爲能持勝士會繼趙盾爲政在晉景公七年趙文子乃盾之曾孫相去幾八十年孔子卒於周敬王四十四年元王元年趙襄子始立

攷古編謂歐陽公論二帝三王世次差舛發端於杜

佑通典

案今本攷古編無此語

按釋例世族譜已有此疑則發端

乃杜預也

問按曹魏時博士張融雖王肅亦以五帝非黃帝子孫相續次者又前於預○元圻案通典四十二吉禮夏后氏禘黃帝而郊鄭注司馬遷五帝本紀云舜則黃帝九代孫嚳之曾孫禹帝元孫計不合如此之差懸恐馬遷之誤 歐陽公帝王世次圖序曰遷所作本紀出於大戴禮世本諸書今因其說圖而考之堯舜夏商周出於黃帝堯之崩也下傳其四世孫舜舜之崩也復上傳其四世祖禹而舜禹皆壽百歲稷契於

困學紀聞注

卷六

五七

高辛爲子乃同父異母之兄弟今以其世次而下之湯與王季同世湯下傳十六世而爲紂王季下傳一世而爲文王二世而爲武王是文王以十五世祖臣事十五世孫紂而武王以十四世祖伐十世孫而代之王何其謬哉 文十八年正義世族譜取史記之說又從而譏之云按無則舜之五世從祖父也而及舜共爲堯臣堯則舜之三從高祖而妻其女此史記之可疑者 案今本世族譜無此文 四庫全書總目子部雜家類考古編十卷宋程大昌撰論經義異同史傳繆誤多所訂證

雍熙中

太宗九年 改元雍熙

校九經史館有宋臧榮緒梁岑之敬

所校左傳諸儒引以爲證孔維謂不可按據杜鎬

引正觀勅以經籍訛舛由五胡之亂學士多南遷

中國經術浸微今並以六朝舊本爲證持以詰維

維不能對

原注見談苑 全云楊文公億作

太平興國

太宗初 元年號

中校漢書

安德裕取西域傳山川名號字之古者改附近人

集語錢熙謂人曰予於此書特經師授皆有訓說

豈可胸臆塗竄以合詞章

原注見晏元獻公書 案此晏殊答樞密范純事書 見宋文鑑

百一 觀鐫熙之言則經史校讎不可以臆見定也

閣按

齊武帝賜晉安王子懋以杜預手所定左傳梁蕭琛得三輔相傳班固真本漢書此二書當更奇

何云月靖康亂後北學益衰○元圻案書錄解題小說家類談苑十五卷丞相宋庠公序所錄楊文公復元論初文公里人黃鑑從公游蔡其異聞奇說名南陽談叢宋公嗣其重復分為二十一門改曰談苑

南齊書高逸傳城樂緒東莞昔人也博愛五經謂人曰昔呂尚奉丹書武王致齋降位李釋教誠並有禮敬之儀因甄明至道乃著拜五經序論書以宜尼生庚子日陳五經拜之自號被褐先生傳言太祖書揚州徵榮緒為

主簿不到庚宋人而隱於齊者故王氏仍以宋係之 陳書文學傳榮緒為字思禮南陽棘陽人也年十六策春秋左氏制旨孝經義擢為高第 南齊書武十七王傳晉安王子懋字雲昌世祖第七子也撰春秋句苑三十卷世

祖曰始汝嘗以讀書在心足為深次也賜杜預手所定左傳及古今漢書序傳僧曰三輔舊老相傳以為班固真本探固求之其實多有異今者

孔維字為則開封雍邱人九經及第淳化初官工部侍郎受詔校五經疏義 杜鎬字文周無錫人博貫經史舉明經解褐集賢校理歷官工禮二部侍郎

安德 裕字益之一字師早河南人開寶三年登甲科至道中知睦州還判太府寺 錢熙字大雅泉州南安人善屬文李昉深加賞重為之延舉令

與子宗壽游遂登甲科

困學紀聞注 卷六

五

前輩學識日新日進東坡詠三良其和淵明者與在

鳳翔時所作

何云鳳翔所 作本之康成

孫敖二子及續說則謂宗子有君道趙宣子使史

駢送賈季帑則謂古人風俗尚厚博議非是可以

見進德修業之功

集證魏慶之詩人玉屑昔之詠三良詩有王仲宣曹子建陶淵明柳子厚皆無一語辨其非是

者惟坡公和陶云殺身故有道大節要不虧君為社稷死我則同其歸顯命有治亂臣子得從遂魏穎直孝愛三良安足希審如是言則三良不能無罪

東坡一篇冠絕千古若溪漁隱云東坡秦穆公墓詩意全與和三良詩意相反蓋是少年時議論如此至其晚年所見益高超人意表此揚雄所以悔少

作也○元圻案文選曹植三良詩秦穆先下世三良皆自殘王粲說史詩秦穆之死焉得不相隨注劉德漢書注曰黃鳥之詩刺秦穆公娶之從死秦

風黃鳥序黃鳥哀三良也國人刺穆公昔公生不誅孟明豈有死之日而忍用其良乃知三子殉公意亦如齊之二子從田橫蓋從自發之說 四庫全書題目

春秋左氏傳續說十二卷宋呂祖謙撰是編繼左氏傳說而作以補所未及故謂之續說久無傳本今見於永樂大典者以傳文次第排比之猶可成賦

其中如史駢送狐射姑之帑孟獻子愛公孫敖二子兩條俱以博議所為

非是則是書當成於晚年矣 呂成公左氏傳續說卷五文六年盡具其祭
遣與駢送狐射姑之祭全不盡蓋人風俗尚厚却不知此又皆六文十六
年孟獻子愛穆伯二子條云獻子告季文子亦已信之矣二子皆死亦自愧
不安而死孟獻子正是宗子宗子有君道博議所論此事非是

齊晉楚之霸皆先服鄭范雎李斯之謀皆先攻韓蓋

虎牢之險天下之樞也在號曰制在鄭曰虎牢在

韓曰成臯號叔恃險而鄭取之鄭不能守而韓滅

之韓又不監而秦并之秦之亡也漢楚爭之在德

不在險佳兵者好還信夫

夫按戰國策三晉既破智氏將分其地段現曰分地必取成臯韓王曰成

臯石溜之地也無所用之段規曰不然臣取百里之厚而動千里之樞者地
利也王用臣言則韓必取鄭矣王曰善果取成臯是成臯不待鄭亡而久入
晉矣○元圻案莊公二十七年為齊桓之十九年同盟于幽陳鄭服也僖公
二十九年晉文公盟諸侯于翟泉謀伐鄭也文公十四年為楚莊王之二年
同盟于新城從于楚者服注從楚者陳鄭宋 戰國策范雎曰秦韓之地形
相錯如錯秦之有韓若木之有蠶人之病心腹天下有變為秦害者莫大於

困學紀聞注 卷六

五九

韓王曰寡人欲收韓韓不聽為之奈何范雎曰舉兵而攻榮陽則成臯之路
不通北斯太行之道則上黨之兵不下一舉而攻宜陽則其國斷而為三韓
兄必亡焉得不聽韓聽而霸事可成也 史記始皇本紀李斯因說秦王請
先取韓以恐他國於是使斯下韓 范雎曰今韓魏中國之處而天下之樞
也 漢書地理志成臯故虎牢亦名制在傳所謂巖色也正義括地志云成
臯故縣在洛州汜水縣西南汜音似 鄭語史伯謂鄭色也曰子豈不許周
檜為大號叔恃勢檜仲恃險君若以周難之故而寄帑與賄焉不致不許周
亂而弊是驕而貪必將背君君若以成周之眾奉辭伐罪無不克矣 史記
韓世家哀侯二年滅鄭因徙都鄭 秦始皇本紀十七年內史騰攻韓得韓
王安盡納其地以其地為郡 項羽本紀漢王則引兵渡河復取成臯 吳起傳
逃楚遂拔成臯項王乃自東擊彭越起漢王則引兵渡河復取成臯 吳起傳
武侯浮西河而下中流顧而謂吳起曰美哉山河之固此魏國之寶也起對
曰在德不在險 老子曰以道佐人主者不以兵強天下其事好還又曰夫
佳兵者不祥物或惡之

欲治國者先齊家家之不齊莫甚於魯衛觀詩可見

已衛不足言也魯自括戲之爭而桓宣皆篡兄矣

自文姜之亂而哀姜襲其跡矣自成風事季友

哀姜

成風事俱見閔二年而敬嬴事襄仲矣 何云內言不踰闕成風閔季友之繇而事之非家法也然宋儒不察文義

遂使與共仲通於哀姜同科則誣古良臣矣襄仲雖有弑君之大惡亦非忝于敬贏也全云厚齋亦未嘗指爲忝淫也家法不修

故曰魯衛之政兄弟也然衛多君子魯無君子者

斯焉取斯風化猶燬也畏清議者亦曰何以見魯

衛之士哀十政治雖濁風俗不衰與漢之東都同元

案柳風雄雉苑有苦菓新臺柳風鶴奔序皆以爲刺宣公宣姜也齊風敝笱載馳猗嗟序以爲刺文姜齊襄魯莊也史記魯世家武公九年與長子括

少子戲西朝周宣王王立戲爲魯太子武公歸而卒戲立是爲懿公九年懿

公兄括之子伯御與魯人攻弑懿公隱立伯御爲君伯御卽桓公十一年周宣

王伐魯殺其君伯御立稱是爲孝公隱十一年羽父請殺桓公將以求太

宰公曰爲其少故也吾將授之矣羽父懼反曆公於桓公而請弑之文公十

八年文公二妃敬嬴生宣公敬嬴嬖而私事襄仲襄公長而屬諸襄仲仲殺

惡及視而立宣公

周人以諱事神名終將諱之案桓六年正義曰自殷以往未有諱法諱始於周方模山云以諱

事神名終將諱之釋文從名字句絕曲禮注云生者不相辟名衛侯名惡

大夫有石惡君臣同名春秋不非昭七年衛侯惡卒穀梁傳曰鄉曰衛齊惡今日

困學紀聞注卷六

衛侯惡此何爲君臣同名也君子不奪人名不奪人親之所名重其所以來

也疏曰其並存者則不諱若卒哭而後無容得斥君名蓋捨名而稱字耳

理道要訣云自古至商子孫不諱祖父之名周制

方諱原注夷狄皆無諱漢宣帝三詔曰古天子之名難知而

易諱也其更諱詢則生而稱諱矣何云生而稱諱自漢宣始博議謂

名子者當爲孫地出顏氏家訓風操篇閭按孔疏引熊氏曰石字誤當作名字蓋大夫

有名惡者謂齊惡非石惡也

河圖曰崑山出五色流水其白水入中國名爲河集證

引見後漢張衡傳注故晉文公投璧于河曰有如白水傳二十四何云此不足憑宏詞入俗習如此三箋載閻云崑山下當有崑字有如白水卽有如峻日也集證御覽六十一引山海經曰崑崙山縱橫萬里高萬一千里去崑山五萬里有青河白河赤河黑河環其墟其白水出東北取曲向東南流爲中國河百里一小曲千里一大曲狐偃曰求諸侯莫如勤王傳二十苟彀以此勸曹操迎

獻帝

原注或之言曰晉文公納周襄王而諸侯景從 景從 秦荀或語見通鑑漢獻建安元年

豈誠於為義者

故曰譎而不正淮南之書謂晉文得之乎閨內失

之乎境外繆稱非也辰嬴之事信二十三年閨內之法安在

哉詩如衛風木瓜猶美齊桓而唐風不錄晉文亦

以是夫元坊案詩序木瓜美齊桓公也衛有狄人之敗桓公救而封之衛人欲厚報之而作是詩也 宋王皙春秋皇綱論齊桓之定

太子也不欲使惠王廢嫡庶之正是其本志故仲尼謂之一正天下首止之

會是也晉文公之迎襄王也藉以求諸侯信義之名非其至誠而狐偃勸以

繼文之業王城之師是也以其不本尊王之義故謂之譎而不正

介子推曰身將隱焉用文之信二十四年君子之潛也名不

可得聞先儒謂召平高於四皓何云召平嘗事秦晚年失侯為漢相客惡得賢○宋

召平高於四皓集證按廣韻十六蒸應字下云漢有侯不至時人語曰南山四皓不如淮陽一老應劭其八代孫也召平當以應

耀易之○元坊案胡致堂讀史管見五議者以郭泰申屠蟠不罹黨錮之禍

困學紀聞注 卷六 比肩而譽之愚謂有道固賢矣而名在八顧未若蟠之以不見成德也及董卓擅朝收召名士崇營苟爽陳紀韓融皆卓暴戾無敢不至而蟠獨從容

高臥竟以不屈其用晦如愚風度高且遠矣

邵子觀物內篇四曰修夫聖者秦穆之謂也蓋取其悔過自

誓胡文定謂文四年見伐不報始能踐自誓之言

矣尸子稱穆公明於聽獄斷刑之日揖士大夫曰

寡人不敏北堂書抄不敏下有教不至三字使民入於刑寡人與有戾

焉二三子各據爾官無使民困於刑集證引見御覽六百三十六此

雖大禹之泣辜無以過以此坊民猶有立威於棄

灰者閻按嘗謂秦穆公曰其君實惡其民何罪楚共王曰其自為謀也則過矣其為吾先君謀也則忠大哉二君之言可為萬世法○元坊案

秋南到計於蒼梧而見縛入禹拊其背而哭曰天下有道民不罷辜天下無道罪及善人此吾德薄不能化民證也 韓非子仲尼說閭甯而殷法刑棄

灰說苑秦法棄灰於道者刑

楚之興也，筭路藍縷。

宣十二年

其衰也，翠被豹舄。

昭十二年

國家之

興衰視其儉侈而已。

全云此有感於南宋湖山之華綺。

樂王鮒毀叔向。

襄二十一年

以平公不好賢也。梁邱據不毀

晏子，以景公好賢也。二臣皆從君者，易地則皆然。

原注劉貢父詩云

顧子曰：昔梁邱據之諫景公也，於房晏嬰

之諫景公也，於朝然晏嬰之忠著於竹素。梁邱之

伎子，今不絕。

原注顧夷義訓唐志在儒家集證引見御覽四百五十七

梁邱據豈能諫景

公哉斯言繆矣。

全云梁邱據果能諫於房亦何佞之有集證隋志儒家顧子十卷晉陽州主簿顧夷撰之

劉文集公非集祇存詩四首公是集有雜詩一首云齊有梁邱據晉有樂王鮒據能憂晏嬰鮒能讓叔譽二臣變兩朝事君為悅豫景有尚賢志據逆以為助平失宥善心鮒乃速其去母以據為賢易地則同起或本貢父詩而誤入原父集中近得四庫全書所輯公是集五言古詩多至十二卷獨不載是詩其為貢父作無疑

困學紀聞注 卷六

或求名而不得，如向戌欲以弭兵為名而宋之盟其

名不列焉。

襄二十七年

或欲蓋而名章如趙盾僞出奔二

年胡傳是盾僞出而實與聞乎故也

崔杼殺太史。

襄二十五年

將以蓋弑君之惡

而其惡益著焉。推此類言之，可見謹嚴之法求名

非謂齊豹名章不止三叛也。

元圻案杜預春秋之何卿皆書其名氏勸善求名而亡欲蓋而章書齊豹盜三叛人名之類是也正義曰齊豹衛國之卿春秋之何卿皆書其名氏齊豹魯衛侯之兄起而殺之欲求不畏鬪禦之名春秋抑之書曰盜盜者賤人有罪之稱也郊庶其黑肱莒牟夷二人皆小國之臣並非命卿其名於例不合見經竊地出奔求食而已不欲求其名聞故書其名使惡名不滅

孫卻論春秋無賢臣蓋諸侯不知有王其臣不能正

君以尊王室。此孟子所以卑管晏也。

全云孫卻唐未拾遺吾鄉前輩也春秋無賢臣論以見當時藩府諸臣之無心王室集證見氏讀書志四孫卻文纂一卷唐孫卻字希韓四明人乾寧四年進士好荀孟揚之書慕韓愈舊四十卷浙江志孫卻奉化人唐末為左拾遺朱溫篡唐著春秋無賢臣論一卷即超然肥遁著書紀年悉用甲子以示不臣之義○元圻案孫卻春秋無賢臣

元圻案杜預春秋之何卿皆書其名氏勸善求名而亡欲蓋而章書齊豹盜三叛人名之類是也正義曰齊豹衛國之卿春秋之何卿皆書其名氏齊豹魯衛侯之兄起而殺之欲求不畏鬪禦之名春秋抑之書曰盜盜者賤人有罪之稱也郊庶其黑肱莒牟夷二人皆小國之臣並非命卿其名於例不合見經竊地出奔求食而已不欲求其名聞故書其名使惡名不滅

全云孫卻唐未拾遺吾鄉前輩也春秋無賢臣論以見當時藩府諸臣之無心王室集證見氏讀書志四孫卻文纂一卷唐孫卻字希韓四明人乾寧四年進士好荀孟揚之書慕韓愈舊四十卷浙江志孫卻奉化人唐末為左拾遺朱溫篡唐著春秋無賢臣論一卷即超然肥遁著書紀年悉用甲子以示不臣之義○元圻案孫卻春秋無賢臣

元圻案杜預春秋之何卿皆書其名氏勸善求名而亡欲蓋而章書齊豹盜三叛人名之類是也正義曰齊豹衛國之卿春秋之何卿皆書其名氏齊豹魯衛侯之兄起而殺之欲求不畏鬪禦之名春秋抑之書曰盜盜者賤人有罪之稱也郊庶其黑肱莒牟夷二人皆小國之臣並非命卿其名於例不合見經竊地出奔求食而已不欲求其名聞故書其名使惡名不滅

全云孫卻唐未拾遺吾鄉前輩也春秋無賢臣論以見當時藩府諸臣之無心王室集證見氏讀書志四孫卻文纂一卷唐孫卻字希韓四明人乾寧四年進士好荀孟揚之書慕韓愈舊四十卷浙江志孫卻奉化人唐末為左拾遺朱溫篡唐著春秋無賢臣論一卷即超然肥遁著書紀年悉用甲子以示不臣之義○元圻案孫卻春秋無賢臣

全云孫卻唐未拾遺吾鄉前輩也春秋無賢臣論以見當時藩府諸臣之無心王室集證見氏讀書志四孫卻文纂一卷唐孫卻字希韓四明人乾寧四年進士好荀孟揚之書慕韓愈舊四十卷浙江志孫卻奉化人唐末為左拾遺朱溫篡唐著春秋無賢臣論一卷即超然肥遁著書紀年悉用甲子以示不臣之義○元圻案孫卻春秋無賢臣

論曰辟臣於諸侯君父也諸侯於周王亦君父也陪臣於周義猶大父也今春秋陪臣張公室侵王室弱周以強諸侯是弱祖而強父佐諸侯而敵周是佐父而敵祖遂使姬周削弱祀號而已桓文雖以爲霸何能正之反有封禪請隧之僭管晏雖有其功何能諫之而有反玷毀孔之惡於是風教大壞海內焚如人不堪命何耶無賢臣也

周之替也自原伯魯之不說學昭十年秦之亡也自子楚

之不習誦元圻案呂成公大事記周赧王五十八年十二月秦質子異

其狀高其智曰吾楚人也而自子之乃變其名曰楚王使子誦子曰少棄捐在外嘗無師傅所教學不習於誦王罷之秦之焚書蓋兆于此 隋高祖素不說學亦二世而亡

史墨對趙簡子曰天生季氏以貳魯侯又曰君臣無

常位自古已然昭三十二年簡子在晉猶季氏在魯也史

墨之對其何悖哉張睢陽責尹子奇曰未識人倫

焉知天道闕按張睢陽語以前惟郭璞嘗遇顏含欲爲之益含曰年在天位在人修己而天不與者命也守道而人不知者性也自

困學紀聞注 卷六

有性命無勞善過皆理學精言 尹子奇按通鑑當作令狐潮 元圻案通鑑唐紀肅宗至德元載令狐潮圍張巡于雍邱巡使郎將雷萬春於城上與潮相聞賊弩射之面中六矢而不動潮疑其木人使諜問之乃大驚遂謂巡曰向見雷將軍方知足下軍令矣然其如天道何巡謂之曰君未識人倫焉知天道 張睢陽詩曰不辨風雲色安知天地心思義之至乃欲以人勝天

今天或者大警晉也宣十二年畏而能自修者也雖晉

之疆能違天乎宣十五年怠而不自彊者也

叔向曰楚辟我衷若何效辟昭六年杜注辟邪也哀正也王魏公之於

寇萊公曰不可學他不是集證朱子名臣言行錄引龜山語錄云王魏公在中書寇公在密院中書

偶倒用了印寇公須鈞吏人行遣他日樞密亦用倒了印中書吏人呈覆亦欲行遣公問吏人汝等且道密院當初行遣倒用印者是否曰不是公曰既不是不可學他不是

公山不狃曰君子違不適讎國所託也則隱哀八年斯言

也蓋有聞於君子矣背君父以覆宗國者不狃之

罪人也

全云斯言也為呂文煥劉整范文虎諸人言之○元圻案張天如書宋史紀事本末文謝之死後曰景定以來劉整以瀘州叛

呂文煥以襄陽叛陳奕以貴州叛呂師夔以江州叛范文虎以安慶叛數人者皆宋大將賈似道所親厚也金城湯池社稷所寄一朝反戈魚羊食人入豎招叛為虜前驅呂文福咎萬壽紛起效尤亂莫制矣

齊人歌曰唯其儒書以為二國憂

哀二十一年

春秋之季已

輕儒矣至戰國而淳于髡有賢者無益之譏秦昭

王有儒無益之問末流極于李斯

元圻案荀子儒效篇秦昭王問孫卿子曰儒無

益於人之國孫卿子曰儒者法先王隆禮義謹乎臣子而致貴其上者也

申包胥似張子房天下士也楚破矣請秦師以却吳

定四年

韓亡矣借漢兵以滅秦其相似一也入郢之讎

未報則使越為之謀以滅吳

原注見吳語

韓王成之讎未

報則從漢為之謀以滅項其相似二也楚君既入

困學紀聞注

卷六

字四

而逃賞

定五年

漢業既成而謝事其相似三也自夏靡

之後忠之盛者二子而已然楚國復興

案周敬王十五年楚昭復國歷

十三君至負芻而為秦所滅計二百八十三年

而韓祀不續天也子房之志則伸

矣我思古人唯漢諸葛武侯可以繼之鞠躬盡力

死而後已

此即武侯後出師表語見三國志本傳注

其志一也若梁之王琳唐

之張承業功雖不就抑可以為次矣不當以功之

成否論吁春秋亡國五十二未見其人也遂之四

氏僅能殲齊戍其亡而復存者唯一包胥豈不難

哉太史公傳伍員而不傳包胥非所以勸忠也戰

國策楚莫敖子華曰昔吳與楚戰于柏舉三戰入

郢芟冒勃蘇贏糧潛行上崢山踰深谿蹠穿膝暴

七日而薄秦朝鶴何云閣校作雀疑善本雀字之誤立不轉晝吟宵哭

七日不得告水漿無入口秦遂出草車千乘卒萬人屬之子滿原注左氏作滿與子虎下塞以東與吳人戰於

濁水全云楚無濁水疑是馮水字相近而誤大敗之棼冒勃蘇卽申包胥也

豈棼冒之裔楚之同姓歟嘉定錢氏大昕曰棼者楚之訛冒者昌之訛卽古文申字勃蘇與包胥聲相近○鮑彪戰國策注曰定四年以爲申包胥

吳師道補注曰棼冒卽棼冒卽蘇包胥聲相近淮南修務訓云申

包胥羸糧跣走走疑當作足跋涉谷行上峭山赴深谿游

川水犯津關躡蒙龍歷沙石蹠達膝曾繭重砥七

日七夜至於秦庭鶴時而不食晝吟宵哭面若死

灰顏色徽墨涕洟交集以見秦王亦與子華之言

同所謂莫敖大心深入吳軍而死修務訓吳與楚戰莫當大心撫其御之手曰今

困學紀聞注 卷六 六十五

日距強敵犯白刃蒙矢石戰而身死卒勝民治全我社稷可以庶幾乎遂入不返以左氏考之卽左司馬

戍也見定四年戍者葉公諸梁之父也諸梁定白公之亂

不有其功而老於葉事見哀十六年其聞包胥之風而師法

之歟元圻案張良大父父五世相韓秦滅韓良悉以家財求刺客刺秦王爲韓報仇後從沛公西入武關說以破秦之策事詳史記項羽本紀留侯世家新序昭王復國而賞始於包胥包胥曰韓君安國非爲身也救急

除害非爲名也功成而受賞是賈莫也遂逃賞終身不見史記留侯世家留侯乃稱曰家世相韓及韓滅不愛萬金之賞爲韓報讎強秦天下振耳乃

以三寸舌爲帝者師此布衣之極於良足矣願棄人間事從赤松子游耳乃

學辟穀道引軀身北齊書王琳傳琳字子珩會稽山陰人也梁元爲魏園逼徵琳赴援師次長沙知魏元不江陵已立梁王誓乃爲梁元舉哀三軍縞素

陳霸先推立敬帝以待中司空徵琳不從命魏武陵帝遣將侯安都周文育等

誅琳乃受梁禪逆戰于沌口禽安都文育初魏冠江陵之時永嘉都王年甫

七歲逃匿人家琳迎還湘中及敬帝立出質于齊濟嗣莊爲梁王文宣遣兵

授送拜琳爲梁丞相琳乃遣兄子叔寶赴朝奉莊葉葉祚於郢州及陳霸先

卽位琳乃輔莊次于濡須口陳道吳明徵襲盩城琳遣巴陵太守任忠大敗

之屬陳氏結好於齊使琳更聽後圖陳將吳明徵進兵圍之城陷被殺方

琳故吏朱錫致書陳尙書徐陵求琳首曰梁故建陵公琳當亂離之辰總方

伯之任輕躬殉主以身許國徒總包胥之念終遺長宏之肯五代史宦者

傳張承業字繼先唐僖宗時宦者也晉王病且革以莊宗屬承業曰以亞子累公等莊宗常兄事承業軍國之事皆委承業承業亦盡心不憚天祐十八年莊宗已諾諸將即皇帝位承業方臥病聞之自太原直至魏諫曰大王父子與梁血戰三十年本欲雪國家之讎而復唐之社稷今元兇未滅而遽以尊名自居非王父子之初心且失天下望不可莊宗謝曰此諸將之所欲也承業曰不然梁唐晉之仇賊而天下所共惡也今王誠能為天下大惡復下之深讎然後求唐後而立之使唐之子孫在就承當之使唐無子孫天下之誰可與王爭者臣唐家人一老奴耳誠願見大王之成功然後退身田舍使百官送出洛東門而令路人指而歎曰此本朝敕使先王時監軍也豈不臣主俱榮哉莊宗不聽承業乃仰天大哭曰晉王自取之誤老奴矣不食而卒 班孟堅古今人表有申包胥而無禁冒勃蘇是一人也乃於中下列沈尹戌復於中列莫敖太心則以一人為二人矣

邾文公之知命

文十三年

楚昭王之知天道

哀六年

惠王之知志

將火或中或否子產謂焉知天道

昭十四年

梓慎言魯之

將水昭子曰旱也秋大旱如昭子之言

昭二十四年

亦非

知天者也故聖人以人占天

何云揚子語○元圻案法言五百篇或問聖人占天乎曰占天

困學紀聞注 卷六

五去

景若此則史也何異曰史以天占人重人以人占天 呂氏春秋制業篇末地公時災惑在心子韋曰禍當於君雖然可移於相公曰相所與治國家者也而移死焉不祥子韋曰可移於民公曰民死寡人將誰為君乎韋獨死子韋曰可移於歲公曰歲害則民饑民饑必死為人君而殺其民以自活也其誰以我為君乎是寡人之命固盡已子無復言矣子韋曰君有至德之言三天心三賞君是夕焚惑果徙三舍與邾文公之知命相類 文選張衡思元賦曰愼寵顯以言天兮占水火而妄訊

鉅鹿之於趙宣子

宣二年

沐謙之於司馬楚之誠敬之感

人至矣商君載甲操戟李林甫重關復壁三不亦愚

乎

何云如費禪者又可戒也○元圻案魏書司馬楚之傳楚之晉宣帝弟

楚之待謙甚厚謙夜許疾知楚之必自來因欲殺之楚之聞謙病果自齋湯藥往省之謙感其意乃出匕首於席下以狀告遂委身以事之其推誠信物皆此類也 史記商君列傳趙良曰君之出也後車十乘從車載甲多力而駢脅者為駸乘持矛而操闔戟者為車而趨此一物不具君固不出 唐書竇臣傳林甫自見結怨者眾憂刺客竊發其出入廣驛騎先驅百步傳呼亦衛金吾為清道公卿辟易趨走所居重關復壁絡板敷石一夕再徙家人亦莫知也 三國志蜀費禪傳禪字文偉延熙十五年命禪開府十六年歲首大會魏降人郭循在坐禪歡飲沈醉為循手刃所害

春秋書災異不書祥瑞所以訓寅畏防怠忽也災異

古史官之職何云周官馮相氏保章氏欽于太史小史之後內史外史之前則其職之相關可知矣隕石六

鷁宋襄以問周內史傳十有雲夾日楚昭以問周太

史襄二十六年在漢則太史公掌天官張衡為日官我朝舊

制太史局隸祕書凡天文失度三館皆知之淳熙

孝宗在位十二年改元淳熙中熒惑入斗同修國史李燾類次漢元

鼎至宣和四十五事以進熒惑犯氐祕書丞蔣繼

周言氐者耶也驛傳宜備非常不淹旬都進奏院

災蓋每有星變館吏以片紙錄報故得因事獻言

自景定閩按理宗在位三十六年庚申改元後枋臣閩按枋臣謂賈似道欲抹殺災異

三館遂不復知甲子閩按景定五年彗星宮中見之乃下求

困學紀聞注 卷六

七

言之詔則蒙蔽可見王申閩按度宗咸淳八年地生毛明年失

襄陽災異其可忽哉為人臣不知春秋之義其禍

天下極矣叔輒所以哭日食也閩按馬貴與言古太史所職學者察天文記時政盡

合占候紀載之事以一人司之故其時象緯有變而紀錄無遺○元圻案史記太史公自序曰太史公既掌天官不治民後漢書張衡傳衡字平子南陽西郡人也安帝雅聞衡善術學公車特徵拜郎中再遷為太史令設客問作應問目見其志云有問余者曰吾子性德體道篤信安仁約己博雅無堅

不鑽目思世路斯何遠矣曩滯日官今又原之注日官史官也左傳曰天子有日官宋史李燾傳燾字仁甫眉州丹稜人淳熙十年太史言十一月朔日當食心八分燾係上古今日食是月者三十四事奏曰心天王位其分爲

宋十一月於卦爲復方潛陽時陰氣乘之故此他食爲重非小人害政即敵

人鏡中國玉海三天文書下淳熙十年上熒熒惑嘗入斗李燾言天道遠

惟正人事可以弭災類次漢元鼎至宣和四十五事以進此當是一事而傳

之者互異

宋襄求諸侯而敗于泓傳二十二年楚靈卜得天下而辱於

乾溪昭十三年淮南子諡言曰侯而求霸者必失其侯霸而

求王者必喪其霸

臧孫於魯曰國有人焉

襄二十三年

師慧於宋曰必無人焉

襄五年襄仲於秦曰不有君子其能國乎

襄二十三年

有士五人

晉文所以霸也

昭十三年

有大叔儀有母弟鱄衛獻所以

入也

襄十年

有趙孟有伯瑕有史趙師曠有叔向女齊

晉所以未可媮也

襄三十年

曰子無謂秦無人

文十三年

曰無善

人則國從之

襄二十六年

國之存亡輕重視其人之有無

而已

案東方朔曰得土者強失土者亡梅福曰得土則重失土則輕

舜有臣五人武王有亂

臣十人殷有三仁周有八士之人也始可謂之有

虞有宮之奇項有范增不能有其有矣

史記高祖本紀子房蕭何韓信

此三人者皆人傑也吾能用之此吾所以取天下也項羽有一范增而不能用此其所以為我擒也

魏之窺吳則曰

困學紀聞注

卷六

空

彼有人焉賈生言天下倒懸則曰猶為國有人乎

賈生之語見漢書本傳陳政事疏

此皆以人為盛衰也

何云以賈生之言終之深傷時無王導謝安耳

○元圻案容齋隨筆十三傳曰不有君子其能國乎古之為國言辭抑揚率以有人無人為輕重晉以詐取士會於秦繞朝曰子無謂秦無人我謀適不用也楚子反曰以區區之宋猶有不欺人之臣可以楚而無乎吾受鄭賂鄭師慧曰宋必無人魯盟臧紇之罪紇曰國有人焉賈誼論匈奴之媿侮曰倒懸如此莫之能解猶為國有人乎後之人不能及此然知敵之不可犯猶曰彼有人焉未可圖也一士重於九鼎豈不信然

隱公之大夫多不氏猶可言未命也宋昭公之大夫

多不名則說者不一矣

元圻案宋王哲春秋皇綱論卿書名氏篇隱公之卿多不氏蓋隱公以庶長自

說若同於攝政所用之卿亦不正命皆去族以別之傳曰隱不爵命大夫此據是也 僖二十五年宋殺其大夫左氏無傳杜注曰其事未聞於例為大夫無罪故不稱名公羊傳曰宋三世無大夫三世內娶也穀梁傳曰其不稱名姓以其在祖之位尊之也文七年宋人殺其大夫左傳曰不稱名衆也且言非其罪也公羊傳曰何以不名宋三世無大夫三世內娶也穀梁傳曰稱人以殺誅有罪也文八年宋殺其大夫司馬宋司城來奔左傳曰司馬握節

以死故諱以官司馬蕩意諸來奔效節於府人而出亦書以官皆貴之也正義曰死者不稱名無罪故也公羊傳曰司馬者何司城者何皆官舉也曷為

皆官舉宋三世無大夫三世內娶也穀梁傳曰司馬官也司城官也其以官稱無君之辭也三傳之說已不同如此至宋儒或各從一傳或各自為說不可殫述矣王氏論而不斷蓋闕疑之意

春秋誅亂臣賊子左氏謂稱君君無道也宣四年穀梁謂

稱國以弑其君君惡甚矣成八年安定先生曰是啟亂

臣賊子之言也其為害教大矣元圻案宣公四年夏六月乙酉鄭公子歸生弑其君夷傳曰凡弑君稱君君無道也稱臣臣之罪也杜注稱君謂唯書君名而稱國曰弑言眾所共絕也稱臣者謂書弑者之名以示來世成公十八年正月庚申晉弑其君州蒲穀梁傳曰稱國以弑其君君惡甚矣疏曰於此發傳者以州蒲二年之間殺四大夫故於此發惡例也

宗人豐夏之守禮哀二十四年聖人遺化也後世犯葵邱之

禁者多矣漢之劉輔魏之棧潛我朝之鄒浩守經

據古其有魯宗人之風乎閻按劉輔諫成帝不宜立趙婕妤為后棧潛諫文帝不宜立郭貴嬪為后

○元圻案漢書劉輔傳輔河間宗室也成帝欲立趙婕妤為皇后輔上書曰春官書宗人

鬻夏云無以妾為夫人之禮齊桓誓命于葵邱亦曰無以妾為妻若因愛登后使志人暴貴臣恐後世下陵上替開張非度亂自上也也東都事略鄒浩字志安常州晉陵人也舉進士除右正言時章惇用事既已廢庶君遂立劉氏為皇后浩上疏曰仁宗皇后郭氏與美人尚氏爭寵致罪仁宗廢后并斥美人遷於貴族而立慈聖光獻所以遠嫌為萬世法也孟氏果與賢妃爭寵而致罪則并斥美人以示至公固有仁宗故事存焉乞追復策禮別選賢族

夫差之報越定四年其志壯矣燕昭報齊似之取其大節

而略其成敗可也慕容盛之討蘭汗其言曰免不

同天之責凡在臣民皆得明目當世君子猶有取

焉况吳乎全云此為天水諸宗子言之○元圻案戰國策燕昭王收破

築宮而師之樂毅自魏往鄒衍自齊往劇辛自趙往士爭秦燕燕上弔死問

生與百姓同其甘苦二十八年國殷富士卒樂依輕戰於是樂毅為上將

軍伐齊齊兵敗閔王出走晉書載慕容盛傳盛寶之庶長子也寶為蘭

汗所殺盛馳進赴哀汗妻乙氏泣涕請盛汗亦哀之遣其子穆迎盛舍之宮

困學紀聞注 卷六

內盛潛結大謀會穆討蘭難等斬之大餐將士汗穆皆醉盛夜因如廁袒而
踰牆入於東宮與李早等誅穆衆皆踊躍進攻汗斬之通鑑晉紀安帝隆安
二年載慕容盛告廟令曰賴五祖之休文武之力宗廟社稷幽而復顯不獨
孤以眇眇之身免不同天之責凡在臣民皆得明目當世 慕容盛之言晉
書不載而通鑑載之故曰君子有取

周之大寶鎮河圖大訓列焉見尚書顧命易象在魯三墳五

典在楚周不能有其寶矣然而老聃之禮萇宏之

樂文獻猶存何云此指趙復姚樞許衡之徒言之及王子朝以典籍奔楚

問按奔楚在魯昭公二十六年事在倚相之後何云左史倚相於前子朝以前人皆誦

古訓以華其國以得典籍故也區區一鼎與懷璧

同其能國乎問按楚昭王失國猶賴蒙穀入大宮負籒次之典以浮於江逃於雲夢中昭王反蒙穀獻典五官得法而百姓

大治非典籍之力乎○元圻案家語南宮敬叔與俱之周問禮於老聃問樂於萇宏歷郊社之所考明堂之則察廟朝之制孔子問然曰吾乃今知周公之聖與周之所以王也 蒙穀事見戰國策

困學紀聞注 卷六

古之謀國者知彼知己如良醫察脈如善奕觀棋德

刑政事典禮不易楚自克庸以來此晉臣之知楚

也宣十二年晉君類能而使之此楚臣之知晉也襄九年皆以

紀綱風俗知之楚自邲之後宣十二年晉自蕭魚之後襄十一年

精神景象非昔矣元圻案呂成公左傳說宣公十二年晉楚戰于邲晉師敗績楚莊既勝晉不肯築京觀此其不敢

自居功之意既伐陳因申叔之言即封之號以鄆因其君有禮後觀其地退

然不敢自滿引詩書之言宥有儒者氣象及其過周問鼎之輒車遽然陸贄

天子聘齊不假道于宋聘晉不假道於鄭而又陵辱諸侯所謂儒者氣象已

不後見又數九年秦景公使士離之師于楚將以伐晉楚子許之子囊止之

子囊歷數晉國之德晉公任賢使能至於工賈阜隸政事本末無不備知如

親立於晉顧此一段當以邲之戰參看當時楚莊王方強如晉士會范武子
蘇晉之臣而能歷數楚國之德刑政事平乘軍旅之事如親立楚之朝晉楚
兩強國所以兩立百有餘年者蓋其國各有腹心之臣互觀兩國之政表裏
洞見不敢輕略故如此一盛一衰一治一亂其腹心骨髓一見得足以晉
楚之霸業各至於百年又曰晉悼公之霸至蕭魚之會霸業成就與齊相晉
支同悼公自即位以來許多工夫積累到三駕而楚不敢與爭此悼公一時
之盛處然雖盛於蕭魚亦衰於蕭魚君臣之間志得意滿且以樂賞魏絳言

八年之中允合諸侯如樂之和無所不諧其君之驕可見如戚之會范宣子假羽毛於齊齊人有之已僭耳悼公不能正其罪今宣子假而私有之以大夫而僭天子之禮則其臣之驕亦可知而悼公之衰墮亦可見當業日衰不無自也 王氏此條似隱括呂成公諸說

請討陳恒之年春秋終焉夫子之請討也將以見之

行事請討不從然後託之空言 閩按馬公驥告余曰使孔子請討而得也經大書曰

齊陳恒弑其君壬公伐齊被陳恒春秋二百餘年一大快也請而不得春秋可以絕筆矣春秋之作以亂臣賊子之故其不作亦以亂臣賊子之故哉

杜氏注云仲尼之徒皆忠於魯國 見哀十一年 史記 仲尼弟 載

夫子之言曰夫魯父母之國國危如此二三子何

為莫出此夫子之訓也 全云然則深宰之拜疏山關豈得已哉 宋史不知本末書之曰遷使與曾淵子

輩同科當改正

仲子有文在手曰為魯夫人 隱元年 成 昭三十年 唐叔 昭元年 有

文在手曰友曰虞正義云石經古文虞作尪魯作

困學紀聞注 卷六

主

表手文容或似之友及夫人當有似之者 閩按吾鄉張文潛生

而有文在手曰未故以為名而字文潛陸務觀云○元圻案歐陽公集古錄載楊南仲韓城鼎銘釋文魯古作表與說文合而董道廣川書跋云劉炫謂有文在手為魯疑不得若此其後得古文虫字傳模既久又改為表字李陽水以文當如圖蓋為魯也秘閣有銅尊銘作囧公諸儒不能考定以為囧者非也以古文考之以圖為魯在漢猶然

藝文志春秋虞氏微傳二篇 案史記十二諸侯年表序趙孝成王時其相虞卿上采春秋下觀近

世亦著八篇 為虞氏春秋 按劉向別錄云虞卿作抄撮九卷授荀卿

卿授張蒼 引見杜預春 秋序正義 然則張蒼師荀卿者也左氏傳

漢初出蒼家 許氏說文解字序北平侯 張蒼獻左氏春秋傳書 亦有功於斯文矣

浮邱伯亦荀卿門人申公事之受詩是為魯詩經

典序錄根牟子傳趙人荀卿子荀卿子傳魯人大

毛公是為毛詩荀卿之門有三人焉李斯韓非不

能玷其學也

原注毛詩傳以平平為辨治又以五十矢為束皆與荀子同 全云張蒼本傳言蒼無所不通恐或過情然要

其多學可知且賈大傳出其門則亦偉矣又云倘有高賢如穆生又鹽鐵論有苞邱子尤高 繼序按苞邱子即淳邱伯○元圻案史記老子韓非列傳韓非者韓之諸公子也喜刑名法術之學與李斯俱事荀卿 荀子儒效篇分不亂於上能不窮於下治辨之極也詩曰平平左右亦是率從是言上下之交不相亂也楊倞注詩小雅采芣之篇毛云平平辨治也議兵篇負服矢五十个 惠氏九經古義五采采卷耳不盈頃筐傳云頃筐易盈之器也荀卿子引此詩亦云頃筐易滿也卷耳易得也然而不以貳周行大雅行葦云教弓既堅傳云天子教弓教與彫古今字荀卿子云天子彫弓諸侯彤弓正義以天子彫弓為事不經見其也

御孫曰儉德之共也侈惡之大也 莊二十二年 古之格君心

者必以儉董仲舒對策乃謂儉非聖人之中制公

孫宏亦云人主病不廣大舒宏正邪雖殊而啟武

帝之侈心則一 何云董子乃言不可無制度文章與宏言殊也○元圻案史記公孫宏列傳宏為人恢奇多聞嘗稱以為

人主病不廣大 大臣病不節儉 余元靜軒先生曰國奢則示之以儉國儉則示之以禮

困學紀聞注 卷六

伯宗好直言而不容於晉 成十五年 國武子好盡言而不容

於齊 成十八年 小人衆而君子獨也漢士習於諂諛而以

汲長孺為蕙 全云以為蕙猶可且以為伎 朱游為狂晉士習於曠達

而以卞望之為鄙君子之所守不以習俗移也 元圻

案史記汲鄭列傳汲黯字長孺濮陽人也天子方招文學儒者上曰吾欲云云黯對曰陛下內多欲而外施仁義奈何欲效唐虞之治乎上默然怒變色而罷朝謂左右曰甚矣汲黯之態也 漢書朱雲傳雲字游魯人也上書求見公卿在前雲曰臣願賜上方劍斬佞臣一人目厲其餘上問誰也對曰安昌侯張禹上大怒曰小臣居下訕上廷辱師傅罪死不赦御史將雲下左將軍辛慶忌叩頭殿下曰臣素著狂直於世使其言是不可誅其言非固當容之 晉書卞壺傳壺字望之濟陰宛人也其言每謂之曰卿恒無間國常如含瓦石不亦勞乎壺曰諸君以道德恢宏風流相尚執都者非壺而誰

列國大夫之無君晉為之也會于戚而不討孫林父

會於夷儀而不討崔杼會于適歷而不討季孫意

如君臣之義不明而大夫篡奪之禍晉自及矣晉

語趙宣子曰大哉天地其次君臣然宣子能言之

而躬自犯之元圻案襄十五年經書衛侯出奔齊杜注諸侯之策書孫甯逐衛侯左傳晉侯問衛故於中行獻子對曰不如

因而定之衛有君矣冬會于戚謀定衛也襄二十五年經書崔杼弑其君光公會晉侯某某于夷儀呂氏春秋集解泰山孫氏曰齊人弑莊公以求成

逆之大者晉侯不能卽而討之以定齊國之亂居以宗諸侯宜乎適歷唐陸淳

自是卒不可制也昭三十一年經書季孫意如會晉荀躒于適歷唐陸淳春秋集傳微旨下淳聞於師曰意如逐君之臣也晉不罪之而反與爲會晉

侯之爲盟主可見矣荀躒之爲人臣可知矣史記晉世家靜公二年魏武侯韓哀侯趙敬侯滅晉後而三分其地靜公遷爲家人晉絕不祀趙宣子

寺人披之斬祛傳二十二年經書趙盾弑其君夷卓其讎一也

披請見而晉文讓之無字執人於宮而楚靈赦之

楚靈之量優於晉文矣方樸山云晉文聞披言亦遠見之矣此論宋公漢高帝之

赦季布魏武帝之免梁鵠吳景帝之遺李衡皆有

君人之量全云一是英雄一是奸雄一是中主之寬大者元圻案史記季布列傳宋家謂滕公曰季布何大罪而上求之急也滕

困學紀聞注 卷一八

公曰布數爲項羽窘上故必養得之宋家曰臣各爲其主項氏臣可盡誅

邪滕公待問異言如宋家指上廼赦季布三國志魏武紀注衛恒四體書勢序曰梁鵠以攻書至選部尙書於是公欲爲洛陽令鵠以爲北部尉鵠後

依劉表及荊州平公募求鵠鵠懼自縛詣門署軍假司馬三國志吳孫休傳休權第六子權薨休弟亮承統徒休於丹陽郡太守李衡數以事侵亮

廢孫繼迎休御正殿大赦政元詔曰丹陽太守李衡以往事之嫌自拘有司

夫射鈞斬祛在君爲君遣衛還郡勿令自疑休謚景帝

楚伍參曰晉之從政者新宣十謂荀林父也士彌牟曰

晉之從政者新定元謂范鞅也一以喪師敗于一以失

諸侯定四書曰人惟求舊閩按謂荀林父新從政在本月范鞅新從政僅十日新字奇確何云新謂任

未久非驟居執政之謂元圻案呂成公左傳說六宣公十二年晉楚戰于邲說曰荀林父以晉之名臣統元帥之權而不能制一先殺者蓋新進之徒

威德未孚于人故如此楚嬖人伍參謂晉之從政者新論林父最切當大抵

賢才處事或至敗事者未必其才之不足處事之不審特其素望之未熟於

人以至敗事古之人所以四十而仕五十而爲大夫蓋欲使涵養積習威望

在人已熟然後可以從政若是養之無素驟居人上鮮有不敗事者

以近事爲鑒則其言易入申叔豫以子南戒遠子馮

是也襄二十二年告君亦然樊噲諫高帝曰獨不見趙高

之事乎元圻案史記樊噲列傳高祖嘗獨不見人諫乎

病甚惡見人噲乃排闥直入上獨枕一宦者臥噲見上流涕曰陛下病甚大臣震恐不見臣等計事獨與一宦者絕乎且陛下不見趙高之事乎帝

笑而起又袁盎列傳上幸上林皇后慎夫人從其在禁中常同席坐及坐布席袁盎引卻慎夫人怒不肯坐上亦怒盎曰妾主豈可與同坐哉

陛下所以為慎夫人適所以禍之陛下獨不見人諫乎上說召語慎夫人賜益金五十筋賈誼陳政事疏曰臣竊跡前事賈山言曰臣不敢以久遠

諭願借秦以為喻亦此意

劉炫謂國語非邱明作原注傳言鄆陵之敗苻黃皇之為楚語云雍子之為與傳不同傳元云國語非邱明

作有一事而二文不同○案劉炫語見襄二十六年正義傳元語見哀二十三年正義○方樸山云左傳哀元年年載吳師在陳楚大夫皆懼惟子西曰三

子恤不相睦無患吳矣於楚語則以懼吳為子西語無患吳為藍尹壘之言此亦互異之一

繼序按傳言鄆陵之敗晉語作苗夆皇與左傳同楚語異又按晉惠公卒左傳在九月國語在十月納公子重耳左傳在明年正月

年黃池之會吳語作吳公先插左傳則先晉人

困學紀聞注卷六 左高

公稱左邱失明厥有國語見漢書本傳今春秋傳作左氏

而國語為左邱氏則不得為一家文體亦自不同

其非一家書明甚左氏原注王荆公以為六國時人蓋左史之後以

官氏者朱文公謂左氏乃左史倚相之後故其書

說楚事為詳原注鄭漁仲云左氏世為楚史○鄭漁仲語見所著春秋地名譜自述司馬公謂左

氏欲傳春秋先作國語國語之文不及傳之精也

閩按黃楚堊書出極辨以左氏為楚人之非蓋均載晉楚之事辭意間多與

欽孔子發憤於舊史垂法於素王左邱明因聖言以據實託義以為國

明識高遠雅思未盡故復采錄前世穆王以來下訖魯悼智伯之誅以為國

語其文不主於經故號曰外傳葉少蘊春秋統論三司馬遷班固以邱明

以為名則左為氏矣然遷復言左邱失明厥有國語按姓譜有左氏左邱氏遷

臧文仲以玉磬告糴於齊見魯語容齋三筆書博古

圖謂左傳無玉磬之說非也

元圻案書錄解題雜家類容齋隨筆續筆三筆四筆各十六卷

五筆十卷翰林學士鄱陽洪邁景廬撰每編皆有小序五筆未成書十三卷
十三再書博古圖曰予讀博古圖其謬妄不可殫舉當政和宣和間蔡京為
政整士大夫不得讀史而春秋三傳真東高閣故其所引用絕為乖厝周雲
雷磬曰春秋篤饑滅文仲以玉磬告糴于齊按經所書但云滅孫辰告糴于
齊左傳亦無玉磬之說 國語四篇莊公時滅文仲以鬯圭玉磬如齊告糴

晉語伯宗索士庇州犁得畢陽

案韋昭注索求也庇覆也州犁伯宗子伯州犁也

及

欒弗忌之難諸大夫害伯宗畢陽實送州犁於荆

畢陽之孫豫讓見戰國策

晉畢陽之孫章

祖孫皆以義烈著

所謂是以似之者太史公不書於傳故表而出之

集證吳師道戰國策注豫讓義士也史遷列之刺客而蘇氏古史亦謂之非賢失之矣朱子綱目附見於三晉始命之下則以其事在前不得特書以表之爾大事記解題略見而記不書未知呂子之旨

晉語知宣子將以瑤為後知果曰不如宵也弗聽知

困學紀聞注 卷六

七五

果別族於太史為輔氏

原注通鑑取此

戰國策

知伯帥趙鞅魏章 張孟

談因朝智伯而出退智過轅門之外智過入見智

伯曰二主殆將有變智過言之不聽出更其姓為

輔氏

原注韓非子同云更其族○案韓非子十過篇載智過事

智過即智果也 全云通鑑以一事屬却疵

說之先後不同

集證古今人表知過繫於趙襄子之後從戰國策也師古曰知過即知果○元圻案國語作知果國策作智過當云智過即知果也閻何本皆作智過即智果也蓋仍顏師古之誤

楚語伍舉曰德義不行則邇者騷離而遠者距違

注騷愁也離畔也

伍舉所謂騷離屈平所謂離騷皆楚言也

揚雄為畔牢愁與楚語注合

元圻案史記屈原列傳屈原者名平楚之同姓也憂愁幽思而

作離騷離騷者猶離憂也 漢書揚雄傳又怪屈原文過相如至不容作離騷自投江而死日為遇不遇命也何心湛身哉迺作書往往撻離騷文而反之自岷山投諸江流日弔屈原名曰離騷又旁離騷作重一篇名曰廣騷又旁情補目下至懷沙一卷名曰畔牢愁注李奇曰畔離也牢聊也連音相

離愁而無聊也

皇王大紀景王二年

原注襄三十年

楚公子圍至晉晉趙武

鞅鳴玉以相按楚語王孫圉聘於晉定公饗之趙

簡子鳴玉以相蓋楚昭王時鞅者武之孫也今以

王孫圉為公子圍以鞅為武之子皆誤

元圻案皇王大紀五十五景王

二年冬楚王遣使聘于諸侯公子圍至晉晉趙武子鞅鳴玉以相晉侯曰白珩楚之寶也圍應曰楚有觀射父者能作訓辭以合於諸侯有左史倚相者朝夕獻善敗於寡君使無忘先王之業有數目雲連徒洲金木竹箭之所生皮革羽毛之所出以備軍賦是則楚之寶矣鞅有駮邑皇王大紀注見干頁

古者孫以王父字為氏

成十五年公羊傳文

子產子國之子國語

謂公孫成子左傳謂公孫僑

原注子產之子始為國氏

致堂作子產

傳曰國僑非也

閻按子產之子左傳謂之國參集證左傳傳公子

困學紀聞注

卷六

主六

彥伯傳存其家邦國僑之言也薛登傳子皮讓國僑史通模擬篇云左傳前邱子產則次見國僑唐以前皆稱子產為國僑也○元圻案昭四年子產作邱賦渾罕曰國氏其先乎隱五年正義僖伯名驅字子臧世本云孝公之子諸侯之子稱公子公之子稱公孫公孫之子不得祖諸侯乃以王父之字為氏計僖伯之孫始得以臧為氏今於僖伯之上已加臧者蓋以僖伯是臧氏之祖傳家追言之也後漢書王充王符仲長統傳論國子流遺愛之體王當春秋臣傳子產鄭公孫僑也一字子美氏曰國

鄭語依倣歷華史記鄭世家注華作華水經注黃水

逕華城西史伯曰華君之土也韋昭曰華國名秦

自起攻魏拔華陽司馬彪曰華陽在密縣

案此水經二十二洧

括地志華陽城在鄭州管城縣南可以證

今本之誤

原注按下文前華後河則上文當作華閻按此證致精朱
水又東過鄭縣南注文
靈儀反以鄭注華字誤誤矣何云明道本前華後河正作華方樸山云據今本國語華字雖俱作華字然其上云若克二邑韋昭注云二邑號鄭其下云歸蔽補丹依倣歷華君之土也注云言克號鄭則此八邑皆可明也下又云若前華後河左洛右濟注云華國也按此上下註語則兩華字得是兩地一為邑一為國不得合并且其注華字係於前華後河

句下而又云幸華國也與鄭氏所引亦不同鄭氏改寬韋注制裁國語以兩
爲一而王氏從之愚亦有疑 集證鄭氏詩譜引史伯作依嘜歷華太平節
賢一百五十九州郡部引鄭語亦作依嘜歷華今河南開府鄭州周爲管叔
封邑後爲鄭國漢置中牟縣隋置管城縣華陽城在今鄭州南○元圻案史
記鄭世家號鄭果獻十邑注虞翻曰十邑謂號鄭鄭蔽補丹依嘜歷華也索
隱曰國語云大史伯曰若克二邑鄭蔽補丹依嘜歷華君之士也可知國語
古本華不作幸矣

晉語竇犇對趙簡子曰君子哀無人不哀無賄哀無

德不哀無寵哀名之不令不哀年之不登味其言

見其賢矣史記孔子世家孔子將西見趙簡子聞竇鳴犇

之死臨河而歎索隱云鳴犇犇字通鑑外紀於周

敬王二十八年書簡子殺鳴犇三十年書竇犇對

簡子誤也集證容齋四筆漢書劉輔傳各承等上書曰趙簡子殺其大

饋鏗犇而史記古今人表並以爲鳴犇犇蓋鏗犇及賈其犇相近故有不
同耳余按今本史記孔子世家乃以爲賈鳴犇犇華說苑權權篇云晉有澤

困學紀聞注 卷六

七

鳴犇犇其不同如此○元圻案索隱云鳴犇犇字孔子世家作賈鳴犇鏗犇
是也鳴犇犇爲一人也師古劉輔傳注云今承等指舉殺鳴犇一人不論
犇犇是以爲二人而班氏古今人表中上亦列鳴犇賈犇爲二外紀蓋從班
氏

江端禮集證云字季恭嘗病柳子厚作非國語乃作非非國語

東坡見之曰久有意爲此書不謂君先之也然子

厚非國語而其文多以國語爲法開按東坡續楚語論卽東坡非非國語

唐志柳宗元非國語二卷○元圻案柳子厚與呂溫論非國語曰嘗讀國
語病其文勝而言麗好怪以反倫其道舛逆而學以其文也成者聞焉至
此六經是聖人之道弱也余勇不自制以後世之訕怒乃黜其不滅究世之
謬凡爲六十七篇命之曰非國語 經義考二百九江氏端禮非非國語佚
又劉氏章非非國語佚黃瑜曰劉章有文名非非國語是也非非國語佚
語乃作刺刺孟非非國語江端禮虞槃有文名非非國語是也非非國語佚
也又曾氏子乾非非國語一卷佚案此則非非國語有四 宋徐度却掃編
曰張嶠舍人言柳子厚平生爲文章專學國語讀之既精因得掇拾其差失
著論以非之 江端禮臨川人劉原父之甥也弟端本詩入江西宗派

古以一句爲一言左氏傳子太叔九言定四論語一言

蔽之曰思無邪秦漢以來乃有句稱今以一字爲

一言如五言六言七言詩之類非也

閩按戰國策臣請

言臣請烹是古以一字爲一言不爲非又按盧六以曰論語子貢問有一言而可以終身行之者乎子曰其恕乎亦以一字爲一言是論語已有兩例也○元折案東方朔自謂十六學詩書誦二十二萬言十九學孫吳兵法亦誦二十二萬言似亦以一字爲一言也

史墨曰越得歲而吳伐之必受其凶杜牧注孫子曰

歲爲善星不福無道火爲罰星不罰有德嘉定中

閩按寧宗在位十四年戊辰日官言五福太一臨吳分眞文忠公

除江

東漕朝辭劉子奏漢之肇造以寬仁得民而不在五星之聚

井漢書高紀元年冬十月五星聚于東井晉之卻敵以將相有人而不在歲

星之臨吳元折案孫子計篇曰天者陰陽寒暑時制也杜牧注左傳昭

歲而吳伐之必受其凶註曰在亡之數不過三紀歲星三周三十六歲故曰不及四十年也此年歲在星紀星紀吳分也歲星所在其國有福吳先用兵

困學紀聞注 卷六

七

故凡受其殃哀二十二年越滅吳至此三十八歲也夫吳越之君德均勢敵鬪閭與師志於吞滅非爲拯民故歲星福越而禍吳秦之殘滅天下誅之上合天意故歲星禍秦而祥漢榮惑罰星也宋景公出一善言榮惑移三舍而延二十七年以此推之歲爲善星不福無道火爲罰星不罰有德書錄解題兵書類注孫子二卷唐中書舍人杜牧之撰

子產鑄刑書聖趙鞅荀寅鑄刑鼎昭二十九年至鄧析竹刑

則書於竹簡矣定九年然甫刑云明啟刑書其來已久

漢杜周傳不循三尺法注謂以三尺竹簡書法律

也朱博亦云奉三尺律令以從事鹽鐵論詔聖乃云

二尺四寸之律古今一也蓋律書以二尺四寸簡

舉其大數謂之三尺曹褒新禮寫以二尺四寸簡

漢禮與律令同錄其制一也集證漢禮樂志叔孫通所撰禮儀與律令同錄載於理官○元

折案漢書朱博傳博字子元杜陵人遷瑱邪太守文學備吏時有奏記稱說云云博見謂曰如太守漢吏奉三尺律令昌徂事亡七奈生所言聖人道何

也又曰廷尉治郡斷獄日來且二十年亦獨耳割日久三尺律令人事出其
中後漢書曹褒傳褒字叔通魯國薛人父序禮事依淳舊典雜曰五經識
記之文撰次天子至於庶人冠婚吉凶終始制度日爲百五十篇篇曰二尺
四寸簡奏上會和帝卽位褒乃爲作章句帝遂曰新禮二篇冠

趙襄子曰以能忍恥庶無害趙宗乎哀二十七年說苑談叢

云能忍恥者安能忍辱者存呂居仁謂忍詬二字

古之格言學者可以詳思而致力閩按呂覽尹鐸謂趙簡子曰敦顏而上色者忍

醜嘗戲謂韓信屈於市之少年步騭屈於郡之豪族何淮陰人偏能忍辱
耶亦一異何云杜有道妻嚴氏與有道從子預書云忍辱至三公方樊
山云陸遜亦云能忍辱負重全云忍辱二字亦當別白杜婦之言易流於
馮道○元圻案屈子離騷屈心而抑志兮忍垢而攘尤

內有疑妻之妾此宮亂也庶有疑室之子此家亂也

朝有疑相之臣此國亂也此管子短語君臣下篇文管子之言卽辛

伯之諗周桓公也桓十八年然管子能言之而不能格齊

桓之心

困學紀聞注 卷六 七九

朱子類曰左氏之失在以成敗論人愚嘗觀蔡邕獨

斷引王仲任曰君子無幸而有不幸小人有幸而

無不幸閩按與論衡不同王氏所擇精矣○案論衡幸偶篇孔子曰君子有不幸而無不幸韓文公

與衛中行書謂君子得禍爲不幸而小人得禍爲常君子

得福爲常而小人得福爲不幸亦仲任之意斯言

可以正左氏之失

宋人享趙文子叔向爲介司馬置折俎禮也仲尼使

舉是禮也以爲多文辭襄二十七年服虔云以其多文辭

故特舉而用之後世謂之孔氏聘辭以孔氏有其

辭故傳不復載也正義謂孔氏聘辭不知事何所

出元圻案惠氏九經古義八司儀問君客再拜對君問大夫客對君勞客
客再拜稽首注云問君曰君不恙乎對曰使臣之來寡君命臣于庭問

大夫曰二子不恙乎對曰寡君命使臣于庭二子皆在勞客曰道路悠遠客甚勞勞介則曰二子甚勞王伯厚曰此亦見說苑鄭氏所述蓋古禮也賈疏云未知所出何文或云是孔子聘問之辭棟案襄廿七年春秋傳曰仲尼使季是禮也以爲多文辭服虔云以其多文辭故特舉而用之後世謂之孔子聘辭此書漢時猶存故鄭引之或說非無據也

是謂一終一星終也

襄九年

今俗語云一匝

匝闕本

淮南子

詮言

以數雜之壽憂天下之亂猶憂洪水之少泣而

益之也

原注朱子作數集 集證今本 符言篇作數算白帖引作數集

注雜匝也人生子從

子至亥爲一匝

原注俗語出於此 集證今本高誘注無人生子三字呂氏春秋園通篇天道之圖也精氣一上一下圖

周復雜無所稽雷高誘注雜猶匝也廣韻二十七合雜字下注云雜匝也集

或以益爲皐陶之子列女傳翠子生五歲而贊禹曹

大家注皐陶之子伯益也

原注李邕爲李思訓碑云翠子贊禹甘生相泰翠與皐同

林少

穎謂伯益卽伯翳其後爲秦臧文仲聞六蓼滅曰

困學紀聞注

卷六

八十

皐陶庭堅不祀忽諸

文公五年

使皐陶猶有後於秦則文

仲之言不若此之甚也

原注列子夷堅聞而志之張虔注卽庭堅也 闕按伯益爲皐陶之子亦見高

誘注呂氏春秋及鄭氏詩譜陸德明音義詳古文尚書疏證卷四第五十八條○元圻案林少穎尚書全解三或以益爲皐陶之子是未必然伯益卽伯

翳也其後爲秦在春秋之時浸以強盛使伯益果皐陶之子則秦乃皐陶之

後而臧文仲聞六與蓼滅曰皐陶庭堅不祀忽諸德之不建民之無援哀哉

使皐陶猶有後於秦則文仲之言不若是之甚也案史記文帝禹立而舉皐陶薦之且授政焉卒封皐陶之後於六或在許而後舉益任之政以是觀之

則益與皐陶不得爲一族也明矣 漢書藝文志儒家類載劉向所序六十七篇註曰新序說苑世說列女傳頌圖也隋書經籍志雜傳類列女傳十五

卷劉向撰曹大家注

發不恤緯

昭三十四年

齊女有禮

成二年

漆室女憂君况委質爲

臣者乎

原注列女傳魯漆室女韓詩外傳云魯監門之女嬰 莒婦投紉復其夫之雙而不知其君與不恤緯者異矣 何云婦以夫

爲天 集證列女傳魯漆室邑之女過時未適人當穆公之時君老天子幼女倚柱而啼旁人間之心莫不慘慘者鄰婦從之遊謂曰何哭之悲子欲嫁

乎吾爲子求偶漆室女曰嗟乎吾憂魯君老而太子少也韓詩外傳二魯監門之女嬰相從積中夜而泣涕其偶曰何爲而泣也嬰曰吾聞衛世子不肖

所以泣也○元圻案言婦投新事見左傳昭十九年

漢世祖罷郡國都尉

何云讀後漢書深以此為光武之失不謂厚齋固言之須詳為注釋本末

晉武帝

去州郡武備其害皆見於後唐穆宗之銷兵則不

崇朝而變生焉故曰誰能去兵

何云厚子藩蓋宋初防節鎮尾大之禍創其兵權卒

也外患蚤乘莫之能禦也集詔唐肅僞傳穆宗初兩河底定僞與段文昌

當國謂四方無虞勸帝密詔天下鎮兵十之一歲限一為逃死不謂之銷

兵既而籍卒逃亡無生業聚為盜賊會朱克融王庭湊亂燕趙一日悉收用

之朝廷調兵不充於募市人烏合戰輒北遂復失河朔○元圻案後漢書百

官志一五邊郡置農都尉又中興建武六年省諸郡都尉并職太守無都尉

各一人邊郡置農都尉又中興建武六年省諸郡都尉并職太守無都尉

役劉昭補注古今注曰六年八月省都尉官應劭曰每有劇賊郡臨時置都

尉事訖罷之及應劭漢官曰蓋天生五材民並用之廢一不可誰能去兵兵

之設尚矣自那國罷材官騎士之後官無警備實啟寇心一方有難三面救

之一切取辦警省置然不及講其射御用其戒誓一旦驅之以御強敵猶鳩

鵠捕鷹鷹豚羊犬豺虎是以每戰常負于旅不振張角懷妖偽逕過搖蕩入

州並發煙突絳天牧守鼻裂流血成川爾乃遠徵三邊殊俗之兵非我族類

悉驚竄橫多個良善以為己功哀夫民氓遷流之咎見出在茲不教而戰是

謂棄之跡其禍敗豈虛也哉又劉昭注曰晉太康之初武帝詔曰上古及中

困學紀聞注 卷六

代或置州牧或置刺史置監御史皆綱綱紀而不賦政治民之事任之諸侯

郡守昔漢末四海分崩因以吳蜀自擅自是刺史內親民事外領兵馬一時

之宜爾今賴宗廟之靈士大夫之力江表平定合之為一當貽戡干戈與天

下休息諸州無事者罷其兵刺州分職皆如漢氏故事

劉知幾史通書曰能言吾祖郊子見師昭十不識其先籍

談取誦昭十鄧名世曰春秋時善論姓氏者魯有衆

仲見隱晉有胥臣原注見晉語○秦晉語四司空季子言黃帝之子二

空十五年鄭有行人子羽見襄三皆能探討本源自炎黃而

下如指諸掌原注鄭漁仲曰日本公子譚二書皆本左傳何云觀

世本不可得但觀諸書所引亦不盡合於左傳公子譚也全云公子譚尚存

海四十一紹興四年鄧名世上春秋四譜一卷以經傳國語參合援證為國

譜年譜地譜人譜辨論譜說一卷三月二十五日引見九月六日明出身充

史館校勘隋經籍志春秋公譜一卷吳楊蘊撰小公子譜六卷晉杜預

撰○元圻案今本鄧名世柵欄集明正德特所刊不載此條所引之語或即

子皮曰君子務知大者遠者小人務知小者近者襄三

程子伊川謂君子之志所慮者豈止一身直慮及

天下千萬世小人之慮一朝之忿不遑恤其身程見

氏遺書十

莊公寤生賢元風俗通云俗說兒墮地未能開目視者

謂之寤生

開按周書寤敬解王曰今朕寤有商驚于註云言夢為紂所伐故驚史記解王召左司戎大曰今夕朕寤遂事驚于夢以

說文寤書見而夜夢也則莊公寤生乃夢中所生解較直捷 全云寤生者 兒生也諸說皆以意為之○元圻案太平御覽三百六十一風俗通曰俗說 兒墮地未能開目視者謂之寤生舉寤生子妨父母謹按左傳鄭莊公寤生 驚姜氏因名寤生武公老終天年姜氏亦然安有妨其父母乎 余友曲阜 桂未谷穆曰崔鴻南燕錄晉咸康二年公孫夫人晝寢生慕容德左右以告 方寢而起慕容號曰此兒易生似鄭生公長必有大德遂以德為名三十國 春秋前秦蒲洪父懷歸於部洛小帥其母姜氏因寤產洪驚慄而寤余初疑 寤當作倍謂倒產及得二事不敢復執前說矣

黃池之會王孫雜曰必會而先之見吳吳晉爭先雜之

謀也然不能救吳之亡故呂氏春秋仲春紀 當梁篇曰吳王

困學紀聞注 卷六

夫差染於王孫雜太宰嚭然則雜亦詬之流耳按

何妃癯傳明道二年刊國語正作王孫雜與王氏當日所引本同今流俗本 盡作雜 何云案明道二年所刊國語亦作雜

晉有四姬鄭子產有男女辨姓之言昭元考之穆天子

傳穆王有盛姬蓋周禮之壞自王朝始諸侯何詠

焉全云穆天子傳不足據嚭王尚不靡于此○元圻案穆天子傳盛姬姬 姓也盛伯之子也天子賜之上姬之長是曰盛門又曰天子舍于澤中

盛姬告病天子憐之 列子周穆王西巡狩道有工人偃師獻所造能倡者 王視之趨步俯仰信人也與盛姬內御並觀之

叔向習春秋為平公之傅案晉語司馬侯曰羊舌肸習於春秋乃 召叔向使傅太子彪 彪即平公之名

而不能諫四姬之惑何也曰正己則可以格君之心

之非叔向娶於申公巫臣氏違母之訓而從君之

命昭二十 七年無諸己而後非諸人自反而不縮其能正

君乎先儒有言寡欲之臣然後可以言王佐全云叔 向晚節

尤表平邱之會其辭無理甚矣○元圻案胡子知言曰寡欲之君然後可與言王道無欲之臣然後可以言王佐

季武子曰有叔向女齊以師保其君襄三公室之卑私十年

言於晏嬰昭三杞田之治僅及於侵小襄二十師保固九年

如是乎全云叔向為趙文子傳言於宋是六卿之所用者安能當師保之任

魯用田賦仲尼曰有周公之典在襄十晉鑄刑鼎仲尼

曰晉國將守唐叔之所受法度昭二十周公之典唐九年

叔之法度魯晉所以立國也是以漢循高祖之法

則治梅福語見漢書本傳唐變太宗之制則亂原注夏有典則商云成憲周云舊章○元圻案

紹定六年十一月召魏了翁為華文閣待制了翁上章論十事乞復舊典以章新化一復三省之典以重六卿二復二府之典以集眾議三復都堂之典以重省府四復待從之典以來忠告五復經筵之典以熙聖學六復諫議之典以公黜陟七復制誥之典以謹命令八復聽言之典以通下情九復三衛之典以強主威十復制閫之典以黜私意故王氏云爾

因學紀聞注 卷六

古也有志克己復禮仁也昭十或謂克己復禮古人所二年

傳非出於仲尼致堂曰夫子以克己復禮為仁非

指克己復禮即仁也胥臣曰出門如賓承事如祭

仁之則也僖三十蓋左氏粗聞闕里緒言每每引用二年

而輒有更易穆姜於隨舉文言亦此類閻按亦有辨見尚書古文疏證

卷五第七十六條 集蓋惠氏棟曰論語視其所以觀其所由察其所安見逸周書官人解大戴文王官人篇參分天下有其二見逸周書程典解已所不欲勿施於人管子以為古語見小問篇聖人言述而不作推此言之聖人豈空作哉但經傳散佚不能一一舉之耳

晉語欒氏之臣辛俞曰三世仕家君之再世以下

之原注注大夫稱主優施謂里克妻曰主孟啗我原注注大夫之妻稱主左

傳醫和謂趙孟曰主是謂矣昭元魏戊曰主以不賄

聞於諸侯昭二十此大夫稱主也閻按盧六以曰魯語以獻之家而主猶續懼于季孫

之怒也此子稱母亦稱主也

齊侯使高張來唁公稱主君子家子曰

齊卑君矣主君大夫之稱也

昭二十九年

史記甘茂傳樂

羊拔中山魏文侯示之謫書樂羊曰此非臣之功也主君之力也戰國策梁王魏嬰觴諸侯於范臺

魯君曰主君之尊儀狄之酒也主君之味易牙之

調也魏以大夫為諸侯故猶稱主君

閩按周禮主以利得民注云主謂公

卿大夫是大夫稱主周之制也

全云閩說附會又云魏以主君為稱未必如深寧之言蓋世降而名稱變耳

集證禮記坊記注大夫有臣者稱之曰主周禮曰主友之讎視從父昆弟正義曰此據臣下自稱已大夫之君但得

言主不得稱君若他人汎例言之大夫有采地者亦得稱君故喪服云為其君布帶繩屨傳言君謂有采地者也若通而言之諸侯亦稱主曲禮執事器

謂君也大夫自相命亦稱主左傳晉土句謂齊偃事吳敗不如事主是也稱大夫之妻亦得曰主魯語季孫問於公父文伯之母曰主亦有以語肥乎是也

困學紀聞注

卷六

男忠錫孫孝濬校字

